

LIPUZO NI LIKALABO



Halu yemeñi ona cwalo fa nako nyana kwa tapelo.

Mulimu Yomunde, lu itumela ku Wena busihu bo bakeñisa, pili, ka Jesu Kreste, Mupulusi wa luna. Lu itumela ku Wena kakuli ki Ya swana maabani, kacenu, ni kuyakuile. Lu itumela ku Wena ka batu baba lumela cwalo. Lu tabile hahulu kuli luna ni Mulimu, isiñi fela mulimu wa ku akaleza cwalo, siswaniso sa ku akaleza fela, moya wa ku akaleza; hakuna sa ku akaleza ka zona—ki Mulimu wa niti mi ya pila ya pila ni luna ni ku sebeza ka luna. Ha ki kueza siswaniso sa ku yemela Mulimu, kono lu li bupiwa ze pila za Mulimu... Moya o Kenile, ha lu buleli ka sibupiwa sa siswaniso, kono lu bulela ka sibyana se si liuluzwi—Mulimu ya bonahalile mwa nama. Mo lu itumela ku Wena ka se, Siita sa Mulilo sesituna sa lu latelela, kamba lwa Si latelela, nitaluse, ni kwa liponahazo kaufela zetuna za Moya o swana o eza musebezi o swana o U kile wa eza kamita ha No tile fa lifasi. Ha ki mbombolelwa ni yeo ye si lufa.

² Lu kopani busihu bo, Mulena, isiñi ka libaka lisili kono ka kuziba mwa kuezeza ni mwa ku i tutela, ka tuso ya Hao, kuba Bakreste babande ni batu babande baba swanelia hola ye yona ye lu atumela. A ku lu tuse, Mulena; lwa Ku tokwa. Ka Libizo la Jesu. Amen. (Mwakona kuina.)

³ Ka kuba ni lipuzo zeñwi ze mashumi amalalu kamba mashumi amane, Hani—Hani zibi mo Ni kona kufitela ku zona. Ni likile katata musihali wo kubona haiba ne Ni ka li feza ka swanelo, kono Ni palezwi kueza cwalo. Kono Ni bata kubulela kuli Ni ka eza zende luli mo Ni konela ku—ku alaba lipuzo ze, kakuli ki lipuzo zende, ze zwelela kwa lipilu za Bakreste. Mi Ni—Ni bata kueza lika kaufela ze Ni ziba ka kusepahala luli kuli ni li alabe. Mi Ni—Ni bata ku itumela ku Mulena ka Mwa lu tuselize kakusasana wo mwa—mwa ku talimanela ni lipuzo ze ni kwa—kwa ni kwa—likalabo Za lufile.

⁴ Cwale, Ni na ni zona mo likopani kopani, Ni sepa ki ze mwanda ni mashumi aketalizoho kamba mane buñata. Mi ne lu alabile kwateni mwendi ze mashumi amabeli, Na sepa, kakusasana wa kacenu. Mi—mi fa cwale, lu si ka kalisa kale, Ni bata fela kubulela kuli haiba kuna ni yana bata kubona siemba se fa *Keleke iluma ka Lingoma Hanze Liliziwa*, mukutazi wa Presbyterian kwanu na etelela kopano ya hae mwa rock-ni-roll, tukiso ya za—za likezo za butokwa za bulapeli... Mutuhele fela ni bone fa muzuzu nyana.

⁵ “Mamembala ba banca inge ba bina kwa lipina za jazz—jazz. Mubapali wa maikuto a manyando u bulela ka za sifapahano mwa mukwa wa n-g-u-l-i, rock-ni-roll.” Mulisana kwanu u

zamaisa ba banca kaufela ni kufita mwa manyando a Kreste, ba sifapahano ne ba bapala mwa mukwa wa rock-ni-roll ni jazz. Kihande . . . Ki mwa Maryland. Cwale, ha ki nto isili yeo?

⁶ Mi cwale, ki se siswaniso sa zani . . . Ne ni mi bulelala kakusasana wo ka za Beatles yani, *Return of Beatles*, mi ki kuna ni mutende wani; fela muna ni ku ubala mutende wani ni zeñwi mwateni ze shutana. “ . . . mo ne li inezi, ne li kalisize bulapeli bo bunca.” Cwale, muina sipula wa bona . . . Nina ni kapampili kaka zwile mwa mutende fa. Ha muna nako . . . Haiba kuna ni ya bata kubala lika ze—kamba Na kona ku libeya fa limati la papazo, kipeto mu ka ipalela zona. Mi Ni bata ku mi bonisa fela hola ye lupila ku yona kuli ya lyanganisa. Mwendi hamukoni ku utwisisa, kono, batu, ba lika ku li utwisisa, kuli—ona lika ze mo li inezi! Ni kupile Muzwale Capps—una ni tuto yende mi ukona kubala hande kufita mo ni balelanga Ni—Ni mu kupile kuli abale kalulo ye yezwa ku muina sipula wa ba Beatles. Kana wa kona kueza, Muzwale Capps, ka nako ye?

⁷ [Muzwale Capps ubala kalulo yeo ka za Beatles—Mu.]

[Ibulela sina cwana:]

[Ba Beatles ba bilaela mwahala bona mi habana likalabo. “Hakuna kutwisiso hande, kaniti kutwisiso hande haiyo!” ki mwa bulelala Derek Taylor, mupolisa ili mubili wa makande wa ba Beatles, “Kiba bashimani babane baba zwa kwa Liverpool. Ki ba mahañi; habana likute ku za bumulimu; ki ba kashwau; mi ba hapile lifasi. Kuswana inge kuli ba ipangezi bulapeli bo bunca. Ki bo antikreste ka kutala. Ni talusa kuli, Ni mu antikreste nina kasibili; kono bona ki bo antikreste babatuna mane ba ni komokisa, isi nto ye bunolo. Kono Ni nahana hahulu ka bona. Nji ha ku cwalo ku mutu kaufela? Ni katazwa hahulu ka ku nahana fa busepahali bwa bona, mi batu baba ba tabelia hahulu balukela ku nyemelwa hahulu.”]

[“Mwa Australia, ka mutala, nako kaufela yene lu punyanga fa libala la fulai, ne kuswana inge kuli deGaulle u lulile, kamba mane lu bulele fela kuli, ki Mesia. Mikwakwa ne iyema nonga ka likute. Lianga ne ba yumba likota za bona. Bakuli ne ba matisezwa kwa limota, inge kuli kuswaliwa kulikuñwi kwa bashimani bani ne ku ka ba folisa hape. Macembele ne ba yema inze ba talimezi ni baikulya bona hane lu fita cwalo. Ne ni bona mubonahalelo wa fa lifateho za bona. Ne kubonahala inge kuli mupulusi yomuñwi na tile mi sicaba se kaufela ne si tabile ni ku imuluha, mane inge kuli lika ne li kaba hande cwale.” Taylor akutumana ni ku comeka kwai mwa mulomo wa hae, “Taba fela ye siyezi ku ba Beatles,” abulela ali, “ki kuya fa musipili wa foliso.”]

⁸ Kana ha kisona sa Na bulezi seo? “Babañata ba ka taha ku Na mwa lizazi lani mi ba kali, ‘Mulena kana ha Ni si ka . . .’” Mwabona? Cwale, hamuboni kuli hamukoni ku beya sepo ya mina mwa mikopano ya ku foliswa? Hamukoni ku beya sepo ya mina mwa sisupo sifi kaufela se si cwalo. Nto fela ye mukona ku beya teñi sepo ya mina ki ku za kuli KISONA SA BULELA MULÉNA kuzwelela mwa Bibele. Cwale, Keleke, mwani kona mo Ni likile ku mi beya, bana ke. Mi haiba sesiñwi si ezahala ku na mi Mulimu wa ni nga kuzwa mwa lifasi le, musike mwa be mupalelwa. Muhupule taba ye ka lipilu za mina kaufela: mupile ni Linzwi lani! Musike ku siya Linzwi lani! Sika kaufela se si shutana ni Lona, mu si tokolomohe fela, hakuna taba kamba ki sikamañi. Kipeto mu ka ziba kuli Li lukile. Mwabona?

⁹ Mukopano wa ku foliswa cwale! Mutu wa sibi ya na komokisize nihaiba baina sipula ba hae ka kashwau ka bona, ni masila, ni busafa; kono batu ba yumba milamu ya bona ni ku foliswa ka kutalimela bashimani bani. Ki busafa hahulu, ni masila, ni bu antikreste! Mwa bona, ki Satani ya li fa mukiti wa lisomo. Mwabona? U ezanga sika kaufela sa ka eza Kreste, kono fela hakoni ku bonahalisa Linzwi. Mwabona? Uka nga siemba sa Lona kuzwa fa ni siemba sa Lona fa, kono hana ku linga kaufela Lona. Mwabona? Hakoni ku linga kaufela Lona. Konakuli mwa bona, ki kabakaleo Bibebe ibulezi kuli zeo li ka lyanganisa mane ni bona ba Baketilwe kambe ki nto ye konahala—moya wa bu antikreste.

¹⁰ Cwale, mane nihaiba muina sipula wa babihi ba makande luli fa, muyemeli wa makande, wa ba yemela, wa ba lumela, mi ubulela kuli ba taselizwe ka nto yeswana, kakuli ba mu katalize.

¹¹ Lika ze maswe zani, zani . . . Cwale, kikuli ha mu boni, basali, se Ni lika ku mi bulelela ka za kutina ze kuswani, kukuta milili, kuipumela, ni lika zeñwi. Ki si moya. Ki si moya! Ki wo uteni hande mwa mitende ya luna ye etelezi mwa naha ni lika kaufela ze bonisizwe kwande za—rock-ni-roll ni zeñwi mwa keleke. Kiñi, ki mutomo luli wa Satani, mi isali likeleke ni likopano.

¹² Kukutela kwa Linzwi, bana, kapili mo mu zibela; mi musike kunyalamatala ku Li siya! Muine hande ni Linzwi lani.

Mwabona, mane kuli moya wani wa antikreste, wa kona kubulela mwa malimi, wa kona ku bonisa lisupo ni ze komokisa; wa kona kufolisa bakuli; wa kona kueza ona lika ze kaufela. Mwabona? Batu bani ba nahana kuli ba taha ku Mulimu, kuli bashimani bani ba lumilwe ki Mulimu, kakuli keleke ikeshebisize fa Linzwi.

¹³ Bashimani bani bana ni keleke ya habo. Elvis Presley ki wa Pentekota. Pat Boone ki wa ba Church of Christ. Mutualime micaha bani, Mapentekota, Church of Christ, ni babañwi bani kaufela cwalo ni mioya ye maswe ku bona. Red Foley, ba linzwi lelinde, ba Church of Christ, ba opelanga lipina za bulapeli

kufita yomuñwi kaufela mwa kona ku opelela ona zani za rock-ni-roll mwa linzwi leli tatama. Ka miselo ya bona mu ka ba ziba. Mutualime likeleke ko ba fumaneha. Elvis Presley ki membala wa ba Assemblies of God. Ki fohe cwale, mutu ni mutu wa bona na bata ona sani, mi Satani uba file zona.

¹⁴ Kana ha mu boni, balikani, kamo... Musike mwa tuhelela Linzwi lani. Mwabona, ki si moyo se si kena ku mina.

¹⁵ Mi Ni bulelelanga basali ba, haba i kezanga ku bonahala butanya mwa mandelesi ani, kuli Mulimu uka mi bisa ku ikalabela ka kueza boozwa. Haiba mu ni lumela kuba se mu bulela, mutanga a Mulimu, mupolofita, muteeleze ku ze Ni mi bulelela. Mwabona? Hakulata hamukoni ku utwisisa zeo, mi haiba hamukoni, konakuli mueze fela se Ni mi bulelela. Mulimu uka ni fa mulatu ka se Ni bulela. Mwabona? Muteeleze hande ka tokomelo, mi muhupule kuli lika zeo ki si moyo.

¹⁶ Ka mo ku zibahalela, mwendi mutu hakoni... Mwa hupula, *Mulimu ya apezi litalo*, Ne ni kutalize ka yona ha ki kale hahulu (mwabona, mwabona?)—Mulimu yana ni litalo? Cwale, muhupule fela, babañwi ba ku luna ba lumezwi mwa lifasi mo ku to punyeleza mwa libaka ze ni ku bulela litaba zeo. Mwabona? Ki ku zibiwa cwalo kwa kale; ki Mulimu ya bulela, ya bonisa. Ha mu atula sika kaufela ka nama, kiñi, habana mulatu (mutalime kwanu), sicaba sesinde, baba sepahala, habana ku mi bulelela buhata kamba mane kutokwa. Mi taba yateni kaufela ki diabolosi. Bulapeli, mane nihaiba ku kalisa mukopano wa ku folisa. Mwabona? Ki za antikreste fela mane. Mwabona? Mi kuna ni ba Presbyterian ni babañwi kaufela. Mwa bona likopano zani, mo ba ezeza—mwahala nto yeswana?

¹⁷ Kiñi, mo mwa London, England, cwanoñu nyana neba nani sikwata sa ba rock-ni-roll sene si likanyisa Kreste, ni Judasi, ni zani kaufela, mi... Neba bisa Kreste kuli “Tate-o” ni kubulela ku bona manzwi ani kaufela oba bulelanga banana. Mwabona? Banana ba banca bangile lifasi. Cwale, mwa ziba kuli Bibebe i lauzi kale zeo: Kusa itumela, ku sa kena, kutokwa buiswalo bwa sipepo, balobi ba silikani, baba tameleza batu litaba, baba sa utweli bashemi (mwabona?), banana ba banca ba ngile lifasi, mi li ezize ona cwalo.

¹⁸ Ne ni keni mwa sibaka zazi leliñwi; neba sweli kuliza yona—yona yeñwi ya za kale, bilimba bya lipina za masila, ona lika zani kaufela. Mane ne ni sa lati kulwala lubasi lwa ka. Na bulelela kezeli yani, “Matapa ani a leka masheleñi a kuma kai?”

“Ki liemba za masenti a lishumi.”

“Likona kuliza lipina ze kai mwa hola?” Ani bulelela. Se nili, “Ki a masheleñi; ku icomola mwateni!”

“Kihande,” mi ali, “Hani koni kueza cwalo. Banana bani ba tahanga kwanu ku to liza.”

¹⁹ Mi se Ni tokwa ku sinya mali ni hanyinyani; Na ikela fela kusili. Mwabona? Kihande, lika zani za kona ku mi tulisa pilu; muna ni kuya kokuñwi ku yo ba ni sikusha milyani ye ka mi katulusa ya kunwa ha mufeza ku teeleza lika za bukuba zani. Liki zani zi filikanya Mukreste. Haiba mwa tabela lika ze cwalo zani, mwa ziba ze fosahalile ku mina? Mutokwa ku piliswa, kakuli ze li ku mina li ca lika zisili kwanda Linzwi. Ki kuca kwa . . .

²⁰ Hamukoni ku nahana kuli Jesu na ka eza nto ye cwalo nji mwakona? Ne mu ka nahana kuli alimuñwi wa bapolofita na ka eza nto yecwalo? Kana ha muboni, balikani, taba yateni kaufela yona ki diabolosi. Mi Bibele ibulezi kuli uka taha mwa mufuta wa bulapeli ni kueza ona cwalo fela inge kuli ki Kreste. Mwabona? Kono nzila fela inosi ye mukona ku ziba za teni, ha ki ku ikopanya kwa keleke *ye*, kamba ku ikopanya kwa keleke *yani*, ki kupila ni Linzwi; Yena ki yena Linzwi.

²¹ Cwale, Mulena ami fuyaule kaufela ufi ni ufi. Lwa ya kulibana hande ni lipuzo. Mi cwale, mwendi ka-kufitela mwendi ka mizuzu ye lishumi ka ye ketalizoho . . . Hanina ku kona kufita mwa lipuzo ze kaufela. Kuna ni zeñata fela za teni. Ni sepa ki lipuzo zende. Ki zende luli. Ni ka shetumuka fela mo mi ona cwalo hanze Ni ya. Mi cwale . . . ni alabe . . .

Ne ni ka eza—Ni hupuzi busihu bwa kacenu hane Ni taha kwanu, yomuñwi akone ku li bala, kuli, “eehe” kaba “awa,” “eehe” kamba “awa,” kwa . . . Sani ha ki kueza batu hande. Ba buzize lipuzo zani kubata kuli li a labiwe. Mi Hani—Hani koni kueza cwalo, kakuli Ni ka kanga ze Ni ka kona; mi ze Ni sa koni, Ni ka li talima nako yetaha hape.

²² Mi cwale, Ni—Ni . . . Mwendi la Sunda yetaha, Hani zibi. Na mi bulelela; haiba mu kaba ni Billy hakulata mwahala cwale ni la Bulalu . . . Lu ka be luile.

²³ Cwale, ki ye nto iliñwi. Ni inzi kwa mulaho wa lipuzo fa cwale. Billy uni bonisize sishañata sa mapampili a litaba za lipuzo ni likalabo ki libunda *cwana*, se si libelezi, babañwi ba bona, likweli zene. Kihande, hanze Ni liteni, Nina ni ku swala zeñwi za teni, ni swale yeñwi ya mikopano, kueza lika kaufela ze Ni kona kuli ni li zamaiseleze hande. Ni ka lapela biki ye hani kabe Niile ni yo buza Mulena, “Ki sikamañi So bata kuli ni eze, ku feza zeñwi ze kamba—kamba ni talimane ni litaba za lipuzo ni likalabo?” Haiba Ni nga litaba za lipuzo ni likalabo, konakuli Ni ka mata fela—kutaha kwanu la Sunda ni kuba ni lipuzo kapili kwa sibaka kokuñwi, ni kuzwelapili cwalo musihali kaufela mwa lipuzo. Mi haiba Ni sa ezi cwalo, kiñi, Ni ka beya siemba sa litaba za lipuzo ni likalabo kwatuko kufitela ha Ni ka yo kuta hape. Haiba ha Ni na kueza cwalo, konakuli Ni ka alaba . . . Ni ka . . . Billy uka mi lumela kadi.

²⁴ Mi Na mi bulelela; ki bunde, bona bana babande ba, ku mi bulelela mo ba latanelo, ona lilato leba nani ku yomuñwi ni yomuñwi. Alimuñwi uka bulelela yomuñwi mi yomuñwi uka bulelela . . . Billy u bizanga fela alimuñwi mwa sibaka, mwendi ka limaili ze mwanda ni mashumi a ketalizoho, mi kipeto babañwi ba ka ikungela zeñwi ze siyezi za teni. Ba latana yomuñwi ni yomuñwi. Haba lati ku latehelwa ki sika kaufela. Bana ni—ba tabela kuba kwanu ka muzuzu ufi kaufela ku to bona se si ezahala; kakuli haiba Mulena uka lufa nto isili, ba ka tabela kuba mo kuli ba to amuhela. Mi Na itumela ka zona.

²⁵ Cwale muhupule, balikani babande, kakusasana kacenu Ni bulezi taba fa lipuzo ze. Mi Ni lemuhile zeñwi za zona (eehe!) ibo—ne ni bile ni zona kakusasana cwana, ka za batu baba tutela kwa Arizona. Mwabona? Ni hupuzi kuli Ni lukise—hande sani ku petahala, ili kuli mu utwisise.

²⁶ Cwale, musike—musike mwa nahana kuli Ni lika ku bulelela batu kuli ko ba kona kupila, ni se ba lukela kueza, mi . . . Cwale, Ni bulela cwalo, muzwale wa ka ya latiwa. Kuna ni batu baba sepahala baba bata ku tutela kwa . . . Kihande, mutu kaufela ya bata kututa, Ni ka ba ya—ya tabile, ibile fela Ni ka ba kwani ka—kuya ka mo Ni ka bela kwani . . . Ni banga kwanu linako ze mashumi kufita mo Ni belanga kwani. Nina ni . . . Mwahala nako ya cwale ni Kilisimasi, Nina ni mazazi amane akuba kwani. Konakuli kasamulaho wa fani, Ni ya kwabuse bwa mawate. Nika ba kwanu kwa tabernakele mwendi libiki zepeli kamba zetalu Ni si ka ya kale kwabuse bwa mawate mwa—kuba ni ancafazo, inge mo Ni evezanga mwa nako ya maliha. Mi cwale kuzwa fani, Ni nani fela mukopano ulimuñwi mwa Arizona kaufela, mi wani ubanga teni mwa kweli ya Sope mwa Phoenix, masihu amabeli ni Baana ba Pisinisi ya Sikreste. Mwabona? Ha ni . . . Haiba nji sicaba kwande kwani . . . Kana mwakona ku fetula tepu yeo?

[Muzwale Branham u kupa kuli silimba sa tepu si timiwe ha nza bulela kwa kopano. Hakuna manzwi fa tepu—Mu.]

²⁷ Cwale, hanze lu kala ka lipuzo ze busihu bo, Ni ka nopa iliñwi fa mi . . . Kana mwa ikola zona nji? Muli, “Amen!” [Kopano i alaba kuli, “Amen!”—Mu.] Na sepa kwa lu likana ka nako ye. Mi oh, Ni sepa kuli cwanoñ fa . . . Ne ni talima kakusasana wo hane ni taha kwanu fa libaka zeñwi—zeñwi za mwa Bibele, Na hupula kuli, “Oh, ha ki nto yende ni yeo mo ikabela . . . Hanze lu libelezi kutaha kwa Mulena, ha ki nto yende ni yeo ya ku kutela mwa batu bani kaufela ba Testamente ya Kale, kuya ku Jobo ni mwateni mo, ni kuba ni mikopano ye namile ku bona (kikuli sani hasina kuba sesinde?), ku mi bonisa fela mo ba swanelo ka lizazi (Linzwi kaufela liswalani hamoho), mi kaufela ze ama sinyeho yateni—ni linako za kale ni ka mo li swalanelo kwa lizazi la kacenu; ka mo lika kaufela mwa Testamente ya Kale mo li bulelela za kutaha mwa Mulena Jesu.”

279. Cwale, puzo yapili ye Ni comozi fa: **Muzwale Branham, kana kwa fosahala kuli Mukreste abeye—abeye milili ya hae ka ku itatanisa? Hape, butelele bwa mazoho a siapalo sa hae bulukela kufita kai? Ni itumezi. Ki kezeli.**

²⁸ Cwale, yani ki—italusa nto yetuna ku musali yani. Cwale, ku babañwi ba luna mizwale lwa kona ku nahana kuli, “Oh, ki musali wa sikuba.” Kono—kono ha ki bukuba ku yena; ubata kuziba.

Cwale, ka za kubeya milili mwa sikamañi sani, kueza inge muhata wa kulube kamba nto isili cwalo? Mu ni swalele. Hani—Hani . . . Neli . . . Mu ni swalele. Ku tatanisa milili. Mu ni swalele. Ku tatanisa—kueza muhata wa kulube! Zeo kona ze ne ba ezanga kwa litoho basizana mwa lilimo za kwamulaho. Mwa hupula, inge . . . Ne si nto yende yani nji? Ne ba libizanga kuli muhata wa kulube, mufuta wa ku tatana cwalo ni kulepelela? Batili, ku tatanisa, mu ni swalele, balikani.

²⁹ “Ki butelele bo bukuma kai bwa mazoho a sapalo sa lukela kutina?” Hani—Hani sepi kuli sani ki nto ifi kaufela ku sona. Ha ni zibi. Mwabona? Se Ni sa koni kuyemela ka Bibele, Hani—Hani lati kubulela zeñata ka sona.

³⁰ Cwale, Ni mi bulelela fela se ka na, kakuli ha Ni na Liñolo la kuyemela zeo. Taba fela ye Ni nani kwa likalibe ka za millili ya bona kikuli basike ba ikuta. Mo ba batela ku i kabiseza, fo kuitingile ku bona. Mi kuama za kuitatanisa ka tusipi totuñwi, kaniti, Ha ni zibi mo li bizezwa, konji haiba ki lika zeñwi ze zebonahala inge lipini za liapalo ze comekanga mwa milili ya bona, zani kona—kona fela ze Ni ziba . . .

³¹ Ni butelele bwa mazoho a sapalo, Na sepa, kakuba Mukreste, Mulimu wa kona ku mi bulelela za kueza ka lika zani. Mwa bona? Ni lumela kuli kakuba mutu wa Mukreste muka—muka ziba mwa kuezeza zeo. Hani sepi kuli Mulimu utomile butelele bufi kaufela bwa sika sateni. Ibile fela u apezi hande u kutekehile ni ku bonahala kukena, Ni—Ni sepa kuli kipeto ku lukile. Nji cwani? Mwabona? Cwale, wo ki muhupulo fela wa ka. Cwale, yo ki na, mwabona, kakuli ha Ni koni kuyemela nto ifi kaufela ka Mañolo.

³² Ni sepa kakusasana cwana puzo yeñwi ne ibuzizwe ka za kupenta milili, mwa ziba, ka—ka mubala cwalo. Cwale, Ni—Ni—ki—Ni—Ni palelwa kubulela sesiñwi ka zona. Ha ni zibi, kono Ni—Ni—Ni—Ni tokwile Liñolo la kuhanisa za—za kuipeya mipende kwa milili ya mina. Cwale, sani ki—sani ki . . .

Mina basali, mutabela ku bonahala hande, mi mu swanela kubonahala hande. Mi Muzwale Branham ha mi lwanisi bana. Mina mu banake; Na—Na—Na mi lata, mi Hani—Hani lati ku mi hanyaukelanga. Hani—Hani koni kueza cwalo kusina mukwa; Ni lika fela ku mitusa.

³³ Kono cwale, mutualime, mutuhele fela ni mi buze... Mutuhele ni bulele cwana ka ku alaba puzo yeo. Cwale, mu itukisize? Mi ku mina babali fa tepu, ki fa cwale, likezeli: Haiba kuna ni puzo ku zona, musike kueza sika. Kono haiba mulemuha—haiba mutezi Moya wa Mulimu mi muhapelezwa ku yo eza cwalo, ibile fela ha li lwanisana ni Mañolo ka puzo yateni, mwa ikolwisia hande kuli kona tato ya Mulena yeo, konakuli muzwele pili mueze cwalo (mwabona?), kakuli hakuna Liñolo le li bulezi kuli “awa” (mwabona?) ka zona. Na hani... Haku buleli ze cwalo mwa Bibebe.

³⁴ Ni ziba Isaya 5, Na lumela ku yona, yebulezi ka basali, mo ba ka tinela liapalo za ku cinca ni zeñwi cwalo; kono zani neli muikuhumuso ni lika zeñwi, za kutina. Haiba mueza cwalo ka muikuhumuso, konakuli ku fosahalile. Mwabona? Mutube pilu ya mina fapila Mulimu. Haiba hakuna Liñolo ka zona, ni mukwa o Moya u mi zamaiseza, kipeto muzwelepili mi mueze cwalo. Kono cwale, ha si taha ku za kuba ni milili yemitelele kamba ye mikuswani, ha mube ni milili yemitelele; yeo kona Bibebe.

³⁵ Kuna ni puzo fa; Na—Na kona kuialaba ona fa cwana. Iteni fa; Ni iboni fa kakusasana kamba nako yeñwi. Yeli, “Wena kamita u omanya hahulu basali, mo basike kuezesa milili ya bona, kono hakuna zo bulela kwa neku la baana.”

³⁶ Haiba Ni bona muuna yakena mo ni milili yemitelele ye lepelela kwa mukokoto wa hae inge musali, Ne ni kali, “Muñaka, kiñi ha u sa yi kwa kuyo kuta milili yeo? U bonahala inge musali.” Mwabona? Kono muuna hañata ha ezangi cwalo. Mwabona? Isiñi kuba inge muuna... Cwale, isiñi kakuba busepehi bwa muuna, bao bana ni mulatu fela mane inge musali.

Mi ka mukwa omuñwi, muuna ya ka tuhelela musala hae kuezza cwalo, una ni mulatu habeli ka taba yeo, kakuli ulukela kuba yena ya fa litaelo mwa ndu. Mi muuna ya cwalo hakoni nihaiba ku busa ndu ya hae hande; uka kona cwani mwa ndu ya Mulimu? Mwabona?

³⁷ Ni itumela hahulu kwa sikwata sa luna sa basali bo luna baba tahanga kwanu. Ni bulela se ka likute ni lilato, mi cwale, Mulimu u ziba kuli ye ki niti. Ne—Ne nina ni mulikani wa mukutazi kwa neku la Mboela yana na ni yeñwi ya likeleke ze ne bonahala hahulu kukena ku ze nikile Na bona. Kuli ha lu taha kwa basali, basali babande hahulu kufitisisa ku bo Ni kile na bona bene bali kwani ka kuikuteka, bumulimu, ni milili yemitelele. Mi kamita ne Ni lakazanga ku ya kwa keleke yani. Mi Mulena Jesu uni file keleke kacenu kwanu ye fitelela yani kwahule ka linako ze eza limaili ze mwanda—kwa basali ba hesu.

³⁸ Hani mi omanya kuli mube baba sina tokomelo; Ni tabile hahulu ka mina. Hani lati fela Satani kuli akenye mutala wa

hae kai kamba kai. Mwabona? Ni bata kuli munanuhe kuya kwapata, isiñi kukutela mwa mulaho. Musike mwa tuhelela mutu kuli a mi pume ka butali bobuñwi, kamba nto yeñwi yeswana sina cwalo, kamba taba isili, "Oh kihande, ha kuna . . ." Mwabona? Yani kona nzila yana tolokezi Linzwi ka yona Satani ku Eva. Mwabona? Mwa lumela ona cwalo Linzwi mo li bulelela. Ku lukile.

280. Kapili luli. Muzwale Branham, ka kuziba kuli nako se ifela mi kuyakuile kwa taha cwale, kelezo ya hao ki ye cwani ku baba bata ku nyalana?

³⁹ Muzwelepili cwalo mi mu nyalane. Mwabona? Muzwelepili mane inge kuli mu ka pila lilimo ze mwanda zeñwi fa fa lifasi. Muzwelepili fela ona cwalo; mubeye lipilu za mina ku Kreste, isiñi kuisa lipilu za mina kwa lika za mwa lifasi, kono ku Kreste. Mwabona? Muzwelepili ona cwalo; mu nyalane, bana. Mulimu a mi fuyaule mwa sinawenga sa mina.

281. Muzwale Branham yomunde, Ni kolobelizwe ka Libizo la Jesu. Linzwi lili mu ka amuhela mpo ya Moya o Kenile. Kana se—kana se si talusa kolobezo, ona Moya o Kenile, kamba se si talusa kuli Ni lukela ku amuhela mpo—kaniti—Ni lukela kuamuhela kutwisiso ya kolobezo njii? Ni ikalezwi ku ba—ku ba ya tazwa ka—ka Moya. Shangwe u ni swalele ka kañolo ka katelele kakuli Ni batile ku ku buza puzo ye fa nako yetelele. Ni itumezi. Mi mutu yo uñazi libizo la hae. Ki mutu ya pila kwanda tolopo.

⁴⁰ Cwale, yani ki puzo yende. Cwale, kolobezo ka Moya o Kenile ki kutwisiso ya niti yeo mutu ulukela ku amuhela. Cwale mutuhele kuli ni tatulule seo hande fa muzuzu fela. Mwabona? Cwale, batu babañata bana ni—ni muhupulo. . . Ni sepa kuli li lyangani. Mi mane mwendi ona kwa keleke ye ni kwa keleke ye sweli ku teezeza, kwa kona kuba puzo. Cwale, ha Ni bulela za ku sa lumela mwa bupaki bwa ponahazo ya Moya o Kenile kuli ki ku bulela ka malimi (Hani—Hani lumeli cwalo) Ni lumela ka tuso ya Mulimu Na kona ku si paka ka Bibele kuli ki mafosisa (mwabona?), kakuli kubulela ka malimi ki mpo ya Moya o Kenile. Ki babakai baba ziba cwalo? Foliso ya bumulimu ki mpo ya Moya o Kenile, mi kwanu ba Beatles basweli ku li eza. Mwabona?

⁴¹ Satani wa kona kulikanyisa yeñwi ni yeñwi kaufela ya limpo zani. Maloi ba basali, maloi ba baana bakona kubulela mwa malimi ni ku a toloka. Libaka za mishitu, linako zeñata muloi wa muuna ukona kubulela ka malimi, kunwela mali mwa katendele ka mutu, ni kutoloka malimi asili.

⁴² Kwande mwa Arizona haba banga ni mukiti wa kubina wa kutulo ya mbonyi, ma Indian ba itatezanga makapi a linoha mwa liteka za bona haba lika kulapela ku Mulimu kuli aba lumele pula ka kutulo ya mbonyi ya bona. Ba ubiza kuli ki mubinelo wa kutulo ya mbonyi. Ba nganga sibunga sa mbonyi, ku si tama

mwa liteka za bona, ni kueza lilu nyana, mi kipeto ba bina. Mi kipeto ñaka utaha ni manaka fa toho ya hae, manaka a nali. Mi kipeto ba bina ni mikata ya linoha ze mwa liteka za bona, mi baloi ba baana ni buñata bazubi ba lipipi ni lika zeñwi mwa sibaka... Haba koni kutuhelela muuna wa mukuwa kuba teni ka nako yani, kono Ni ba boni ka sipangaliko sa kubonela kwahule, mi ni na ni balikani ba ma Indian babayanga kwa mikiti ya bona; bani kona babasi Bakreste, lwa ziba. Mi ba nina wona mukiti wa kutulo ya mbonyi inge basweli linoha. Mi kipeto muloi wa muuna u zwela kwande, ni kuipumaka ili yena ka litipa, ni lika zeñwi kaufela, mi ka kufeleteza bakena mwa moyo, ni kubulela ka malimi ni ku atoloka.

⁴³ Ni bile—ni kona ku minga mwahala lihola zetalu kamba zene kuzwa cwale, foo ha ba beya potoloto fa tafule, ni kukena mwa pono cwalo ni mifuta kaufela ya lika, ni kunyanganyisa mazoho a bona; mi kipeto potoloto yani ya nanuha ni kuñola mwa malimi asa zibahali, mi kipeto muloi yo wa yema ni ku mi bulelela se i bulela.

⁴⁴ Cwale, yani ha ki yona ponahazo ya Moya o Kenile. Mwabona? Hamukoni ku yendamena ku zani. Hamukoni ku yendamena fa mpo ya Moya, kakuli mpo yapili ya Moya ki lilato. Mi ba Sayansi ya Bukreste bana ni lilato hahulu kufita mutu kaufela ye Ni ziba, kono mane ba latula Jesu Kreste kuba wa Bumulimu. Mwabona? Kuna ni fela ponahazo iliñwi ya Moya o Kenile ye Ni ziba, mi yani ki tumelo ya niti mwa Linzwi le li sepisizwe la hola ye!

⁴⁵ Cwale, Majuda bani hane batile; neba na ni bulapeli bo butuna hahulu kufita balutiwa mo ne ba bezi. Neli baana baba lutilwe hande mwa Mañolo kufita balutiwa mo ne ba bezi, kakuli neli bayambi, batelisi ba mitelo, ni babañwi cwalo. Mi neba na ni tumelo ya niti mi tumelo ya luli ku se ne baeza. Cwale, muteeleze hande cwale; musike mwa latehisa se! Mwabona? Hane litaha kwa kuba miselo ya Moya, musa ni ku ishuwa, Ni sepa nekusina nihaiba yomuñwi wa baprisita bani konji fela bene bakona ku bonahaza Jesu Kreste ku zona. Na ile kwa tempele, aota mihala, aba talima ka buhali, ni kufetaula litafula za bona, ni ku ba leleka mwa sibaka sani. Kana ku cwalo? Bibebe ibulezi kuli Na ba talimile ka buhali. Bibebe ibulezi ona cwalo. Yani ki niti luli.

⁴⁶ Kacwalo mwabona, baprisita bani neli baba musa, baba ishuwa, baana baba utwisisa. Hane litaha kwa miselo ya Moya, neba bonisa hahulu miselo yemiñata ya Moya kufita Jesu mwa kile a ezeza. Hali taha kwa lituto za bulapeli, neba sa zibi—nekusina sikolo kwa Na zwile. “Muuna yo u zwelela kai? Kana uzwelezi kai? Ki kadi ya kopano mañi yana ni? Ki wa katengo kafi ko afumaneha? Halu zibi kwa zwelela. Neli fela mutangana ya na lelekezwi kwande yana pepezwi mwa bunyazi. Kiñi, lwa kona ku mutisa kwatasi kwanu ka mizuzu ye likani ni ku mi bonisa ba milao...” Neba na ni tukelo ya kueza ze ne ba ezize ha

li taha ku zani. Kiñi? Kakuli ne ba palezwi kubona kuli na li Yena Linzwi la sepiso ya hola yani. Nzila fela yene ba lemuhile zani, fani Jesu ha na petile Linzwi ka kukona ku ba bulelala ze ne ba nani mwa lipilu za bona, sene ba sweli kueza . . . Nali Mupolofita kuya ka Linzwi la Mulimu. Sa Na bulezi sa to ezahala, linzwi lifi kaufela, linzwi ka linzwi.

⁴⁷ Nali Mupolofita wa Mulimu, Mutanga, Mulimu wa Mupolofita. Isiñi . . . Neli—neli—neli kwa mulaho kwani, mupolofita wa Mulimu, mi yo ki Mulimu Mupolofita, isiñi mupolofita wa Mulimu. Yani nali Malaki, Jeremia, ni Isaya, ni Elia, ni babañwi cwalo, kono yo neli Mulimu wa Mupolofita, isiñi mupolofita wa Mulimu. Mwa utwa cwale nji?

Bapolofita kaufela bene ba bonisize bupilo bwa Hae mwa likalulo kalulo, ne ba ezize siemba sa bona, kono ku Yena ne kuna ni Mutalelala wa bapolofita. Bapolofita, Linzwi la Mulena la taha ku bona, bona bapolofita, kono Le neli Linzwi ni Mupolofita, yena Mutu ya swana. Mwabona?

⁴⁸ Cwale, cwale, mutu ha amuhela Kreste mwa mukwa Wo ali ka ona, hamukoni ku uamuhela ka kuba . . . Mwabona? Cwale, babañwi ba ku bona bali, “Kihande, Ni wa Lutheran.” Kihande, hakuna sa ku lwanisana ni sani, kono Limbande ha li cangi lika zani. Mwabona? Sani neli sa kwahule hahulu ka mo ne kuinezi; sani neli sico se sinca sa lizazi lani.

“Ni wa Wesleyan.” Fo ku lukile, kono mupila mwa nako ya kale. Mwabona?

Cwale, batu bani ne baize kuli, “Kiñi, luna ni Abrahama kakuba ndata luna.”

Mupolofita yani ali, “Mulimu wa kona kuli ka ona macwe a kuzuhe bana ba Abrahama.” Mwabona?

“Luna lu ba neku *le*. Luna luba neku *lani*.”

Sani ne sisina siemba . . . Ki hali, “Mina lusika lwa linoha, ki mañi ya mi lemusize ku saba kwa buhali? Musike mwa kala kubulela kuli, ‘Luna ni Abrahama kuba ndata luna,’ kakuli Mulimu wa kona kuzusa bana ba Abrahama kwa macwe ona aa.” Mwabona?

⁴⁹ Kacwalo kakuba muituti wa za bulapeli ya lutilwe hande na sina sa kueza ni sona. Kakuba ya ishuwile mi ya musa na sina sa kueza ni sona. Ki sikamañi sene si Mu bisize ku shutana? Nali yena Linzwi le li ezipwe nama, isiñi Linzwi la lizazi la Mushe, Mushe nali yena lizazi lani—Linzwi; isiñi Linzwi la mazazi a Nuwe, Nuwe nali yena Linzwi la lizazi lani; isiñi lizazi—Linzwi la lizazi la Elia, Elia nali yena Linzwi la lizazi lani; kono Yena nali Linzwi la tensi ya cwale, mi ne ba pila kwa mulaho.

⁵⁰ Taba yeswana ya kutela! Yani kona ponahazo ya Moya o Kenile, ki fo Mulimu ha patulula ku mina mi mwa li bona, KISONA SA BULELA MULENA ni ku li amuhela. Isiñi se muli

sona, se ne muli sona, kamba sesiñwi ka sona, ki seo Mulimu ami ezelize cwale. Yani kona ponahazo.

⁵¹ Jesu naize... U lufile ponahazo ya Moya o Kenile, Joani 14. Na ize, "Nina ni lika zeñata za ku mi bulelela. Hanina nako ya kueza cwalo, kono Moya o Kenile ha u ka taha, Uka mi bulelela, uka mi hupulisa litaba ze Ni mi bulelezi, mi uka mi bonisa hape lika ze sa taha." Kana ha muboni? Yani kona ponahazo. Zani ki kubulela za kwapili ni kuba—kuba ni toloko ya Bumulimu ya Linzwi le li ñozwi. Cwale, kana yani ha ki ponahazo ya mupolofita njí?

⁵² Muboni wa mwa Bibele neli muuna yana kona kubulela za kwapili mi ne libanga ona cwalo, ka kupetahala, hakuna ya na beya mazoho a hae ku yena, yani ki mpo. Mupolofita u lukisizwe ni kupepwa ali mupolofita. Mwabona? Bupilo bwani kaufela ki mupolofita, yani ki ofisi. Kwani kona koo sicaba...

⁵³ Lipuzo zeñata fa ki za kuli: "Kihande, kana Munyaliwa uka...?" "Kana se...?" "Keleke ni..." Mwabona? Ha—Hamukoni ku kauhanya seo lili sona. Munyaliwa ki Muketwa wa Mulimu. Keleke ya fitelela hande... Bao ki bona bo I bulela kuli, "Ya lata kaufela, a tahe." Kono Munyaliwa yena ki Muketwa wa Mulimu.

⁵⁴ Kuna ni li ofisi li ketalizoho ze ketilwe ki Mulimu. "Kakuli Mulimu utomile mwa Keleke baapositola, bapolofita, baluti, balisana, babuleli." Ki Mulimu ya ezize sani. Mutu una ni madikoni ni babañwi cwalo, ni lika zeñwi cwalo, kono mwa bona, kono Mulimu u tomile mwa Keleke kwa kupetahala kwa Keleke—hakoni ku li kauhanya.

⁵⁵ Cwale, Moya o Kenile, fo ha U taha, Ki yena paki ku mina (mwabona?) kuli Linzwi le li lukile, Linzwi la kacenu, ha ki Linzwi la Luther, Linzwi, ha ki la Mushe. Lu paka kuli Ki yona Niti, kono ki lizazi lisili.

⁵⁶ Cwale, ku cwani haiba Jesu na ka taha ni kutoli, "Cwale, sina Mushe mwa na tezi ku to mi zusa kaufela mina mwa Egepita, Ni ti lo mi isa kokuñwi"? Ku cwani ha Na kali, "Halu yeni lu yo sebeza mi lu yahe areka. Ki Na—Na Mulena Mulimu, Ni—Ni ka cimbokisa lifasi cwale. Ni ka tibisa lifasi cwale, kaufela bona"? Kiñi, Na sa zwezi kwande... Mwabona, Mañolo ha si kabulela kuli Na ka taha cwalo. Mwabona? Na si ke aba Mesia. Hakuna taba kamba Na ka yaha areka yekuma kai, kamba kaufela Sa ezize. U sa li cwalo ni—Na si ke ku kwanisa kuba Mesia. Haleluya! Kifo he cwale! Ki linepo! Eeni, sha!

⁵⁷ Makorinte Bapili 13 ibulela kuli: "Ka nako ye kuka taha ze petehile, za neku leliñwi li ka feliswa." Kacwalo ona lika ze kaufela za kutulatula mwa halimu nifafasi inge kapuli, kulika kubulela ka malimi, ni zona lika zeñwi ze, fo zani ze petehile... Mi luna ni kacenu, ka tuso ya Mulimu, toloko ye petehile ya Linzwi ka ponahazo ya Bumulimu! Mi zani za neku leliñwi za

foliswa. "Hane Ni li mwanana, Ne ni bulela sina mwanana, Ne ni utwisisa sina mwanana; kono ha Ni ti lo ba muuna, Ni libala lika za bwanana." Amen! Ni keni mwa kukutaza mi ni libala kukena mwa lika ze.

282. Muzwale Branham...(Kana Ni i felize yani? Kana Ni talimile ya kolobezo ya Kukena...Eeni, seo neli siemba sa yona, nji cwani? Ku lukile. Muni swalele, haiba ha Ni ifumaní, mu ni swalele fela. Ni...Ze ki lipuzo zende hakalo. Mwakona kuina fela busihu mutumbi fa puzo fela iliñwi, muzwale, mi mane mutokwe nihaiba kuswala kwateni.) **Na itumela ku wena kakuba mutanga Mulimu, ba lumela—mi Ni lumela Liñusa ki la Niti.** Musala ka ha ni utweli—hani bulela sika—kubulela sika kuama Liñusa le, mi mane ha teelezangi neba kwa tepu ifi kaufela. Ni mwa butata bo butuna kwa musebezi waka hape. Ni bata musala ka kuli alumele ni yena mi u lapelele banake. **Muzwale Branham, Ni bata kuba mulikana Mulimu—Ni bata ku fumaneha mwa tato ya Mulimu ka bupilo bwaka.** Ni bata kuba **mutanga Hae.** (Mi mutu yo uñola kuli "kipeto." Mulibebole fa muzuzu.) **Hane Ni li mwanana, Ne ni bulela batu kaufela kuli Ne ni bata kuba mukutazi.** Ha ni zibi sa bat **Mulimu kuli ni eze.** Ni itakaleza ku ezeza **Mulena sika kaufela.** **Wa mina ku Mulena.**

⁵⁸ Cwale, ki puzo yende. Mi muuna yani u sephahalile. Musala hae, mulikana hae yani ki siemba sa hae...Mwendi Ni ekeze sesiñwi sa ku sani? Bana bahesu, Ni bulela se ka Libizo la Mulena. Leliñwi la mazzazi a, haiba Mulena alata, Ni sepa Ni ka zwelapili fela ni eze tepu yani ka za *Linyalo ni Telekano* (mwabona?), ku to li kutaleza ona mo mwa tabernakele. Haiba li ka kauhanya, li ka kauhanya fela ona cwalo. Kono bonisa kuli ki Linzwi la Mulena.

⁵⁹ Mutualime, bana bahesu. Muteeleze ku se. Kana mwa ziba kuli linako zeñata mu nyala mutu ya si yena mo mwa lifasi? Ki meeto amañwi a ma fubelu, kamba a bu ndilu, kamba a maseta kona a mi beya mwa sibaka semuli ku sona—zene mu sa lukeli kuteeleza. Baana babañata ba ziba cwalo.

⁶⁰ Muuna ha nyala ulukela pili kutilima litaba zeo ka tapelo. Musike mwa ikungelanga basali kakuli ba bonahala hande kwande, kono ibe bunde bwa mwahali, mutu ya kaba me kwa bana ba hao.

⁶¹ Ni ziba se si ka utwahala bumaswe kuli mukutazi abulele cwalo kwa katala. Kono Ne ni zamayanga ni—ni baleki ba likomu kwa Wiko. Ne lu lekanga likomu za kuuta, mi ne ba bata kukalisa mutapi. Mi Na ituta zeñata hahulu kwani kuli—hane Ni lemuha balekisi bani ni lika zene ba eza, baleki bani. Ne ni zamayanga ni muuna muhulu cwana, utahanga kwa keleke kwanu ni na, mi Na mutisa ku Kreste, neli ya sa lumeli mwa

tumelo ye bulelwa ka kukala, Bo Jeverez. Buñata bwa mina mwa muhupula, mulekisi nako yazwa kwa Colorado. Kipeto lwa ya, mi kipeto ba taha—kwa komu.

Ne ni boni namani yeñwi yelikani zazi leliñwi yene leka mali akuma fa ma dollar a ilebene sauzande, namani fela ye nyinyani; ne isika utiwa kale fateni. Mi Na li—mi Jeff ali, “Kambe Ni na ni masheleñi, Ne ni kaibeya mwa namani yani.”

Mi Na hupula kuli, “Cwale, ki muuti wa likomu; wa utwisisa pisinisi ya hae.” Se nili, “Jeff, kiñi ha u . . . Linepo ki lifi? Ye ki ya Hereford. Yani hane ika lekiswa kwa kale ka madollar a mianda yemilalu, ku na, ne ibonahala inge namani yetuna ni lika zeñwi kaufela.”

⁶² Ki hali, “Talima, Billy, kuna ni nto iliñwi yo sa utwisisi mwa kuleka likomu.” Ali, “Ni sepa ulukela ku swalelela kwa nzila ya hao ya bukutazi.” Kono ali, “Ha utwisisi za likomu.” Ki hali, “Cwale, talima namani yanifafasi faale.” Lwa ya teñi kwani. Ali, “Bona mutualimelo wani wo sabisa mwa meto a yona?”

Se nili, “Eehe.”

Ali, “Bana ba yona, ni baikulya yona, ni baikulu, ba baikulu, ba kaba ni mutualimelo o sabisa wani.” Mi ali, “Li ka ipumana mwa bu botana. Halina kuna mushemi wa sitole kwa ma namani a zona.” Mi ali, “Ha ukoni ku li fepa kuli linune; halikoni kupanga nama ya kuca.” Mi ali, “Talima namani nyana ye kwanu ye lekiswa. Talima mo ibonahalela kuiketa. Talima mutualimelo wani o munde mwa pata ya yona, mutualime wa mufuta o cwalo, hakuna ku ndwanduka mwa meto a yona.” Ali, “Ikaba me wa niti kwa tunamani twa yona; mi namani ya yona ikaba namani, mi namani ya namani ikana izwelapili kuba ona cwalo.” Mi sali, “Kaufela zona likaba bashemi, haiba lika fumana mafisa amande kwa namani yani (mwabona?), sani kona se si ka bupa bana ba zona. Kono mutualimelo o sabisa wani mwa pata ukana usabisa mutapi olikani, haiba mutu ulika kuleka komu.”

Se nili, “Eeni, sha! Ni itumezi.”

⁶³ Mi taba yeswana ya zamaelela ka basali. Munge alimumu wa baba ipentile kwa lifateho ni meto a sabisa, ya bonahala inge sifolofolo cwalo, ya lika ku isinya ili yena kwa kuba mutu, hakoni kuba nto isili. Uka mata nako kaufela. Mi Bukreste ha ki bunde kwande, ki bwa mwahali: bwa kozo, kukuza, ba ipuluka mwa kozo, moyo o kuzize, ili yona nto yetuna ku Mulena. Sani kona se lu bata kubona kwa basali, ni kwa baana, ni yo kaufela ali yena. Cwale . . .

283. Muzwale Branham: Lipuzo: Kana musali wa Mukreste wa swanelia kutina maseka ni lifaha ze likani cwalo, sifaha kamba ku icakelela?

⁶⁴ Kihande, Kezeli, Ni ziba kuli se si talusa zetuna hahulu ku mina, mi si talusa nto yetuna ku na kuli mina mu tome sepo ya

mina ye Ni ka ku bulele niti. Cwale muhupule, Bibebe ibulezi kuli, "Ha ku apala, musike ku apala ka—ka liapalo ze feza mali, ni za lipelela za ku icakelela, ni mifuta kaufela ya masale ni masikiyo, kono ibe mukabo wa kozo, ni kukuza, ni moyo o musa (o Ni sa zo bulela cwanoňu), ili nto ya butokwa fapila Mulena."

⁶⁵ Cwale, Ha ni talusi ka sani, Kezeli, kuli haiba una ni kaswaliso ka milili mwa toho... Cwale, yo ki na ha ki Mulena. Haiba una ni kaswaliso ka milili ko bata kutina, kamba kafaha nyana kao bo muuna hao ba kufile, kamba mwendi ni za hao—sesiňwi se si cwalo so no tinanga, cwale, ku na, ha Ni sepi kuli seo si maswe. Cwale, yo kina fela. Cwale muhupule, Ni tatulula hande; wo ki muhupulo wa ka. Kono Ni sepa kuli ki mubonelo wa zona; kono ki nzila ye mueza ka yona. Mwabona? Ki mulelo wa mwa mulaho. Mi ha mu bona kuli za mi kakatela, konakuli musiye lika zeo. Kono Ni sepa kuli haiba uka tina lisale la linyalo...

⁶⁶ Cwale, Na ziba mina batu ba Nazarene, ne kubanga kuli mane ne mu sa kolobezangi musali ni lisale la linyalo kwa munwana. Mwabona? Ha—ni lumeli, sani kuba sa butokwa. Mwa Bibebe ne ba tinanga masale a linyalo, fela ne ba libizanga kuli ki taulo, kwa litoho za bona, tuemba to tu ketalizoho ka totune mwahala yona. Kono Ni... ka ku bonisa kuli ne ba nyezwi. Cwale, Ni sepa kuli zeo li lukile.

⁶⁷ Haiba nji basali ba bata kutina—ni kuikeza bona baňi ku bonahala ku ikuteka, kukena, ku bonahala bu kalibe cwalo, kiňi, Ni sepa hakuna sika ku zani, ku na. Kono cwale ha uka eza nto yeo kuba muikuhumuso nyana, konakuli fohe wa fosa. Ki mubonelo wa hao.

⁶⁸ Kana mina basali mwa hupula kwanu ha ki kale hahulu neba na ni zene ba biza kuli "likoci za maswabisu"? Ni sepa za kuta hape, kamba se li ba ze maswe. Mube... Eehe, ki zona, "likoci za maswabisu" cwale, mwa sibaka sa kuli, "maswabisu." Kono neba banga ni papali kwa mulaho ha ki kale hahulu... Neba na ni basizana, likalibe za basali... Mi kaniti, ni bona neba ezanga ona cwalo hape, kakuli ki ba—kaufela babata kuba banana. Ha ni talusi mina likezeli, Ni talusa basali ba lifasi. Mi kipeto bapumela si—bapumela sikoci sa bona fa halimu, ka butelele bo bulikana ni liutu ka nako kaufela, mi kipeto ba tina ka nekunda cwalo kuli ba bonahale hande. Mi kipeto ha ba zamaya, ne ba bonisanga kanekunda kani ni muhala wa kona, ni ze lepelela kwateni, kamba sika kaufela sene sili fateni. Ili, mwa ziba...

⁶⁹ Ne kuna ni—ni musizana yana tile ku na, neli wa kwa Dunkard, kona ha na sa zo amuhela fela Moya o Kenile. Neli wa ba Assemblies of God, mi kwani neli kwa Fort Wayne, Indiana, kone Ni nyalezi. Mi ki ha taha kuna, kalibe yomunde yo munyinyani, mi ki ha li, "Muzwale Branham, Ni bata ku kubuza puzo."

Se nili, “Ku lukile, Kezeli, ki sikamañi?”

Ki hali, “Kana unahana kuli kwa fosahala kuli musizana wa—Mukreste kutina ‘sikoci sa maswabisa’?”

Se nili, “Kezeli, ki ye taba iliñwi Hani—Hani utwisisi. Kanti ‘sikoci sa maswabisa’ ki nto mañi?” Mi a ni bulelela seo nesili sona. Na . . .

Ki hali, “Si bonisanga sikoci sa mwahali.”

⁷⁰ Se nili, “Ki sikamañi—ki sikamañi sesili ku musali ya kona ku tabela ku bonisa litino za mwahali ku muuna? Ki sikamañi sene . . . Ki sikamañi—ki musebezi mañi wa na ni musizana wa Mukreste hana ka eza cwalo? Mwakona ku nahana yani kuba Mukreste?”

⁷¹ Cwale, mutualime, muuna, yo hakuna za ziba ha ku talimwwa za mibili. Mi muuna, hana ka zamaya situtu, ne kuka ba—ne ku sike kwaba maswabisa ku yena. Hani yemeli baana, kono bana . . . Mwa ziba kuli—ki musali ya cwani ya kona kulikiwa ki muuna ya tubuzi hembe ya hae ali kutina fela siputula kamba kaufela sa nani? Yona ñumbili yetuna ya kale ye bonahala cwalo yani, ibonahala kushelukela ni butuna ni kukula kula, Ki—kusabisa. Mwabona baana ba kwande kwanu . . . Kihande, Ni sepa kuli si kona kueza musali kutaza ha talima lika zecwalo. Hana ka li . . . Kono cwale, munge musali mi mu mubeya sina cwalo, yeo ki tempele ye shutana. Mwa utwisia? Ku lukile.

⁷² Kono Ni sepa kuli kuya ka mo si inezi sifaha, kamba . . . Cwale, haiba uka zamaya inge mo no ka kenela sintolo se si lekisa lika za masenti a lishumi ni magineti ku wena, Ni—Ni sepa kuli . . . Muni swalele ka seo, Ne ni sa batu kubulela sani cwalo, kono sani—sani si fosahalile.

⁷³ Haiba sika si ni lwanisa ka nako ya pili kwa—se ne si bizanga ya swabela America, ibe . . . Hane ni li mwa Switzerland zazi leliñwi, mi Muzwale Arganbright ni Na ne lu fumani sibaka sesinde kwani kwa Lausanne kone lubile ni situnula, sesituna sesinde, yetuna *cwalo*, yene kona ku likana bukaufi bwa paundi cwalo, Na sepa, ikona kuba masenti a mashumi amalalu ka mali a mwa American. Oh, ne lupila sina malena! Zazi ni zazi hane lu ya kwani. Mi kaufela bona kwani ne ba inwela waine, mwa ziba; mezi a bona ha ki amande. Mi kipeto se Ni nwa ona waine yani, kacwalo Na ikungela komoki tuna kuzwa mwa—mwa sintolo sa milyani mone kuna ni mezi a bilisizwe azwile kwa mupaipi ku lotisa. Mi se Ni lwala ona komoki tuna yani kaufela kone Ni ya. Ni sepa kuli mutu kaufela na hupula kuli, “Mushimani yani wa ishimbela mufaho wa hae o ipitezi.” Kacwalo ne Ni na ni yona mwa lizoho la ka. Se lu ya kwa sibaka sani kone kuna ni kaufela—bene ba lekisa ona nama yani, mi zazi leliñwi *Kalibe wa America* a taha kwateni. Ni mota wa mufuta wa '28 ya Chevy, nana ni nja ya bulizi lizi fa malupi a hae mi ataha ni yona, mi nana ni ka buñata . . . Mi basali bababeli bani neba tinile masale ni masikiyo

a lekiwa ka masenti a lishumi, lika zetuna, mi ze telele cwalo, ni masikiyo kwa mazebe, mi inza lepelela, ni kuipenta; mi sibeli sa bona nebana ni myaha ye mashumi ketalizoho a kupepwa, babahulile sina na. Mi ne mu ka nahana kuli bana ni myaha ye lishumi ka yeketalizoho. Kono ki sikamañi se ba lika kueza? Balika ku zamaya mwa nzila ya bupilo inge ba talimezi mwa siiponi sa kwa mulaho, ba talima kwa mulaho ku ze ne ba banga.

⁷⁴ Cwale, Mukreste ha ezangi cwalo. Mukreste ha liki kuba sa na banga sapili; ha talimi kwa na banga, utalima kwa sweli ku ya. Mwabona, mwabona? Musike mwa iseza ngana ku ze ne mubanga sapili; mu se mu zwile kale mwa bupilo bwani. Hamuna kukutela ku zona; zani ki za kwa mulaho. Mi mutu kaufela ya zamaya mwa nzila ya bupilo inge atalima mwa siiponi sa kwa mulaho uka ba ni kozi fa mukwakwa; mi ni mina mukaba cwalo mwa nzila ye ya Bukreste. Musike mwa talima kwa mulaho ku sene mu banga sona, mutualime ku se mukaba sona. Paulusi uize, “Ni libala lika za kwa mulaho, Ni tiya kuya kwapili kwa mpo ya pizo yetuna.”

⁷⁵ Cwale, kono ne li ku swabisize. Ba tisa nja yani yenyinyani, ye nunka mwahali mwani ni ku to itoma fa tafule! Cwale, sani ne si ka tazisa mutu kaufela! Inge ba bapalisa nja yani ona fani, inge ba inzi cwalo ni mazoho a bona, ni ku yo ca ka mazoho a swana ani! Mi cwale weta ataha kwani, ni ku to bulela litaba zeñwi. Dokota. Guggenbuhl nali ni na; akala ku seha, ni kusikulula toho ya hae.

Se nili, “Ki sikamañi—ki sikamañi so bulezi?”

Ali, “Weta ki hali, ‘Zusa fateni seo!’”

Mi se bali, “Batili, yena ki mu American; mu mutuhele fela.” Ka manzwi amañwi, “Ha zibi zeñwi ni hanyinyani.” Mwabona?

⁷⁶ Hane Ni tile kwa Saint Angelo mwa Rome (cwale, munahane fa taba ye), kwa Vatican mwa Rome, Italy, neba na ni sisupo kwani kwa Saint Angelo sa kuli: “Kwa basali ba ma American: Musika kena kale mwa libita, shangwe mutine liapalo za mina kuli mukuteke bafu”—ki keleke ya Katolika. Mwabona?

284. Puzo: Muzwale Branham, kana ukaba kai Munyaliwa fo lifasi ha li ka panca ni kutuka? Kana I kaba mwa sibaka inge bana ba Isilaele mone ba inezi mwa Gosheni fani likoto ha li wa? Kana Munyaliwa ukaba mwa lifasi fo ku ka ezahalela lika ze nji? Haiba ku cwalo, ki kakai? Mi kana Munyaliwa ukaba mwa sibaka silisiñwi kaufela ka nako ya kuungelwa nji?

⁷⁷ Munyaliwa, fo lifasi ha li ka panca... Nako ya kuungelwa ikaba nako ya zuho ya bafu ni ku kopana hamoho kwa ba bakenile ba bapila, kamba—ni ba bapila, kuli kuungelwa kunge sibaka. Cwale, kono Munyaliwa... Cwale, mwabona, iliñwi ya zona ki nzila ya kuungelwa ku sikaba kale puso ya Mileniamu. Mi cwale lifasi ha li ka tuka ki kwa mulaho kwanu kasamulaho

wa puso ya Mileniamu ni kasamulaho wa Lubona Lolumwe lwa katulo. Mwabona? Ba Bakenile ba ka kubukanelo mwa butelele bwa lifasi fani Satani ha ka taha bukaufi ni Munzi o lateha mi Mulimu uka nelisa mulilo ni pula ya macwe kuzwa kwa Lihalimu ni ku ba sinya. Ku lukile, ao ki Mañolo.

285. Hape, Muzwale Branham, Ni lumela kuli musali ulukela kuba ya ipeya kватаса muuna hae. Kono haiba Mukreste wa musali una ni muuna wa muezalibи ya sa tahanga mane nihaiba kwa lisebelezо za hao—kutaha ku yeñwi ya lisebelezо za hao mi mane nihaiba ku—mi ubata kuli musala hae a ezange lika, kukuta milili ya hae, kutina tuputula, ni kuya kwa libaka ze si za bumulimu, kana musali yo ulukela kuba ni likute ku muuna ka nzila yeo nji? Shangwe tatulula se hande, kakuli ye ki puzo ye buziwanga hañata.

⁷⁸ Batili, Kezeli, hauna likute ku mutu ya cwalo. Batili shangwe. Ka bakeñisa taba ye uka siya lika kaufela ni ku kumalela ku Mulimu. Cwale, taba yeo... Haiba ubata kuli—muuna yo ubata kupila ni wena, mi ube ni—upile uli Mukreste... Kono haiba uka bata kuli utinange tuputula, ukute milili ya hao, ni kueza lika zeñwi ze kaufela, ni libaka ze si za bumulimu, ubate pili Mubuso wa Mulimu ni kuluka kwa Hae. Ha utamehi ku mutu ya cwalo yoo. “Kono ibile fela,” Bibele ibulela kuli, “haiba musali wa tabela mi ni muuna utabela kupila hamoho (mwa hupula seo?), bao kipeto mubatuhele...”

Mi cwale, ba, Ha ni si ka ñola Mañolo ka zona, kakuli Ni li nopile fela (mwa bona?) mizuzu yelikani yefitile. Ni nopile iliñwi cwanoñu fa cwana mi ka yona ha Ni na nako... .

⁷⁹ Kono Paulusi na bulezi kuli haiba nji—muuna ya sa lumeli una ni ya sa lumeli—kamba musali ya lumela ni zeñwi cwalo, musali ya lumela yo aine ni muuna hae ya sa lumeli yoo, ibile fela ha ki kulwanisana cwale ni Mulimu. Haiba u tabela kupila ni yena... . “Zwelapili cwalo, Mulatiwa, haiba ubata ku ya kwa keleke, fo ku lukile; kono ha Ni na ku ya. Ha ni lumeli ku zona; musike mwa ba ni sa kueza ni zona. Kono muzwele pili; fo ku lukile.” Kono cwale ha bulela kuli, “Haukoni kueza cwalo,” cwale fo kuna ni nto ye shutana. Ha utamehi ku zani cwale; u kauhanye nto kaufela ku Mulimu.

286. Muzwale Branham, kana kikuli (Halu boneñi)... ku mutu yana ni—yana ni ya pila, ye se ba kauhani kale ni yena kono ki ya sa nyezi kana aka taha kwa Liñusa ni ku kutaza?

⁸⁰ Kihande, mwa Timotea Wapili 3:2, haiba mubata ku iñola yeo, mi Tite 1 kuisa 6 (Ne ni iiñovi yeo), Ni bata kuli muibale ni yona yeo fa puzo ye. Mwabona? Haiba muuna—haiba muuna u lakaza situlo sa baeteleli bwa bu bishopu kamba sa mukutazi (sesiñwi cwalo sa mwa keleke), una ni kuba fela ni musali alimumu. Yeo ki niti! Ki mubuleli yoo. Cwale, yani ki Timotea

Wapili 3:2, ni Tite 1 kuisa 6. Cwale, Tite 1 kuisa 6, eehe! Ku lukile. Cwale, mulemuhe kuli Bibele ibulezi kuli muuna yoo ki yena mubuleli mwa ndu ya Mulimu ya kaba ni musali alimumu. Cwale.

287. Muzwale yomunde Branham, ka ku kakanya mwendi myaha ye lishumi kwa mulaho Mulimu na kopani ni na cwale ni ku folisa ka mpo ya lilato—kamba kupatulula seo mpo ya lilato neli sona, mi ka kuswana ni nako yani tapelo ki ya—kuli Ki kutele kwani hape. Kana Ni ka i amuhela Ni si ka shwa kale? Kana bo muuna ka ba ka utwa Linzwi, mi ki sikamañi se Ni swanelia kueza?

⁸¹ Yani ki puzo luli. Cwale, musali yo uize...Cwale, ki sikamañi fa, kamba—musali uli, “Bo muuna ka,” kona ha Ni nahana kuli ilukela kuba musali yana bulela ze. Cwale, ulatehezwi ki lilato la hae la pili. Mwabona? Musali—musali u batile mwa Moya. Cwale, Kezeli, mwendi kakuli u sa tahanga kwa keleke ni kueza ze lukile, ha u si ka latehelwa ki puluso ya hao, kono ulatehezwi ki tabo ya kupiliswa kwa hao. Davida na huwelelize ku Mulena nako yeñwi kuli, “Mulena, u ni kutiseze tabo ya kupiliswa kwaka.” U sa li Mukreste, kono Ni—so bata kueza, Kezeli, ki ku tamuluha kwa lika kaufela zo ziba mwa ku ezeza, mi ubate Mulimu, ni kulapela.

⁸² “Kana bo muuna ka ba ka utwa Linzwi nji, mi Ni lukela kueza sikamañi?” Sina hane Ni bulela kakusasana kacenu, kuli ube fela lizwai: “Mina mu lizwai la lifasi.” Muuna hao uka bona bupilo bwa hao bo bu kenile, mi muuna ya sa lumeli uka keniswa ku Mulena ka musali ya lumela. Fela ubate Mulena, ina uli ya ikokobelize, mi ulapele ka nako kaufela, unzo fa tumbo ku Mulimu, ni kuba ya musa ku muuna hao haibile fela wa lata kupila ni wena ona cwalo.

288. Ka lisebelezo za la Sunda: Haiba nji musali u fosa ni... (Cwale, mulibelele fa muzuzu; Ni ipalele taba ye pili ni nosi. Mwa bona? “...ni muuna ya nyezi, ha baka ni ku lukisa lika kuya ka...kana una ni ku...musali ni muuna ya swalehile, mane nihaike nge kuli musali yo hakuna sa ziba...” Ku lukile. Ye i lukile.) Haiba nji musali u fosa ni—ni muuna ya nyezi, ha baka ni ku lukisa lika ni muuna hae kuya ka Mañolo, kana una ni kuya ku musala muuna yana fosize ni yena, nihaike nge musali yo hakuna sa ziba; kamba kana ki musebezi wa muuna kuli a mu bulelele pili; kamba kikuli una ni ku utwa butuku niteni? Lu kanga nako yekuma kai ni taba ya ku kutisana ye kanti i felile mi ipetahalile, mi mane ni bulikani se bu li teni?

⁸³ Kihande, Kezela ka yomunde, kuna ni nto iliñwi fela yo ezize ye lukile. No liteni mwa litaba zee, Na sepa, kamba mutu yo ziba na liteni mwa litaba ze, mwa kezo ye maswe, bakeñisa kuli no ngile mulatiwa wa musali usili ni kuba ni kezo ya silikani ni

yena. Mi ha no ezize cwalo, fani wa wa kuzwa shishemo. Mi wa wa be wa baka, mi no si ka baka konji ha no ile ku muuna yo ku yo kondisa litaba. Una ni kunga muuna hao kuya ku muuna yani, ili so no ezize. Mi sani kona sika so no lukela kueza; ao kona Mañolo—no lukela kueza.

⁸⁴ Kalibe yomuñwi na tile ku na ha ki kale hahulu ona kwanu kwa Louisville, kuli yena, kakuba musali yomunyinyani, na matile ni muuna mi—mi cwale ki ha... Na zibile kuli na fosa. Mi a zwa mwa muleneñi, mi atutela kwa muleneñi usili kwa hulehule, mi ayo cinca libizo la hae, ayo pila ni sicaba sisili. Mi muuna yo a mu latelela ni ku mu bulelela ka nako yana ilo fita teñi, na mu lwalezi libyana za hae. Nana ni kuba ona cwalo kuli abe musali ya nyewzi ku muuna hae kamba na ka patulula. (Mi musali ha na ilo fita kwani, ayo nyalwa ku muuna wa Mukreste yomunde.) Mi ali haiba na si ke kunyalwa, na ka sinya lika kaufela—a mu sabisa; kabakaleo, nana ni kupila ni baana bababeli cwalo, ili mafosisa ana ezize, kufita kuli abonise mibala ya hae kwa makalelo. Mi aba ni mbututu, mi cwale, musizana yani seli myaha ye lishumi ka ye ketalizoho ni yemilalu ya kupepwa mi ha zibi kuli ki mañi ndatahe wa niti mwahala bababeli bao. Cwale, utofita mwa nako ya kuyema lupepo, mi li to mu fumana fela. Cwale, ki sikamañi sa lukela kueza? Se nili, “Kuna ni fela iliñwi...”

Yena ali, “Haiba Ni bulelela bo muuna ka, baka ni siya; mi haiba Ni—mwana ka wa musizana ha ka ziba cwalo, uka ipulaya.”

⁸⁵ Mi se Nili, “Haiba uka ipulukela zona mwa pilu ya hao, ukaya kwa lihele. Cwale, ituse ili wena.” Kuna ni fela nto iliñwi ya kueza, kikuli lifa sikoloti sa hao. Yeo kona niti fela. Ube ya sepahala.

⁸⁶ Mwa ziba, linako zeñata mwa lipono, mo ba telanga batu, basali ni baana; Moya o Kenile wa katanga lika zani ze ba ezie hala bupilo ni (mu li utwile mi mu liboni, mwa ziba. Mwabona?)—ni kuba bulelela kuli ba lukela kueza sa kuli.

Ba li, “Kihande, Ni—Ni se ni lukisize kale zeo ni Mulena.” Kono una ni sikoloti ku muuna hao kamba ku musala hao kuli u yo mu bulelela. Yeo ki niti. U lukela ku ipulela ka zeo.

⁸⁷ Cwale, mutu yo, haiba nji ki yena ya fosize, ki musali ya ezize cwalo; na ile ku muuna hae. Cwale, u zwile mwa mulatu, Kezeli, kakuli mwahala... Wena—wena no ilo eza boozwa ili kufoseza muuna hao. No ile ku muuna hao mi wa yo itukulula mwa mulatu ku muuna hao, mi mwa ya ku muuna ni bo muuna hao ku yo itukulula mwa mulatu kwani. Ha una mulatu. Haiba bo muuna hao ba zwelapili ku—ku bata kupila ni wena, fo ku itingile ku bona. Ha ba sa lukela kueza sani cwale, kono na—kono haiba ba tabelia kupila ni wena ni kuku swalela, fohe kipeto ube musali wa luli kuli usike wa ba ni mulatu o cwalo ni kamuta. Kono haiba

haba ku swaleli, fohe zeo ki za bona—zeo seli mulatu wa bona. Bakona ku ku leleka. Ki niti luli.

⁸⁸ Kono cwale, haili muuna yo no fosize ni yena, cwale, ki yena ya lukela ku ya ku musala hae ni kukuta ku mina. Wena u ezize siemba sa hao, cwale seli nako ya hae kueza siemba sa hae. Mwabona? Kalulo ya bubeli . . .

⁸⁹ Musali yo nabile ni kezo ni muuna, mi a isa muuna hae, a yo ipulela, ni kuya ku muuna ku yo ipulela, mane ba yo kondisa lika. Cwale, muuna ya tatama neli muuna ya nyezi ni yena; cwale, una ni kuya ku musala hae ni kunga musala hae ni kutaha ku musala yomuñwi yoo. Kona ku ka luka. Mwabona se Ni talusa? Fohe kipeto kale ku kumbahala. Kono kwanda seo, ukaba ni mulatu niteni, mi mwahala pilu ya hao ukana u nyaziwanga.

⁹⁰ Ne ni na ni musali ha ki kale hahulu ona kwani yana bile ni zeo kuzwelela ka nako ya Ndwa Yapili ya Lifasi. Mi musali ali, “Oh, Muzwale Branham.” Na sa sinyize mianda anda ya madollar fa ba alafi ba lipulumuki ni zeñwi kaufela. Ne ni inzi fani nali ku mu talimela mwa sibaka sa muzuzu wani. Meda ki yena yana mu isize kwani. Na inzi fani inza hamula kataulo ka hae ona cwalo, ali, “Ni utwa kuli lifasi li ka panca, mi Na . . .” kaufela ona cwalo fela.

Na nenze ni ikinezi ona fani. Se nili, “Cwale, kuna ni sesiñwi ka . . . Una ni sesiñwi mwa bupilo bwa hao kokuñwi?”

“Batili, Ni muluti wa sikolo sa la Sunda.”

Se nili, “Ku lukile.” Na ina fani fa nako nyana inze ni talima. Se nili, “Ni bona mota nyana ya mubala o mutala, mi uinzi ni muuna wa milili ye mi fubelu, mi sitima sibata ku hata mota.”

. . . ? . . . Musali ali, “Usike wa bulelela mutu zeo!”

Se nili, “Muuna hao na banga mwa busole nako yeñwi.”

Sa kala kulila, atulela mwa halimu, “Usike wa bulelela mutu zeo.” Mwabona? Zani neli mwa mandingwe a ngana ya hae. Musali ali, “Ni ipulezi kale zeo ku Mulimu kale kafoo.”

⁹¹ Se nili, “Kono libelela fa muzuzu. Ha u si ka foseza Mulimu. U foselize buitamo bwa linyalo la hao. Ulukela kukutela ku muuna hao mi u yo kondisa zeo pili.”

Musali ali, “Ba ka ni siya.”

Se nili, “Mulimu uku siile kale mane. Cwale fa, ki mañi yo bata kuli aku siye?” Se nili, “Zamaya ku yena.”

Mi ki hali, “Oh, Ni—Ni . . . Uka eza sa *kuli*, mi Ni na ni bana bababeli.”

Se nili, “Kihande, zeo kona ze Ni kona ku kubulelela. Baalafi ba lipulumuki haba si ka ku zusa zeo mwateni, kono Moya o Kenile kona o patuluzi; mi Na hani si ka ku bona fateni mwa bupilo bwa ka.”

Musali ali, “Yeo luli ki niti!” Ali, “Kihande, Ni—Ni palelwa fela mo ni ka mu bulelala zona.”

Se nili, “Kihande, Ni . . . Kihande Ni ku fumani.” Akena mwa muzuzu omuñwi, mi akutela mwani hape.

Meda ali, “Ubata kuli uye mwani hape.”

Na kena mwani; mi se Nili, “Ubata sikamañi?”

Mi musali ali, “Muzwale Branham, Hanikoni kubulela zeo ku bo muuna ka!”

Se nili, “Muuna hao ki muuna wa milili ye minsu.”

“Eeni!”

Se nili, “Una ni nto yeswana ya lukela kubulela ku wena.”

Musali ali, “Oh, bo muuna ka zeo kwateni batili!”

Se nili, “Kihande u zamaye u yo ba mu biza mutahe kwanu.”

Se nili, “Kana wa ziba musali wa *kuli*, ya tinanga ndelesi ya pinki, ya beleka mwa ofisi mutu wa *kuli* yomuñwi wa kampani ka limota?”

Musali ali, “Luli!”

Se nili, “Kana haba mu bizangi ka libizo la *kuli*? ”

“Eeni!”

Se nili, “Lisunda zepeli kwa mulaho ne ba inzi mwatasa kota ya mubako—inge ba inzi mwa mota ye fubelu nyana ya Chevrolet yena ni nombolo ya *kuli-ni-kuli*, mi nebali mwa kezo yeswana.”

Musali ali, “Bo muuna ka zeo nya!”

Se nili, “Ku lukile, zamaya u yo mu biza mutahe kwanu.”

Mi aya. Mizuzu nyana fela, ha kiba baba kuta. Muuna ali, “Ki niti!”

Se nili—Se nili, “Mwa bona? Cwale mu bulelele Mulimu!”

⁹² Kono pili, ha mutaha kwa kataла mi muhupula kuli kuna ni mafosisa kokuñwi, myue pili mu yo kondisa zeo. Mi ibile fela siemba sesiñwi se kwanu sa ba ni mulatu wa ku sa bulelala musala hae . . . Musali yo ena u itukuluzi kale. Cwale, ku itingile ku yena ni muuna hae. Kono muuna yomuñwi yo yena ni musala hae bana ni kutaha ku to lukisa litaba. Mi hamukoni ku . . . Hakuna taba kamba muka eza cwani, sikana si mi kataza ona cwalo haibile mwa pila kufitela mu si tapisa mane sikene. Kuna ni fela nzila iliñwi ya kueza ka yona: Muipulele ka zona. Haiba lika buha litalo kuzwa ku mina, mueze fela ona cwalo hakuna mukwa. Mubulele niti, kona kuli mu ka kondisa. Amen!

⁹³ Ni utwa fa matepu babañata bali, “Zani li fosahalile.” Kono myuo lika fela cwalo nako yeñwi mubone haiba ha li si ka luka. Ku lukile.

289. Puzo ya la Sunda kakusasana: (Muni swalele ki ya nako ye, kono . . .) **Ka nako ya ku amuhela Moya o Kenile, kamba**

kolobezo ya Moya o Kenile, kana kuna ni shutano fateni? Kana mutu uka bulela ka malimi nji? Haiba ha ki nako kaufela, ki ponahazo mañi ye zibahala?

⁹⁴ Kihande, kana kuna ni musali ya ka pepa mwana a sa mu zibi? Ulukela kuba mwa mandingwe haiba aka palelwa ku mu ziba. Kamba nihaiba kuli u amuhele Moya o Kenile kusina ku uziba. Kuna ni se si kanga sibaka ku wena. Mwabona? Ku nani se si ka ku cinca. Buino bwa hao kaufela, buino bwa hao bwa moyo kaufela bu pangilwe sinca hape, mi uba sibupiwa sesinca ku Kreste, sina Bibele ha i tatulula, ka za *sibupiwa sesinca* ku Kreste. Uka ziba cwalo.

⁹⁵ Cwale, mu li, “Muzwale Branham, konakuli ha u lumeli kuli mutu ulukela kubulela ka malimi kuli amuhele Moya o Kenile.” Ha ki ku paka kuli una ni Moya o Kenile.

⁹⁶ Ne ni ka tabela kuli mañi ni mañi kwa ma membala ba keleke yaka ba bulele ka malimi. Ne ni ka tabela kuli ba eze cwalo, mi haiba—Ni lumela kuli hane mu ka kupa Mulimu, Mulimu wa kona ku mifa cwalo. Kono mutuhele ni mi bulelele; Ni ziba batu babañata baba bulelanga ka malimi kono habana Moya o Kenile. Mi hakuna mukutazi ya sepahala ka buyena ni ka kopano ya hae kono konji a bulelele kopano ya hae ze swana. Diabulosi wa kona ku likanyisa zani.

⁹⁷ Paulusi naize, “Ni ha Ni ka bulela ka malimi a batu ni a mangelozi, ni ha Ni kafa mubili wa ka kuba sitabelo sa ku cisa, ni ha Ni ka utwisisa likunutu kaufela za Linzwi, ni ha Ni kafa ze ni luwile kaufela kwa babotana, ni lika ze kaufela, kono ha nina lilato, Ni fo ha ni sesiñwi. Ni be ni tumelo kuli mane Ni shimbulula malundu ni zeñwi cwalo; Niteni ha ni sesiñwi.” Mi hape uize, “Za neku leliñwi lika foliswa ha ku ka taha ze petehile,” kamba, “ze petehile ha se li zibahalile.”

Cwale, Nina ni puzo ku zani. Ni sepa Ni ka fita ku yona busihu boo, ka ze ne ezahalile fani Maswayo ha kwaluha. Mi Ni sepa kuli mwendi sani si ka utwahala ku mina fa puzo ye.

290. Puzo: Muzwale Branham, luka eza sikamañi? Kuna ni se si ni tundamezi seo Ni palelwa ku ikapula sona. Litabula leli felile, Ne ni lolile kuli Ni latehile mwa lishabati le lisweu. Ne se ku unsufala; Ne ni palelwa ku fumana nzila. Tolo ye ibile ni na kuzwa ka litabula le lifitle. Cwale, Ni swana sina ya totobela mwa lififi. Mwana ka wa mushimani (E-r-v...), Ervin, ni musala ka neba liteni mwa tolo yaka yeo. Cwale, ni bona cwalo ba mwa lififi. Lu mwa ñalelwa—lu mwa ñalelwa luli. Ni sepa kuli Mulimu uka ku bonisa se sili—se sili mwa lipilu za luna cwale. (Musala bo... Oh, ku lukile.) Haiba lwa fosa kamba mwa libaka za sibi, lu bulelele. Lu bata kueza ze lukile.

⁹⁸ Hani zibi kalibe yoo, kono Ni ikutwa fela kuli kambe uteni moo, kalibe, kuli butata bwa hao ki boo. U tuhelezi nto yeñwi

ku ezahala ku wena ye ku tiselize ku ikalelwa, kakuli kuba mwa "lishabati leli sweu" kutalusa kuluka ni kukena. Kono u tuhelela fela Satani kubeya sesiñwi fa halimwa hao. Tolo ya hao ipakile kuli hakuna se si fosahalile. Fela wa ikalelwa, mi ka kueza se ni ku nahana se, so kala ku mbemusa lubasi lwa hao ka ku ikalelwa. Tuhela kueza cwalo; ikupele liswanelo za hao zo filwe ki Mulimu. Tolo ya hao ya paka ka taluso kuli u *mwa* lishabati le li sweu. Lik a kaufela li lukile. Ki wena, wena kasibili, ya ikalezwi.

⁹⁹ Mi ha u tuhelela alimuñwi wa lubasi lwa henu kuba ya mbemukile, si ka tutela ku yomuñwi, ni ku yomuñwi, mi nto yapili musweli ku kanana ni ku zwelapili. Mi alimuñwi wa lubasi ukala kuba ya filikana ka taba yeñwi, kipeto li filikanya ni yomuñwi, ni yomuñwi, ni yomuñwi, taba ya pili wa ziba lubasi kaufela lu ka filikana. Ki Satani. Mi haiba membala alimuñwi wa lubasi a nyakalala, ni babañwi ha ba nyakalale ni yena. Konakuli mañi ni mañi mwa lubasi mulike kueza ona cwalo.

¹⁰⁰ Mulike, yomuñwi ni yomuñwi wa mina bana, kuli mutuse bo ndata mina, bo maa mina. Ima, mina . . . Tate, mulike kutusa bana. Musike mwa tuhelela simbwewewe seo, moya o sa lumeli kutaha bukaufi ni mina. Mina mu Bakreste. Mu pepilwe ka Moya wa Mulimu. Mu mwa lizwai la lifasi. Muna ni liswanelo za mi file Mulimu. Mi Bibele ibulela kuli, "Haiba kuna ni ze lumbwa, haiba kuna ni zena ni mata, mu nahane ka zona lika zeo." Musike ku nahana ka lika ze fosahalile.

Mi Kezeli, Ni sepa kuli bo kona butata bwa hao, Kezeli yomunde.

Ne ni ka ina fo nako yeteletele, kono kuya ka mo Ni sepiselize, ki mizuzu fela ye mashumi amabeli . . . Mi Ni tabela kunga zañata luli za zona . . . haiba ha ku konahali, ni li kutiseze fa sipula kipeto Ni ka linga hape.

291. Babañwi bali Muzwale Branham ki yena Mwana mutu. Ne ni nahana kuli Siita sa Mulilo kona Mwana mutu. Kana ni li kopanya njí?

¹⁰¹ Kihande, yani ki puzo yende, yende luli. Kono ha ki Na Mwana mutu, kono ni mwana mutu fela. Kuna ni shutano fateni foo. Jesu Kreste nali Mwana mutu, yena Mwana Mulimu, Mwana mutu, yena Mwana Davida.

¹⁰² Cwale, libaka le ibuzelizwe puzo ye luli ne ibuzizwe ka mutu yo kamba ne i bulezwi, kakuli batu ba ni bala kuli ni muboni, ili zeo Ni si ka be ni hanyinyani . . . Nina ni puzo mwahali mo ya ku bulela katata ku sona sani. Mwabona? Kono Ni—Ni—Ni—mina—mina . . . Ha Ni bala lipuzo ze mu ka bona libaka le Ni alabela lika ze mo Ni ezeza cwalo. Kufitela ha Ni ka eteletwa kueza sika (mwabona?), mi Ni ka—Ni ka bulela se Ni lukela kubulela. Kono hola yeo ha isika taha kale.

¹⁰³ Kacwalo Na hakina—hakina—hakina Mwana mutu ya tozizwe. Ha ni ipapati kuba mupolofita wa Hae. Linako zeñata

Ni bulezi cwalo ka ku sa ziba kuli Ni bulezi, na ikutwanga ili na fa tepu. Kono Ni bulela kuli fokuñwi, kakuli haiba mubata ku libeya mwa manzwi, *mopolofita* ka linzwi la Sikuwa italusa fela kuli “ki mubuleli.” Mutu ni mutu wa ziba cwalo; ni nge buka ya litaluso za manzwi. Mwabona? *Mopolofita* ki “mubuleli” mwataswa buka ya litaluso za manzwi a Sikuwa. Kono mwataswa Siheberu kamba Sigerike, *mopolofita* ki “muboni, mutu ya bona lika ze sa li kwapili ni kubulela lika ze sa taha.” Kono mwataswa toloko ya Sikuwa, *mopolofita* ki “muboni.”

¹⁰⁴ Kacwalo ha Ni lati ku ipiza sika kaufela kono kwanda kuba muzwale wa mina. Na ni muzwale wa mina, mi mu ni bizange fela kuli Muzwale Bill, kamba Muzwale Branham, kamba kaufela se mubata kueza ka zona. Seo—seo—seo ki sesinde, seo—seo ki se si munati. Se mu lumela, mu ipulukele sona. Mwa bona?

¹⁰⁵ Mi cwale, neli puzo mañi yani yeñwi? Ni ba ya tatana hahulu mwahala ze, Ni libala kuli ki lika mañi zani. Yeñwi ya zona neli kuli, “Kana ki Na Mwana mutu nji?” mi . . . Ki ye fa Na sepa. “. . . Mwana mutu kamba Siita sa Mulilo yena Mwana mutu?” Batili! Siita sa Mulilo ki Tozo.

¹⁰⁶ Siita sa Mulilo . . . Cwale, ye ikona kuya mwa butungi hahulu konji kambe ne ikaba mina baituti babañwi ba za bulapeli, Dokota Vayle, mane mwendi Muzwale yo u kwanu, ni babañwi ba bakutazi ba kuzwa kwa Arkansas, ni balikani baka babande babali teni, ba kona kuziba kaniti.

¹⁰⁷ Cwale, ona Siita sa Mulilo sani kona *Lumonyi* lone luzwile ku Mulimu. Ona *Lumonyi*, ili ona muhupulo wa Mutalelala wa Mulimu. Mi Mulimu hana tile mwa mufuta O kona ku bonahala, Neli tozo ya Moya o mutuna yene zwile, No taha utuluka, ku tahafafasi, Mulimu, yena Ndate, ili *Lumonyi* lone luli fahalimwa Isilaele, kuli . . . Nali ya kenile, ne li sina sibi. Ne kuna ni kuba ni mali a sitabelo ona mwa Edeni mwani. Mi ona *Lumonyi* lwani lwa toba nama ni ku to yaha mwahala luna; mi ona *Lumonyi* lwani ne lu pilile mwa mubili wa mutu, yeneli sitabelo . . .

¹⁰⁸ Mi mutu hana ezizwe mwa siswaniso sa Mulimu . . . Mi cwale Mulimu hana shetumukile mwa sibupeho sa mutu ku to liulula mutu; sani ne si tisize mutu ni Mulimu hamoho. Lihalimu ni lifasi za to swalana ni ku tubetana; Mulimu ni mutu ba to swalana mwa mbando inge Mushemi ni mwana hae fani *Lumonyi* lwani ha lu to ba nama ni kupila mwahala luna.

¹⁰⁹ Jesu naize, “Ni zwile ku Mulimu, mi Ni kutela ku Mulimu.” Kana ki niti? Kasamulaho wa lifu la Hae, kupumbekwa, zuho, ni kukambama, fani mubili ha no ngezwi mwa halimu ku yo ina kwa lizoho la bulyo la Mulimu . . . Cwale, ha Ni talusi kuli Mulimu una ni lizoho la bulyo, Mulimu ki moyo. Kono kwa *lizoho la bulyo* ku talusa “mwa puso ni mata a Mulimu.” Kuli ka Libizo lani lika kaufela mwa Lihalimu li biziswa ka Lona ni kufa likute

ku Lona. Liku kaufela za mwa lifasi li biziswa ka Lona ni kufa likute ku Lona, ki Libizo le li fahalimwa mabizo kamukana, Jesu Kreste.

¹¹⁰ Cwale, ona *Lumonyi* lo ne luli ku Yena, ili ona Moya wa Mulimu, ili Tozo, kuya ka muhau o kenisa wa Mali, lu tisize bana babañata ku Mulimu, bao ni bona se ba tozizwe ki lona *Lumonyi* lo lu swana lwani.

¹¹¹ Cwale, ka lizazi la Pentekota Lwa to tuluka, kona Siita sa Mulilo sani, ni ku to ikaba mwa liemba emba cwalo, mi malimi a mulilo aina fahalimwa yomuñwi ni yomuñwi, isiñi malimi a bona, kono malimi a mulilo aina fahalimwa ufi ni ufi wa bona, bona baketwa, sikwata se si ketilwe, ba to iponahaza ka Siita sa Mulilo wo, kubonisa kuli Mulimu na ikabile Iliyena kukena ku mutu. Kana mwa utwa nji? Mulimu, ona *Lumonyi*, ku ikaba Iliyena ku mutu! Mulimu, isiñi ku mutu alimuñwi, Yena u mwa Keleke ya Hae kamukana ko iya ko i kuwa. Ki kabakaleo Jesu hana ize, “Misebezi ye Ni eza mu ka i eza ni mina, ka buñata.” Cwale, Ni ziba kuya ka King James uli, “yemituna,” kono toloko yende ki kuli “*yemiñata* kufita ye muka i eza.” Mulimu na icocomelize ni ku i peya ku Mutu alimuñwi, Jesu Kreste. Kono cwale U icocomelize mwa Keleke ya Mulimu ya Pila kaufela koiya ko i kuwa.

¹¹² Ona fa, foo Mulimu ha sa li fa inza bulela ni luna mwa lipilu za luna, U mwa Africa, U mwa Asia, U mwa Europe, U mwa England. Kaufela ko ku kopanezi balumeli hamoho, U mwahala bona.

¹¹³ Cwale, kasamulaho wa lifu la Hae, kupumbekwa, ni ku kambamela mwa halimu, ni kutaha kwa Moya o Kenile, Paulusi fa musipili wa hae—yana li yena Saule—kuya kwa Damaseka, na natilwe kuwelafafasi ka Siita sa Mulilo, lona *Lumonyi*. Mi Mujuda yani na si ke ku biza Siita sa Mulilo sani, “Mulena,” kwanda kuli na zibile kuli Sani neli lona *Lumonyi* lo sicaba hae ne si latelela mwahala lihalupa. Mwabona? Cwale, yani ne si Mwana mutu, lwani neli *Lumonyi*.

¹¹⁴ Cwale, lu bulela se ka likute, ni lilato, ni likute. Mwabona? Sina Jesu Kreste mwabezi ya swana maabani, kacenu, ni kuyakuile, mi hape ni kuli mwa mazazi a maungulo, sina mone kubezi mwa nako ya Lota, kamba mwa nako ya Lota mwa Sodoma, kona mo ku kabela mwa lizazi la Mwana mutu ha ka i patulula Iliyena hape, ku i patulula Iliyena. Cwale, mwa mazazi a maungulo aa *Lumonyi* lone luli fahalimwa Jesu—ili ko A zwile ku sona kukutela kwa Siita sa Mulilo hape mi u kutile hape kutaha mwa lifasi ku to (Ne ni ka bulela nto yeñwi, kono Ni talimela fa tepu. Kono neba si ke ku lumela hane mu ka ba bulelela. Ha ku koni kuba shutano ni yekana. Bona...Batu ne ha bakoni ku lumela, kono Ni ka siya zeo)—kono kutahafafasi, inge katulo ye sina sobozi ye ezahala.

¹¹⁵ Mi cwale, ona Siita sa Mulilo se situna se si bonahalile mane nihaiba ka liswaniso za ma kamera, zeo ki fona fa lifasi fa kacenu... Ki sani siswaniso sa Teni sa lepelela fani. Ni sepa kuli si sali teni, nji ha ki cwalo? Kana si teni nji? Si pakilwe hande ka sayansi ki likwala ze lu nani. George J. Lacy, yena toho ya ba FBI katengo kaka talima za kunyatela minwana ni mapampili, ali, “Ne ni si biza kuli ki ngana ya butu fela na luli, Revurendi Branham, kono,” ali, “liseli ne li monyehile fa liito la siiponi sa kamera. Ni li beile mwatasa liseli lene li benya mi ne nina ni tatubo kwanu ka mazazi amane kamba a ketalizoho. Mi liseli la monyeha fa liito la siiponi sa kamera. Mi liito la siiponi se ha li koni kupikica ngana ya butu!” Cwale, zani li zibahalile.

¹¹⁶ Mi mutualime misebezi ya Sona. Sona, seo mwahala luna, si paka Jesu ya swana ya kile apila nako yeñwi mwa Palestine, ona Moya o swana fahalimwa Hae utile mwa Mubili kufitela ha U tilo kutela kwa Toho hape, ili ona Wa tela cwanoñu ku to nga Mubili. Amen! Toho itaha kwa Mubili. Mwa utwa kana? Yani ikaba Mwana Mulimu, yena Mwana mutu, yena Mwana Davida, yena YALITENI, yena Palisa ya Sharoni, yena Mulilima wa mwa Libala, yena Naleli ya Kakusasana.

¹¹⁷ Na kina Yena; Ni mutanga Hae. Mi Siita sa Mulilo haki yena Yena; Si mwa mufuta wa Moya (mwabona?) sene sili ku Mwana mutu mi utile cwale ku to toza bana ba batu, ku to kutisa bulumiwa ona cwalo fela sina mwa Na bulelezi kuli ku ka ezahala, ili kuli Toho ni likalulo zeñwi za Mubili kuli li swalane hamoho.

¹¹⁸ Mane fela inge—inge mundandwe o pahami wa piramidi na yahile Enoke. Mi lufumana kuli mwa mundandwe o pahami wa piramidi wani, neba sa beyangi licwe la toho ku wona. Kiñi? Licwe la toho ne li si ka taha kale. Mihato ye supa mwa—mwa mundandwe o pahami wa piramidi wani... Luka fita ku zeo zazi leliñwi, mi Ni ka tabela fela ku mi bonisa mo li bezi ze petehile hande ka Mañolo.

¹¹⁹ Mi cwale, haiba mu ka lemuha fa masheleñi a mina a dollar ya America, ona licwe tuna lani la kwa toho, liito, ku izwe, “Swayo Yetuna.” I ka taha.

Mi mulemuhe macwe ani... Kana kuna ni yana liteni mo ka nako ya li piramidi zani za mundandwe ya mwa Egepita? Kihande, haiba mu ka lemuha... Eehe, mo, kuna ni mazoho kwani aile mwahalimu kwa mulaho kwani. Ku lukile. Macwe ani abeilwe fani ka tokomelo luli ka bukwala, mi fa halimu fani, fo kuna ni inge sikwahezo sa licwe fahalimu cwalo, mi liewe lani ha li ka taha, ikaba sina daimondi ye kwana hande hanze i shetumuka cwalo ka bukwala bwa lona.

¹²⁰ Cwale, licwe lani ne li sike kukwanafafasi fani fa mutomo, kamba mane nihaiba kukwana fa mutomo wa bubeli kamba mutomo wa bulalu. Ne li kwanile fela fa mutomo wa fahalimu,

ki foo muyaho kaufela ha u so kwanile ni ku apeswa ki licwe. Mi Jesu hakoni kutaha konji haiba Keleke, ona Mubili wa balumeli ni bulumiwa Wa kile a siya nako yeñwi li be ze swana sina mone kubezi kwani ka nako yani . . . Mi cwale, sani sitisa . . . “Bao baba kwande ha ba si ka petahala,” Paulusi naize, Maheberu 11. “Luna lu siyo ha bakoni ku petahala.” Ba lukela kuba ni bulumiwa bo kuli ba tahise ba Lutheran, ba Wesley, ni bona kaufela mwahala masika a bona kaufela. Mi zani hane li tile, fani siemba sani sa—kone ku kopana limbande . . . “Inge fela situpu mo sibela kuli limbande li ka kopanela teñi,” puzo neli kuli. Oh, ki kupetahala fela. Ni sepa kuli zeo li alabile puzo.

292. Muzwale Branham, kana Satani wa kona ku itusisa mpo ya malimi kamba bupolofita ku mutu yana ni Moya o Kenile nji?

¹²¹ Yani ki yende nji cwani? Eeni, sha! Haiba . . . Li lukela ku tokomelwa hahulu, hulu ka tokomelo yetuna. Haiba mu lemuha mwa Makorinte Bapili 14:29, mina baba tabelia ku iñola . . . Mwabona? Yena—yena mutu ya ñozi ze ha si ka beya fateni libizo la hae; u bulez fela kuli, “Mulimu aku fuyaule.” Mwabona? Mwa Makorinte Bapili 14:29 lu fumana kuli mpo ifi kaufela mwa keleke ilukela ku atulwa pili. Mwabona? Muna ni ku tokomela, kakuli mioya ye maswe ya kona ku icocomeza teñi. Kakuli muhupule, pula inelanga ku baba lukile ni baba lunya. Yona pula yeswana yene lumezwi ku to buzwisa buloto hape i buzwisa ni mufuka, ona mezi a swana. Ki babakai baba ziba cwalo? Cwale, seo si lukela ku tatulula hande peu ya noha ku mina, mo ne kutezi mwana yoo. Ni lika ku i nopa teñi fa kuli ni talimane ni yona nako yaka isika fela kale, kono ha Ni ifumaní: konakuli, nabile cwani mwana wa peu ya noha. Mwabona?

¹²² Mulimu una ni mulao. Cwale, ku se, mwa mulao wo wa Moya wa Bupilo muna ni ku tokomela, kakuli Satani wa icocomezanga teñi.

¹²³ Mi Paulusi, mi sesiñwi ki ha si patululwa ku yomuñwi, ne si na ni kuba ni baatuli bababeli kamba babalalu si si ka bulelwa kale kwapili a keleke.

¹²⁴ Cwale, hape fa Ni kona kutisa se hande. Na bona za ka . . . Hani sepi kuli Muzwale wa ka umwateni mo busihu bo, kono yomuñwi nasweli kuseha yomuñwi kusiya tabernakele ni kuya kwani kwa keleke ya Muzwale Junior Jackson. Ali, “Ne baile kwani mwahala ‘linyunywani ze shwile.’” Kana ha mu swabi kuba ni mubulelelo o cwalo? Yo uli yena kaufela, haiba u mwana ke kwanu ku Kreste, Ni ku swabezi. Usike wa eza nto ye cwalo. Junior Jackson ki muzwale wa ka. Don Ruddell ki muzwale wa ka.

¹²⁵ Kihande, taba yateni ki kuli, kakuli ha Ni beya keleke ye kwanu mwa sikuka sesiñwi, mi Ni kuta kwanu, kubona haiba Ne ni ka ba ponahazo ya limpo, licika la bona ba zwile mwateni.

Kakuli ha mu kala kubulela, kamba ku kutaza, kamba nto yeñwi, ina ni . . . Ne likena mwa sibaka se mu sa koni ku kutaza konji kube ya ka bulela ka malimi, yomuñwi atoloke, yomuñwi wa toloka; mane nihaiiba licika la zona ne li sa ezahala.

¹²⁶ Cwale, Ni lumela mwa kubulela ka malimi. Ni lumela mwa ku toloka, kono ilukela kuba nto yeñwi ye libana ni keleke, isiñi kuli, “Mulena wa taha cwanoñu,” kamba sesiñwi—ili zende zeo. Kono, “Musike mwa itusisa za kukuta kutela,” Jesu naize kuli, “sina mo ba ezeza mahedeni.”

¹²⁷ Ilukela kuba nto yeñwi sina cwana. “Zamaya u yo bulelala Muzwale *Wakuli-ni-kuli* sika sa kuli sa eelize ni—ni kunga . . .” “Kiñi, zamaya yo bulelala Muzwale, Kezeli *Wakuli-ni-kuli*, fani hana eelize taba yakuli ni kuli kwa njelelo kwani zazi leliñwi, na foselize milao bo muuna hae—buitamo ku muuna hae. Kwanda kuli akondise litaba zeo—zeo hande, Moya o Kenile uka mu bulaya.” Fo he muna ni zeli **KISONA SA BULELA MULENA!**

¹²⁸ Mi ni kutisa sibi sani mwateri. Fo kona halu kona kuba ni keleke sina mo ne kubezi fani Ananiasi ni Safira haba to kena. Kona kuli foo luna ni keleke ye yemi ka kutiya.

“Oh,” mu li, “Muzwale Branham . . .” Mutangana alimuñwi, Ne ni mu bulelezi kuli; na bulezi kuli, “Kihande, u lu beyanga hahulu fa ngandaleza.”

¹²⁹ Se nili, “Kana ha Ni ipeyangi fa ngandaleza kwa baenyi bao Ni si ka bona kae mwa bupilo bwaka? Kono Ni na ni tumelo ni sepo ku Mulimu wa ka ya ni lumile ku to eza lika ze, mi mane kwali kuba nihaiiba nako iliñwi ku fosahala haibile fela ki Mulimu.” Yeo ki niti.

¹³⁰ Ha ki kubulela ka malimi ni lika zeñwi cwalo . . . Ni lumela kuli lika zani malimi ni batu babana ni limpo zani, haiba ki Bakreste ba niti mi ba li tabela, baka kopana hamoho, kakuli—ni kufa malimi a bona ni kutoloka ni kubona se ba kona kueza fa kuzwiseza pili Mubuso wa Mulimu. Bao bana ni bulumiwa bwa bona bañi, kono ha ki bwa mo mwahala sicaba kokuna ni—koo baezalibi ba swaleha ni zeñwi cwalo. Bibebe ibulezi kuli, “Baka bulela kuli ha mu si ka ituta.”

¹³¹ Fokuñwi babanga hahulu ka mafosisa ka zona ni—ni zeñwi cwalo . . . Isiñi kuli sikwata sa luna hasina, kono Ni ba tuhelelanga kuli ba itahanele nyana. Ni li, “Mu tokomele.”

¹³² Cwale, Ne ni bulelezi mizwale ya hesu (kuna ni lipaki mwahali mo baba ziba seo), Ne ni ize, “Mu li tuhele fela. Kasamulaho nyana Ni ka—luka fumana haiba ki Mulimu kamba nee. Haiba hakoni ku itiisa ha kalimelwa, kona kuli yacwalo ki mwana wa mwa bunyazi.” Zeo kona ona cwalo mo ne i bulelezi Bibebe. Mi cwale kalimela ha itaha, ku ezahala sikamañi? Kana Ni mi bulelezi zeo kale? Mwabona? Mubuze bo mulisana kwanu.

Na ize, “Kana ku cwani ku *se ni sani?*”

¹³³ Se nili, “Mu batuhele fela bao! Ki limbututu. Ha lu koni ku li atula, kono mutalime ha li to lumelelana ni Linzwi.”

¹³⁴ Cwale, Muzwale Junior Jackson nana ni tukelo ya ku sa lumelelana ni sani. U bata keleke ya hae... Batu kaufela ba bata kubulela ka malimi ni lika zeñwi mwahala sicaba. Ao kona matata a Muzwale Junior; zani—zani kuitingile ku yena. Kono Junior Jackson u lumela Liñusa le ka kuswana sina—ufi kaufela wa luna mwa lumelela. Yena ki alimuñwi wa luna. Mi ha ki “nyunywani ye shwile” fa kuya kwani. Junior Jackson ki muuna wa Mulimu yo Ni lata ka pilu yaka kaufela. Mi hayo mo busihu bwa kacenu, konakuli Na kona kusela luli mo Ni batela.

¹³⁵ Mi—mi Don Ruddell... Ha ni sepi kuli Don u mwateni mo busihu bwa kacenu, kakuli bana ni keleke ya bona. Kono haiba Ni bona mutu ufi kaufela ya taha kwa tabernakele ye, ha ka zwa ni kuya ku Don Ruddell, kamba—kamba Muzwale J. T. Parnell, kamba Muzwale—yomuñwi kaufela wa mizwale kwanu ye li mizwale ya luna ni sicaba hamoho mwa Mubuso, Ne ni kaba ya tabile hahulu mane Ne ni sike kuziba sa kueza. Ne ni kali, “Mulena, taza sibaka se hañwi hape. Ha lu li sululenii ni kusela ku yomuñwi ni yomuñwi.” Ni ka lí tabelia. Ni ka tabela kubona bashimani bani... Ki baka—ki bana baka.

¹³⁶ Cwale, J. T. kamba—kamba yomuñwi kaufela wa bona haba lukeli kulumela mo Ni lumelela; haba lukeli kueza cwalo. Sina ha Ni mi bulezezi kakusasana kacenu, mane ha Ni lumelelani ni musala ka, kamba yena ha lumelelani ni na. Kucwani hane Ni ka ya kwa tafule mi Junior una ni nama kuhalika yekopani ni ma apule mi Na ni ce yekopani ni mbilimbili. Muzwale, sibeli sa luna luca nama ye halikilwe, lu ka lumela cwalo, kono... Mi sibeli sa luna lu kutaza Evangelii. Keleke ya hae ka likute...

¹³⁷ Mwa ziba, Pitrosi ni Paulusi neba na ni lifapahano, isiñi mwa lituto za bona, kono neli ka nzila yana eza Pitrosi ka yona. Neba na ni—ni lifapahano nyana, kono ne li si ka ba kauhanya. Nebali mizwale. Kiñi, luli lu kaba ni lifapahano, isiñi lifapahano... Hani lumelelani ni ba Assemblies of God. Hani lumelelani ni milao ya bona, kono kuna ni baana ba Assembly of God babañata babali mizwale yeminde. Hani lumelelani ni tuto ya ba oneness, kono kuba ni babañata ba baana babande.

¹³⁸ Na lumelelana—hani lumelelani ni ba Baptist, ni ba Presbyterian ni milao ya bona, kono mwahali mwani, kuna ni Bakreste ba niti.

¹³⁹ Ka mayemo amañwi musihali kacenu ne Ni amuhezi telegilamu. Ne ni si ka ibona. Mi muzwale, mukutazi wa Baptist, na bulezi kuli na ka—na hakaza hahulu kutaha kwa sibaka—kamba kuba mwa sibaka koo mutu ukuteka Mulimu kufita ku kutekana fela.

¹⁴⁰ Mi muzwale yomunde ya tahanga ona kwa keleke ye ali ali, “Ni ka kuisa kwa sibaka se si cwalo.” Na nza lata kutaha kwanu,

ali wa Baptist. Mwa bona, ba hasanezi kai ni kai. Ha ni koni kulumelana ni mulao wa bona, kono kaniti Na lata katengo kani. Kacwalo musike mwa bulela cwalo ka mizwale.

¹⁴¹ Cwale mwahali mo, limpo ze ki—lina ni kutokomelwa. Hakuna mpo... Muna ni ku li tokomela. Satani wa kona kulikanyisa mpo ifi kaufela. Mutualime ba sikwata sa ba Beatles ba cwale mo ba likanyiseza foliso ya Bumulimu—busafa, masila, kubola, ba pepilwe kuzwa mwa lihele. Mwabona? Ku lukile.

293. Kana Daniele neli mutu wa bune mwa ondo ya mulilo kakuli neli yena mupolofita mwa na ha nako yani?

¹⁴² Batili, neli Jesu. Ki yena Mutu wa bune yaswana—sina Mwana Mulimu. Ha ni sepi kuli neli mupolofita, kakuli yena nali mwa musima wa litau; kono Hani—Hani koni kulumela luli Daniele nali mwa ondo yani ye sabisa. Na—Na hani boni cwalo... Cwale, fo mwendi mu kumbile, kono he wo fela ki muhupulo wa ka.

294. Muzwale Branham, mwa Genese 6 ni timana ya 12, Mulimu na bulez kuli libupiwa kaufela ne li fosahalile ka mizamao ya zona. Kana taba ye i talusa linyalo ni telekano nji? Haiba ku cwalo, kana Jesu na sa talusi taba yeswana ha Na bulez kuli, “Sina mone kuinezi mwa mazazi a Nuwe, kona mo ku kabela ni foo Mwana mutu ha patululwa” mwa Mateu 24, timana ya 38 ni 39?

295. Muzwale Branham, kana kuna ni bana baba ka pepwa mwa nako ya puso ya Mileniamu—myaha yelikani sikit—Mileniamu, myaha ye likana sikit ya puso ya Kreste fa fa lifasi? Kamba kikuli kukaba sisupo sifi kaufela mwa lifasi—sibi sifi kaufela (muni swalele) mwa lifasi ka nako yeo; mi kana ku kaba batu mwa lifasi ba mibili ona ye cwana ka nako yeo nji?

¹⁴³ Ni ka lika kufituluka mwateni kapili. Cwale, mwa Genese kauhanyo ya 6, timana ya 12, Mulimu na bulez kuli libupiwa kaufela ne li fosize... Eehe, lani neli linyalo, telekano, ni lika zeñwi kaufela. Bibebe ibulezi kuli, “Sina mo ne kubezi mwa mazazi a Nuwe, mo ne ba nyalela, ni kufiwa mwa manyalo,” ni zeñwi ze cwalo. Yeo ki iliñwi ya lisupo za nako ya maungulo, ki yeñwi fela ya lisupo.

¹⁴⁴ Cwale, haiba nji sani kona sene li eza lifasi, Ne ni sike na si biza kuli ki sisupo sa nako ya maungulo, kufita mo Ni kona kubizeza za kubulela ka malimi kuli kona sisupo sa Moya o Kenile. Ki niti kuli kuna ni kutaha nako fo linyalo ni telekano likaba fela inge mo ne libezi mwa mazazi a Nuwe, kono kuna ni lika zeñata hahulu ze zamaelela ni lona; yeo ki iliñwi fela ya lisupo zateñi.

¹⁴⁵ Mi kubulela ka malimi ki iliñwi ya lisupo za Moya o Kenile, kono ha ki sisupo se si ipitezi sa Moya o Kenile, haku shutani ni basali ni baana haba nyalana ni kulelekana ni kunyala hape. Zeo

ha likoni kuba zona lisupo fela li nosi. Haiba nji seo kona sisupo fela si nosi sene ba nani, Hani koni ku si biza cwalo. Mwabona? Lik a zeñwi lina ni ku zamaeleta ni kubulela ka malimi kamba mpo ifi ni ifi kaufela kuli ibe Mulimu.

¹⁴⁶ Cwale, “Kana bana ba ka pepwa ka nako ya myaha ye sikit yona puso ya Mileniamu nji?” Yani ki puzo yeli mwa munahano wa ka, yene Ni mi bulelezi zazi leliñwi. Ha ni zibi. Ku bonahala inge kuli kukaba cwalo; ku bonahala kuli kuli hakuna kaba cwalo. Ni kaba ya sephahala ni mina ka mo Ni zibela ku ba ya cwalo. Ha ni zibi kuto fita ni nako ye. Haiba nji Mulimu uka si patulula, Ni ka mi bulelela. Kono multitele; ina ni kuzwa ku Mulimu. Mina mu banake. Hani koni ku mi bulelela. Ha nizibi cwale kamba kukaba kamba nji hakuna kuba. Hanikoni ku talusa.

¹⁴⁷ “Kamba kana kukaba sibi ni hanyinyani mwa lifasi ka nako yeo?” Batili! Hakuna kuba sibi mwa lifasi. Satani u sa tomilwe.

¹⁴⁸ “Mi kana kukaba batu mwa lifasi ka mibili ona ye cwana ye ka nako yeo nji?” Eeni, sha! Lukaba ni mibili wa luna ofilwe kanya ona mwa lifasi mubu le, luka ca, kunwa, kuyaha mandu, ni—ni—ni kupila inge mo lupilela ona cwana ka myaha ye likana sikit. Ki—ki nyakalalo ya linyalo la Munyaliwa ni Munyali.

296. Muzwale Branham, ki sikamañi sa na talusa Jesu mwa Mateu 12, timana ya 32, fa na bulezi Jesu kuli, “Yo kaufela yaka bulela linzwi la kunyefula Moya o Kenile, hana ku swalelw a, nihaiba mwa lifasi, kamba lifasi le lina ni kutaha”? Shangwe aku ni tatululele litimana za Mañolo zeo. Ni itumezi. Mi kuna ni libizo la mutu; ki mukutazi. Ku lukile.

¹⁴⁹ Muzwale, Na—wena u muituti wa za bulapeli, Na nya. Kono Ni tabela kubulela cwana, kuli Jesu naize, “Yo kaufela yaka nyefula Moya o Kenile hana ku swalelw a.” Ka manzwi amañwi, kuli li zamaelete ni Mañolo asili, “Mikwa kaufela ya sibi ika swalelw a ku mutu yoo, kono kunyefula Moya o Kenile hana kuswalelw a mwahala batu.” Kunyefula Moya o Kenile ki ku keshebisa ka lisomo, kubulela zateni, ka lisheha, kueza sika se si cwalo kipeto musila mufunda o pumahanya mwahala bunde ni bumaswe.

¹⁵⁰ Cwale, haiba mubona Moya o Kenile . . . Ka mutala, ku cwani he haiba Moya o Kenile no ka tahafafasi ni ku to lemuha milelo sina mo U evezanga, mi ku cwani haiba sani ne si kaba Moya o Kenile, mi ha mu si ka lumela kuli neli Ona, kono mwa zwela kwande ni ku yo U seha ni kubulela za Ona; Hanina taba ka se mueza, mu felile. Mi hamukoni kueza cwalo. Sani si paka fo kusweu kuli ha mu ba Mulimu, kakuli Peu ya Mulimu isiala ku mutu mi hakoni kueza sibi. Mi sibi kanti ki sikamañi? Ku salumela. Ha bona Linzwi ha li iponahaza, uka Li lumela. Mi yena fela . . .

¹⁵¹ Mwabona, kuna ni fela sibi silisiñwi, ki sibi silisiñwi fela. Ki babakai baba ziba cwalo? Sani ki ku sa lumela. Ye ki niti. Kueza boozwa ha ki sibi. Ku zuba kwai ha ki sibi, kubulela buhata ha ki sibi, ku konka, seo ha ki sibi. Zeo ki bupaki bwa ku sa lumela. Mu eza cwalo, kakuli ha mu ba lumeli. Yeo ki niti. Konakuli, mwabona, kuna ni fela sibi silisiñwi, mi seo ki ku sa lumela. “Ya sa lumeli u sa atuzwi kale.” Hakuna taba kamba u eza sikamañi kamba mane kutokwa, u atuzwi ka kukala. Ku lukile.

297. Muzwale Branham, kana kwa fosahala kuli yomunca ya si ka nyala—ya is ka nyalwa (ha si ka bulela) kuli akute milili ya—milili ya hae? Ni sepa kuli ki musali yoo.

¹⁵² Eeni! Eeni, ki—ki mafosisa kuli musali ufi kaufela akute milili ya hae.

Yani ki puzo fela ye kuswani. Kana mwa—kana mwa ozela nji? Kihande, luka—luka angufa kapili fela mo lu ka konela. Ne ni lika ku swala za peu ya noha yani katata luli.

Lapelela mwana luna mwa . . .

Yani ki kupo ya tapelo. Ni nopile fela ze fa ni ku mata, fela . . .

298. Muzwale Branham, kana basali ba lumelelizwe ku beleka mwa litaba za sicaba sa naha haba na ni muuna ya iketile ni bana? Ni buza puzo ye bakeñisa mutu usili.

¹⁵³ Kihande, Ha—Ha—Ha—Ha ni zibi ka zeo. Hani koni kubulela. Kono Ni—Ni nani fela maikuto aa. Ni bulele cwana: Na lumela, kambe Ne ni li—ni li musali mi Ni ziba kuli bo muuna ka baiketile mi bana ni musebezi o munde, ba sebeza, Ni lumela kuli ne ikaba tabo—tabo yetuna kuli ni ikinele fa lapa, ni babalele banake ni kueza kuli . . . mi—mi—mi ni babalele banake ni kuba hulisa, ni kulata Mulena. Mi kambe Ni na ni nako ni yekana ha ni zwa kwa kutapisa ni lika zeñwi zene Ni ka eza, Ni sepa kuli Ne ni ka luta banake mwa ku sebeleza Mulena.

¹⁵⁴ Cwale, haiba muna ni—ni sikoloti kamba nto yeñwi yeo mulika kutusa ba kumina kulifa, kamba nto yeñwi muna ni kueza cwalo . . . Kihande, Ni sepa kuli seo ki sesinde haiba ne mu ka lika ku ba tusa. Mi—mi mupile kalibe. Mi Na—Na ni sepa kuli ku tata. Hakuna muuna yana ni kutwisiso hande ya ka tabela kuli musala hae abe mwahala sikwata, koku nani sikwata sa baana baba sa utwi, ba masila ni zeñwi cwalo. Kono haiba musali akena ku zani, Ni sepa kuli musali ulukela kuba—muuna hae una ni kuziba kuli musali ki Mukreste wa niti ya kona ku sepiwa, musali ya na ni niti mane buiswalo.

¹⁵⁵ Kono cwale, haili ka za kubulela kuli asike a beleka, Hani—Hani zibi. Mwabona, hakuna Liñolo le li kona kuyemela sani. Na fela—Na fela bulela kuya ka muhupuo woo. Kono Ni sepa kuli haiba musali ubata kubeleka mi ubata kubeleka . . .

¹⁵⁶ Cwale, Na ha ni lumelezi basali kubeleka sina mo ba belekela basali mwa liofisi ze cwalo ona baanaba pisinisi bani... Bazwekapili cwalo, baba bulelala litaba za bukuba ka lisheha. Mi musali yomunde, mi ya kenile ha inzi fani, ni litaba za bukuba ze sweli ku suluhela ku yena ona cwalo, Na—Na lwanisa zani ha ni li yemeli. Ni sepa kuli muna ni kuzwa mwa lika ze cwalo zani.

¹⁵⁷ Kono cwale, haiba nji musali wa kona kuipuluka ili yena ka kuba—kuba kalibe wa luli ni kulika kutusa bo muuna hae kueza nto yeñwi ya kufumana—litino cwalo za banana ni kuya kwa sikolo, kamba—kamba kulifa likoloti, kamba nto yeñwi ye swana sina cwalo, mi uka tabela kusebeza kufitela fela... Cwale, yo ha ki Mulena, kakuli Hanina Liñolo neba leli kana ka sona. Ni bulela fela cwalo kakuba muhupulo wa ka; kono ka manzwi amañwi, Hani koni kunahana kuli kakuli musali ubata kubeleka bakeñisa ku yo matamata ni kuba ni—kamba—masheleñi amañata a ku sinya, amata mate, ni kumatela mwa libaka za manwelo a macwala, kamba kunwa, ku zuba, ni kuzwelapili cwalo; Hani sepi kuli musali wa kona kueza cwalo. Ni sepa kuli ulukela kuina kwandu, kulika kuba kalibe, ni ku babalela ndu ya hae.

299. Haiba Jesu mwa bubeli... (Batili!) Haiba Jesu—haiba mutu mwa linyalo la bubeli kokuna bubeli bwa batu ba kauhani... mi—ki (k-u-b-a-k...) kubakela ki kubaka kwa niti, kana muna ni kufeza—kana muna ni kufeza tamahano ya manyalo kuli lika libe hande?

“Haiba—haiba u mwa linyalo la bubeli ko bubeli bwa mina mu kauhani...” Ni sepa Ni alabile kale yani. Mwabona? Eeni, ialabilwe kale. Ko bubeli bwa mina mu—mu... Ni sa zo...

¹⁵⁸ Ni—Ni sepa ne lu sa lukeli kufita mwa lika ze kaufela, sicaba. Nina ni balikani babainzi ona mwahali mo cwana, kwande mwahala sicaba se bao Ni ziba... Si bata ku ni bulaya ha ni bulela cwalo, kono Ni—Ni swanelala fela ku si bulela. Mwabona? Mi lifasi limwa buino bo bu bolile cwalo.

¹⁵⁹ Musali yomuñwi, yo munyinyani, wa kale ha eza mafosisa a kunyalwa ku mutu wa macwala mi—mi kipeto ba ya ona cwalo, kamba muuna yomuñwi ya shebile ha ka inyalela muitamaeli wa mwa mukwakwa a sa zibi, mi konakuli atamehe ku yena musali yo kamba muuna haibile ba sa pila. Yani ki taba ye sabisa. Linyalo ki sika se si kenile.

Linako zeñata banana ba baeza libi ba matanga ni kueza lika ze, mi kipeto ba komoka kuli ki likamañi zeo. Ki—Ki... Na limela, haiba Mulena uka ni lumeleza ku tatulula linyalo le ni telekano ka nzila mo li lukela kubela, Ni sepa kuli i ka toloka litaba zeo hande ka swanelo. Kaufela ki... [Mafelelezo a neku lapili la tepu; neku la bubeli likala ka puzo ye si ka fela hande—Mu.]

300. Lu bona kuli . . . Kiñi ha lu sa lekisi ndu ya luna? Ni itumezi. Luna . . . S.H.A Lu lapezi ni kuitima lico—mi—ku i lekisa, kono ni nako ye ku sa pala.

¹⁶⁰ Kihande cwale, Muzwale kamba Kezeli (ha si ka ñola libizo la hae), kono yo ali yena kaufela, cwale, haiba mulika kulekisa sibyana sa mina mi mu ezize hande sene . . . Mu bata kulekisa mane mwendi kuli muleke nto yeñwi kamba kaufela ze mubata kueza, Ha ni zibi. Haiba maikuto a mina a lukile, mulika kuleka ndu . . . Haiba mu na ni bana kamba lika zeñwi ze cwalo, mu bata ku ba lekela ndu yende kamba nto ye cwalo . . . Hani zibi kuli ki sikamañi kaufela, kono Ni ka bulela cwana: Haiba mulika ku ilekisa, ni kuitima lico ni kulika ku ilekisa, kona kuli mu ibeye ku Mulena mi mulibale ka zona. Mwabona? Kakuli ikona kuba kuli Mulimu . . . Mwakona ku tutela kusili fela, mwendi hakulata ha ku si ka luka. Mwabona?

¹⁶¹ Haiba mu Bakreste mi mu sepile Mulena, kakuli musweli ku itima lico mi ni kulapela. Mwabona? Kacwalo Ni ka li beya fela ku Mulena. Muli, “Cwale, Mulena, haikaba nako ya Hao kuli lu ilekise, Uka luma muleki.” Fohe kipeto i filwe ku Mulena, muzuse mazoho a mina ku yona mi muzwelepili. Ni sepa kuli li ka beleka. Ni bata ku akufa cwale fa, kakuli Ni ya ni felelwa ki nako.

301. Muzwale Branham, kana ku fosahalile kuli musali a tatanise milili ya hae?

¹⁶² Ni talimani kale ni yan. Luli, Hanina taba, mu hulise fela kuba ye mitelele. Mwabona? Ha ni . . . Ni ziba kuli mwa . . . Hani bati fel kueza “lisheha” ni mina basizana. Mwabona? Yeo ki niti. Mu—mu—mu bata ku ziba, mi mwa ni buza. Muna ni sepo ku na kusi cwalo ne musike mwa ni buza ze cwalo. Cwale, Ni na ni sepo ku wena, Kezeli, seo kona se Ni ka mi bulelela, Ni sepa kuli mu ka li mamela.

¹⁶³ Ha nikoni ku fumana Liñolo le li yemela sani. Haiba mwa bata . . . Haiba hamuna milili yeminde, ye tatani mi mu basali, u bata kubonahala hande ku muuna hao, ku nyazi wa hao, kamba yomuñwi ya cwale, Ha—Ha nikoni ku mi bulelela za kutatanisa milili ya mina kamba—kamba ba lil bisa cwani zani, ku ifetula bunsu kamba nto yeñwi? Hani—Hani na sa ku bulela ka sani; fo kuitingile ku mina. Mwa bona? Ni—Ni . . . Mina fela, mwahala . . . Mu buze fela Mulena sa kueza, Uka—Uka mi bulelela sa kueza, kakuli Ni—Ni lika ku toloka lika ze ka Mañolo. Mwabona?

302. Shangwe tatulula Makorinte Bapili 13:8-12. Cwale bakeñisa kuli Linzwi le li petehile li kutisizwe kwa Keleke kikuli—kikuli litimana zeo litalelelizwe nji?

¹⁶⁴ Cwale, Ni sepa kuli se Ni fitile kale mwa lika zeo, nji Cwani? “Mi ze petehile ha li ka taha, za neku leliñwi li ka feliswa.” Paulusi naize, “Ni ha Ni ka bulela ka lipuo za batu ni mangelo, mi Ni eza lika ze kamukana fa . . . Kono cwale ze petehile ha li

ka taha . . ." Cwale, kana kuna ni se si petehile kufita Mulimu? Batili, sha! Kana Mulimu u petehile nji? *Kwa simuluho nekuna ni sikamañi* [Puteho ialaba kuli, "Linzwi."—Mu.] *mi Linzwi nali ku Mulimu, mi Linzwi neli Mulimu.* Linzwi li sa li yena Mulimu. Mwabona? Ku lukile. Mi ze petehile ha li ka taha, za neku leliñwi li ka feliswa.

303. Muzwale Branham, kana ku fosahalile kukuta milili ka kulikanelela fahalimu a toho inge tafule kamba kumbambatela milili kuieza ye likanelela inge toho ya siconkobole?

¹⁶⁵ Na sepa—Na sepa yo ki muuna; Na—Na sepa ki yena. Kihande cwale, basali babañwi baezanga cwalo. Luli. Ne ni ya ka mbasi nako yeñwi hane Ni sali mulisana. Ne ni ya ni kambama kwanu . . . Ne ni ikinezi fani, mi muuna cwana na sweli kuambola cwalo, matinile kuwani ta muciselezi wa lisipi, mi ne Ni sweli kuambola ni yena. Mi na sweli kuya inza zuba kwai, na kambamisize magilasi o ba ninanga baciselezi ba lisipi cwalo. Neli ona kwanu kwa Sellersburg. Mi ne Ni iinzi fani inge ni a mbola ku mutangana yani. Abulela taba yeñwi fani, mi kaufela lwakala kuseha; Na mu nata fa liutu; Na li, "Mushimani, sani—sani luli sa komokisa, nji cwani?"

Mi ne Ni ikinezi fani ona cwalo, mi ni—fokuñwi ki—musali ya na inzi fabuse fani ali, "Bulela, Ruth, kana u ka . . . ?"

¹⁶⁶ Na tinile obolosi, yomukima yomutuna, yo musweu mane inge muuna, ali kuina fani inza zuba kwai ni ku tushanisa musi mwa lingo za hae, Ne ni nahana kuli ki muuna. A to wisa sika *sesiñwi mwendi nel'i* taci cwalo ni kueza sesiñwi, kuli mane ya to nata fa toho ya mutu ni ku to lenga fañi fani, mi a kala ku seha. Na seha ni na mi na mu nata lubaka fa liutu, ne ni nahana kuli ki muuna. Ne ni sa zibi shutano. Ha mu koni ku ba shutanisa. Mi Bibebe ibulezi kuli, "Musali kaufela ya tina sapalo se si lukela kuba sa muuna, ki maswabiswa." Ki fohe cwale.

¹⁶⁷ Batili, Muzwale, haiba mubata kukuta milili fahalimu a toho kulikanyeza inge tafule kamba ku swana inge toho ya siconkobole, Ni ka mi bulelela: mulibelele fela kufitela muhula kuba sina na, mukaba ni mukutelo o cwalo. Kacwalo . . . Zeo li lukile. Ne ni sa talusi zeo kuba cwalo, mulikani. Ifuyolve pilu ya hao haiba u lumela kuli Muzwale Branham u ku bulelela niti. Hani sepi kuli Mulimu a ka bulela sika ka muuna, yena—yena mutinelo wa hae yuemii fela fa kukuta milili ya hae. Haiba uka tuhelela milili ya hae kuhula kuba ye mitelele inge musali, Bibebe ibulezi kuli ki maswabiswa muuna ha ka eza cwalo.

¹⁶⁸ Kono cwale, haiba uka—haibile fela una ni milili ya hao mi u mushimani yomunyinyani . . . Mi Ni ziba kuli se ni bulezi zeñata ka zona: "Mi mina, Maricky, kuba ni mukutelo o cwalo," ni zani kaufela cwana, ni lika ze cwalo, kono Ni—Ni bulela fela cwalo. Mwabona?

¹⁶⁹ Hani sepi—Hani sepi kuli Mulimu wa iseza ngana ka muuna mwa ka iikutela milili ya hae, haibile fela wa ikuta, kakuli toho ya muuna ki Mulimu. Kono toho ya musali ki muuna; kabakaleo, musali ulukela kuli... Mi haiba musali a kuta milili ya hae, u shubula toho ya hae. Mi mane musali ya shubula muuna una ni kulelekiwa kwa manyalo mi a zamaye. Yeo ki niti? Kona kuli haiba nji musali u kukula milili ya hae, una ni—muuna hae una ni tukelo yezwelela mwa Bibebe ya ku mu leleka ka kupila isi ka swanelo—ki mutu ya na ni kaswau. Ki babakai ba baziba kuli yeo ki Niti? Ki zona ze ibulezi Bibebe, kakuli u shubula toho ya hae. Hakuna musali wa kashwau ya tabisa kupila ni yena.

304. Muzwale Branham, fani Isaya hana bulezi kwa bana ba basizana ba Sione (kamba kubulela ku ba, Ni talusa, Ni sepa ne ba talusa kuli “hana bulezi kuli”)—**bana ba basizana ba Sione ka za tusipi twa kwa milili**, kutatanisa milili, mane kufita milili ye kamuzwi hande, sitenda; kufita kuba ni... Kana sani sa zamaelela ni kacenu kamba kikuli Bibebe ya kale haisana mata sina mo ba bulelela babañwi nji?

¹⁷⁰ Bibebe ya kale isa na ni mata ni ku beleka, mi linzwi kaufela leo Mulimu abulezi li sa na ni mata la beleka. Eeni, sha! Taba yeliteni fela ki kuzwa mwa Bibebe yenca kutaha kwa Bibebe ya kale, i bonahalisizwe mwa butuna. Jesu naize, “Mu ba utwile ha ba ize, ‘Usike wa buka’ (nemuna ni ku ba mwa kezo); kono Ni li ku mina, yo kaufela ya ka talima musali ka ku mu lakaza u sa mu bukile mwa pilu ya hae.” Ha ki litaba zetuna cwani zani!

Cwale, Ni na ni ku kwala, balikani. Busihu se buya bu kola nyana. Cwale, yani ki yetelele. Halu boneni haiba Nakona kunga yeñwi fa isili. Halu boneni.

305. Muzwale Branham, kana basali (oh, mawi!) **balukela kulukisa cwani milili ya bona?**

¹⁷¹ Hape, ka mo mubatela fela. Timotea Wapili 2:9. Mwabona? “Basali ba apale ka likute ni ku ishuwa.” **Ni bata kuli—Ni bata kuli nitine ka kutabisa Mulimu.** (Mulimu aku fuyole, Kezeli yomunde.) **Ni itumezi. Mulimu aku fuyole. Lu lapelele.** Mi cwale mutu yo uñola libizo la hae.

¹⁷² Sharon, luli, Kezeli! Mulimu aku fuyole. Tina fela ibile fela kuli ki yetelele, Kezeli. Ki musizana yomunyinyani. Mulimu aku fuyole, Mulatiwa. Ku lukile, Uzwelepili ona cwalo.

306. Kasamulaho Munyaliwa a sa ngilwe kana mwahala basizana ba likuba kukaba yaka piliswa kamba ba ka lateha?

¹⁷³ Batili! Mwabona, lika kaufela likabe li felile kwa keleke ya Bamacaba fo Munyaliwa ha sa ngilwe kuzwa mwa lifasi. Moya wa Mulimu ukabe uzwile kale mwa lifasi: “Ya masila abe ya masila ona cwalo; ya lukile abe ya lukile ona cwalo; ya kenile abe ya kenile ona cwalo.” Ka manzwi amañwi sihalaleho siba

ni musi, kokuna ni—ni Muyemeli wa milatu ha yema ku kupa bakeñisa mulatu. Kreste uzwa mwa sihalaleho; lizazi la Hae la kukupela milatu li felile. Kuungelwa kwa taha; U zwa mwa sihalaleho, uya ku yo nopa Buka ya Kuliulula, mi u amuha lika kaufela Za liuluzi. Hakusana musebezi wa kuyemela lifosi. Ki babakai baba utwisia seo? Ni nani zona ku yeñwi ya Maswayo—kamba yeñwi ya . . . Eehe, ki Maswayo, Na sepa neli yona, kuli Kreste utaha ku to amuhe musebezi wa Hae wa buyemeli bwa lifosi.

¹⁷⁴ Cwale, fa muzuzu fela. “Kana mwalyanjo wa sikuba uka piliswa njí?” Batili! Kaufela se si ezahala musali—kwa ezahala cwale. Kasamulaho wa nako yani umwa hae . . . Cwale, ukaba ni kufita mwa nako ya nyandiso. Mi libaka lateni ki, kuli u hanile Swalelo ka kutala kwa Yona. Yena ki mulumeli, mulumeli ya bizwa cwalo, kono ukaba ni kufita mwa nako ya nyandiso. Bibebe ibulezi kuli, “Mi babañwi baba siyezi, drakoni ya kwa mezi mwa mulomo wa yona mi ya lwana . . .” Mi ki hola yecwañi yeo. Haili . . .

¹⁷⁵ Hakusikaba kale nako mwa linako za kale koo likeleke zani za sihalihali libile hahulu ni tala ya kufumana kolobezo ya Moya o Kenile. Ni—Ni buleta ka Baana ba Pisinisi ya Sikreste. Katundamo, ki ba Presbyterian, ni ba Lutheran, Katolika, ni bao kaufela, ba Baptist ki mianda anda, ba Church of Christ, ba Nazarene, ba Pilgrim Holiness, ba Seventh Day Adventist, mañi ni mañi wa bona ba i cocomeza teñi balika ku—ku fumana . . . Mwabona?

¹⁷⁶ Cwale, ye ki taba ya tabisa. Shangwe musike mwa inga sina tuto, kono kana mwa ziba sa bulezi Mañolo kuli si ka ezahala kasamulaho wa sani? Nako ne se ifelile. Kakuli mu talime, nekuna ni balanjo ba basupa—kamba ba balishumi bene ba ilo katanyeza Munyali, mi licka la bona neba na ni mafula mwa lilambi za bona, licika la bona neba sina. Sani kona siemba sa Mubili se sishwile ni siemba se si pila. Ba ketalizoho ki baba butali, haba ka—muhuwo ha u taha, “Amubone Munyali . . .” kaufela bona ba tukisa—ba zuha ni kutukisa lilambi za bona kuya kwa mulalelo wa linyalo. Kono cwale mwalyanjo wa sikuba hana bulezi kuli, “Amulufe kwa oli ya mina, lilambi za luna za tima. (Mwabona?) Amulufe kwa oli ya mina.” Mi bali, “Haku cwalo, lu kungezi fela ye lu likani lunosi. Amu yo itekela.” Mi hane baile ku yo leka cwalo, Munyali a kena.

¹⁷⁷ Mi muhuwo ha no utwahalile, yona taelo, “Munyali ki yo wa taha,” mañi ni mañi na bata kuitukisa, ona fani kapili. Kana yani ha ki yona hola yeo muñolo hauli fa limota?

¹⁷⁸ “Oh, lu bata kolobezo ya Moya o Kenile.” “Lu bata *se, sani, kamba sesiñwi!*” Kono hane ba saile ku Yo leka, Munyali a taha. Baba butali bakena mwahali, mi ba siyala fande fo ne kuna ni kulila, kubokolola, ni kukweca meno.

¹⁷⁹ Nina ni fela lipuzo zende ona mo ze zamaelela ni taba ye: “Muuna yani neli mañi ni kubo ya hae yana tile fani, yana sina sapalo sa linyalo?” Mi ni lipuzo zani kaufela ze tamahana hande ni sani.

307. Kana mutu wa kona kulifa sa bulishumi ku mutu, kamba kana Mukreste ulukela ku beleka njí?

¹⁸⁰ Luli wa swanelia. Ki yena ya ka beleka, ya swanelia kuba Mukreste.

¹⁸¹ “Kulifa sa bulishumi ku mutu?” Ku itingile kuli mutu ki ya cwani. Mwabona? Yeo ki niti. Mwa Maheberu 7, nako yapili za bulishumi ha li kile za bulelwa mwendi mwa—mwa mayemo ao luna . . . Mulibelete fa muzuzu, Na lumela, puzo ya bubeli. Batili! Uh-uh. Batili! Ya Muzwale . . . Uize, “Lipuzo zepeli za Muzwale Branham.”

¹⁸² Fani . . . Mwa Maheberu kauhanyo ya bu 7, fani Abrahama, hana kuta kwa kubulaya malena, akatana Melekesedeke, a Mu lifa sa bulishumi. Yani neli Melekesedeke, Mulena wa Salema, ili Mulena wa Kozo, ni Mulena wa Kuluka, yene si mutu usili kono kwanda kuba Mulimu Kasibili. Mwabona?

¹⁸³ Kono ha mu lifa sa bulishumi . . . Luli, ko mu lukela kulifa sa bulishumi ilukela kuba ko mufumana lico za mina. “Amutise za bulishumi za mina kamukana mwa ndu ya Ka ya libulukelo, kubulela Mulena. (Yeo ki niti njí?) Mi ha mu Ni like kubulela Mulimu, kuli haiba Ni sa kwaluli mahaulo a Lihalimu ni ku sulula limbuyoti kuli mané mutokwe ni sibaka sa ku li bulukela.” Ni swabisa muuna kaufela kamba musali ya sa lifangi sa bulishumi kuli a amuhele seo.

¹⁸⁴ Ne ni ka yema fa kufitela kakusasana, ku mi bulelela fela sene si ezahalile hane Ni boni sani, ni buino bone Nili ku bona. Kono ka likute fela mo ne Ni ka bela, Ne ni lifa sa bulishumi. Mi hane Ni amuhela mali aka kwa keleke ye ni mwa mikopano ya likundi, Ne ni amuhelanga amañata—Ne ni fa sa bulishumi. Mi kipeto Na ifa kwa bakutazi, ni kufa ze siyezi kwa bakutazi. Mi, hane Ni sa ezi cwalo, mi taba yene Ni eza, Ne ni ipulukela sa bulishumi ni kufa Mulimu ze mashumi aketalizoho ka amane. Mi cwale, mi mulao ha no ni bulelezi kuli ne Ni sa lukeli kueza cwalo, Ne ni nganga . . . Mi hane Ni ezanga cwalo, kaufela ne li na ni kulifiwa ku zona, mi Ne ni na ni ku li amuhela ni kufiteleza mwa mikopano ya bukutazi ni zeñwi cwalo, mi cwale ni kunga tifo nyana mwani yelikani ni ma dollar a mwanda fa sunda; mi kipeto Ni fiteleza sa bulishumi sa ka kwani.

¹⁸⁵ Eeni, sha! Na lumela mwa kulifa sa bulishumi. Ki iliñwi ya limbuyoti za Mulimu ze ye pakilwe kuba mbuyoti. Mu li, “Zani ki za Testamente ya Kale.” Ki ya mwa Testamente Yenca hape! Eeni, sha!

308. Muzwale yomunde Branham, haiba mbututu u pepilwe ki—bas hemi baba kwande a linyalo, kana mwana yo wakona kupiliswa kamba kuya mwa kuungelwa nji?

¹⁸⁶ Kupiliswa? Kiñi kaniti, Ni lumela kuli mwana wa kona kuba cwalo... Mwana hakoni ku ikambusa ku ze ezahalile. Yani ki niti. Kono Ni... Ka za kuya mwa kuungelwa... Kupiliswa, Ni ka bulela kuli, "Eeni." Kono mwa kuungelwa ki peu ye lelilwe isali kwa makalelo ye ka ya mwa kuungelwa. Mi ha Ni koni kulumela kuli boozwa neli peu ye lelilwe pili isali kwa makalelo. Mwa utwisisa? Mwabona? Ni lumela kuli batu bakona—mbututu wakona kupiliswa; hana—hana tukelo ya hae anosi. Ki kezo ye maswe ni lika zeo.

¹⁸⁷ Kono cwale, mwa Testamente ya Kale mbututu ha na pepwa ali mwana wa mwa bonyazi, na sa keni nihaiba mwa kopano ya Mulena ka masika a lishumi, myaha ye mianda yemine ni yeñwi cwalo, sikuto sani neli se si maswe hahulu. Munahane fela ka zona. Mbututu hana mulatu, ki muikulu, wa muikulu wa kale, munahane fela, mbututu wa muikulu, wa muikulu, wa muikulu, kwa baikulu ba balishumi na sa kenangi nihaiba mwa kopano ya Mulimu. Yani ki niti.

¹⁸⁸ Kono mwa bona, nekusina sika kwani sene si kona kuswalela sibi. Mali a Testamente ya Kale na sa swaleli libi; na apesa libi. Kono Mali a Jesu Kreste a si kauhanya. Zani za shutana ka cwale. Kakuli Mali a Jesu Kreste ha taha, kuba shutano.

309. Muzwale Branham, lu bata kuba bukaufi ni Liñusa la hao ka mo ku konahalela. Kana lu tutele kwa Arizona kamba Jeffersonville?

¹⁸⁹ Muipime mina bañi, neku leliñwi. Kaniti Na mi lata, Hanina taba kamba maya kai, se mueza. Kono cwale, ka kuba kelezo, Ni lumela kuli Ne ni kaya kwa Jeffersonville. Haiba mu ka tuta nihakuli cwalo, Ne ni ka tutela Jeff. Ni sepa kuli Ni banga kwanu kufita mo Ni belanga kwa Arizona. Fo ku lukile.

310. Muzwale Branham, kana—kana hakusana nako ya ku kutaza kwa baezalibi ni hanyinyani?

¹⁹⁰ Batili! Batili! Musike mwa ba ni ze cwalo mwa munahano wa mina, muzwale. Muzwelepili ku yaha ndu. Muzwelepili kueza lika kaufela ze mu kona. Mutundamene fela kufitela mu bizwa ni kuikela. Mwabona?

311. Puzo ya bubeli. Kana baba pilisizwe ba ikambusange kwa baezalibi mwa milapelo? Kana baba pilisizwe ba ikambusange kwa baezalibi ha ba na ni milapelo?

¹⁹¹ Hani zibi luli so talusa ka seo. Haiba u talusa baezalibi sina kwande mwa... Mu lapela Mulimu kai ni kai kaufela. Kono Ni sepa kuli hane lu ka kopana, lu kaba cwani ni keleke, kakuli baezalibi ba tahanga mwa keleke mi ba ina kwa tuko

ni Mukreste. Musike mwa i kauhanya kwa sika kaufela kwanda sibi, isiñi muezalibi. Amunge muezalibi haiba mwa kona, kono musike mwaba ni siemba kwa sibi sa hae.

312. Kana musali ya pilisizwe a timange muuna hae haiba ki muuna wa muezalibi?

¹⁹² Batili, sha! Batili, sha! Yo ki muuna hao. U ka mu kasheza kwahule ni Mulimu kufita sa pili ka kueza cwalo. Mwabona? Yeo ki niti, Muzwale, Kezeli. No nyewzi ku yena; ki wa hao, mi wena u wa hae.

313. Muzwale Branham, taluso ya kauhano ki ifi? Kana batu ba lukuluhile kunyala kamba nji le ki linzwi fela leliñwi la telekano? Ni tabela kuba ni zibiso nyana fa tabe ye.

¹⁹³ Luli ba nyalani. Haibile fela ba ba ni buitamo bwani, ba nyalani. Kuswana fela inge mushimani, haiba nji mushimani usepisa musizana ku mu nyala ka kusepahala kwa luli, u tamehile ku musizana yena yoo. Kuswana fela mane inge sa munyezi kale. Taba fela yeo mulao u eza, ki ku mifa fela—fela pampili ya litukelo za kuli mupile hamoho kwa ku sa ba muuna ni musali baba nyalani kusina sinawena. Kono cwale muuna ha bulelala musali kuli, “Ni ka ku nyala, Mulatiwa; Ni ka ikungela wena kuba musala ka. Kikuli uka lumela . . . ?” muuna kele a nyala ona foo.

¹⁹⁴ Buitamo bwa mina bu kenile; kona sika se si mi nyalisa ona cwalo. Hakuna mukutazi ya kona ku mi nyalisa, hakuna muatuli wa kuta, kamba sika sifi kaufela; ki buitamo bwa mina ku Mulimu ni ku yena muuna yoo. Ha mu sepisa, ki kale mu nyala.

¹⁹⁵ Mutualime. Mu li, “Muzwale Branham, ku cwalo . . . ? Mu li . . . Mu bulezi kuli ni alabe fela zeo ka Bibele.” Kana mu bata Bibele ka zona? Mu nanule mazoho a mina haiba mu bata cwalo. Cwale, luna ni mwendi mizuzu ye silezi kamba ketalizoho ka ze taalu. Ku lukile.

¹⁹⁶ “Josefa, muuna hae, ka kuba muuna ya lukile (muuna hae yana mu beeelize, na bizwa kale kuli seli muuna hae) . . . Josefa, muuna hae, kakuba muuna ya lukile, na ‘fumba’ ku mu leleka kwa tuko; kono ba si ka taha kale hamoho, musali afumanwa kuli ubeilwe fa mezi amanca ki Moya o Kenile. (Mwabona?) Mi Lingeloi la Mulena la bonahala ku yena mwa tolo mi lali, ‘Josefa, wena mwana Davida, si sabi ku ikungela, Maria, musala hao.’” Ba nyalani kale, na sa mu sepisize kale.

¹⁹⁷ Mi ka . . . Mi kalibe yomunyinyani, haiba u itumelela ni sepisa ku nyalwa ku mushimani yoo, u tamehile kueza ona cwalo. Haiba u nyalwa ku yomuñwi kasamulaho wa buitamo bwani, cwale uka—kuzwa cwale kuya kwapili ni hakuba cwalo—u ka pila mwa bubuki. Mi amulemuhe, ki taba ye swana ni ku mushimani ya sepisa musali . . .

¹⁹⁸ Musike mwa lukululanga fela buitamo bwa mina ku mutu kaufela konji haiba mu talusa ku kumalela teñi. Muhupule, yeo kona Bibele ka yona. Josefa na sepisize kunyala Maria. Mi ni Mulimu abulela kuli sani nesili cwalo... .

¹⁹⁹ Mubale milao ya Testamente ya Kale ka seo. Mwabona? Mulao wa Testamente ya Kale, hane mu ka sepisa kunyala musali, mi mu to nyala usili, ne mu ka bukanga; mi kipeto li mi nepela kwande a kopano. Eeni, sha! Mu na ni kubuluka buitamo bwa mina ha mu sepisa musali yoo. Yena ki sibiana se si kenile se si likani, mi ki yena ya lukela kutisa bupilo bwa bana mwa lifasi hape. Kacwalo ha mu ka mu sepisa, muna ni ku mu nyala.

314. Kana hakusana tuso ya kubanga ni lisebelezo mwa litolongo ni misebezi ye cwalo ka bupaki bwa kulika kupilisa myoyo? Hape kana mutu wa swanelia kulekisa za luwile kaufela ka nako ye, kakuli Mulena wa taha cwanoñu?

²⁰⁰ Kihande, ku cwani—ku cwani mo mu... Ni sepa ha Ni si ka bulela sesiñwi se si ka eza kuli mulumele ze cwalo. Nji Ni bulezi? Haiba Ni bulezi, mu ni swalele! Hani talusi ku... Mwabona? Musike mwa ikupulela fela lika zeo. Muzwelepili fela kuya, kukutaza, kuba ni lisebelezo mwa litolongo, kubiza mutu kaufela, mi musike... .

²⁰¹ Mutualime kwanu. Ba Seventh Day Adventists kwanu ha ki kale hahulu, mwendi ki myaha ye mashumi aketalizoho kamba a silezi kwa mulaho, Ne ni li boni mwa mutende wa ba *Courier-Journal* (Ni na ni wona kokuñwi mwa sibulukelo sa mapampili), ki pampili yetuna ya ba *Courier-Journal*, kone basweli kuyumbaka mafufa a kale, kone ba bizwa kuli ba Millerite ba si kaba kale ba Seventh Day Adventists. Mi neba na ni pampili mutumbi mwa mutende wa ba *Courier* kwani kwa Franklin, Kentucky, hane ba lekisize libyana za bona kaufela ni kuba ni... Ne ba tomile lizazi leliñwi, ba li paka kuli ka Mañolo—Jesu na ka taha lizazi lani—mi bayá kwani ba lwezi liharepa ni lika zeñwi, mi baina fahalimwa lilundu. Lizazi lelitatama kakusasana la pazula, puka ne se izusize mafufa ani kaufela, mi ba kuta shomwaa. Mwabona? Ki litumelo ni lika zeñwi.

²⁰² Musike mwa lumela ze cwalo. Jesu hakulata hakoni kutaha ka myaha ye mwanda kuzwa fa. Ha ni zibi nako Ya taha. Hakuna mutu ya ziba nako Ya taha! Kono Ni ka lika kukutaza ka tundamo ni kueza lika kaufela ze Ni kona kufitela A taha. Haiba Ha yo fa kacenu, Ni ka Mu libelela kamuso. Haiba Ha yo fa kuisa—sunda ye, Ni ka Mu libelela sunda yetaha. Haiba Ha yo fa mwa myaha ye lishumi yetatama, mi Ni pilo, Ni ka na ni Mu libelela mwa myaha yetatama ye mashumi amalalu. Mwabona? Ni ka zwelapili ni nze ni libelela. Hani zibi nako Ya taha, kono Ni bata kupila ka niti kwa Linzwi la Hae ni ka nti kwa sicaba

sa Hae, ni kupila sina Mukreste, ni libelete kutaha kwa Hae. Mwabona?

²⁰³ Muzwelepili kukuta lisebelezo za mwa litolongo, kunga mutu kaufela kuli apiliswe mo mu konela. Hani zibi nako Ya taha; hakuna mutu ya ziba. Kono Ni ka bulela nto iliñwi ye. Se kona se Ni lika ku mi bulelela, mi Ni sepa kuli ha mu beyi toloko ya mina bañi... Ha ni omanya mutu yo cwale. Mulimu aku fuyole Muzwale, Kezeli, kamba ki wena mañi kaufela. Ku bonahalile inge ki mutu ya zwelela kwande a tolopo, kakuli neli fa—neli fa kadi ya poso, Na sepa, kuzwa kwa Denver, Colorado, mi... Eehe, Pike's Peak, Colorado. Konakuli ilukela kuba mutu yomuñwi ya ilumile ka ku posita, kono seo—seo si lukile hande. Wa kona kuba ni tepu.

²⁰⁴ Kono ha lu hupuleñi, musike mwa scinca sika, kono ki linzila za mina fela kwa sibi ni kusikuluhela kwa kuluka. Muzwelepili fela mwa musebezi wa mina, kuzwelapili fela ku ze swana. Kaufela baba utwisia seo hande muli, “Amen!” [Puteho ialaba kuli “Amen!”—Mu.] Mwabona? Mueze seo cwale!

315. Muzwale Branham, mwa Mateu 12:40, i bulela kuli, “Sina Jonasi hanali mwa—mazazi amalalu ni masihu amalalu mwa mba ya tapi; kona mwa ka bela ni Mwana mutu mazazi amalalu ni masihu amalalu mwa tasi a mubu.” Ku konahala cwani cwalo kuli ba bulele bali...kacenu bali Na beilwe mwa libita la Bufaifi manzibwana ni kuzuha la Sunda kakusasana, ili kuba fela masihu amabeli ni zazi liliñwi?

²⁰⁵ Cwale, haiba mu lemuha, ibulezi kuli, “Sina mone kuinezi” (mwa bona?) mwa mazazi a Jonasi mwa na bezi mwa mba ya tapi mazazi amalalu ni masihu amalalu. Ki mwahala mazazi amalalu ni masihu amalalu, mwahala ona mazazi a malalu ao ni masihu a malalu, kakuli hamukoni kueza kuli Mañolo abulele buhata. Mupolofita naize kuli, “Hanina kutuhelela ya kenile wa Ka kubona kubola, kamba nihaiba kuli Ni siye moyo wa Hae mwa lihele.” Mi kubola kukalisa mwa mubili wa mutu kasamulaho wa lihola ze sebente tu, yeli mazazi amalalu ni masihu amalalu. Fokuñwi ona mwahala mazazi amalalu ani ni masihu amalalu ao—U lukela ku zwa mwa libita.

²⁰⁶ Konakuli ka kuba mazazi amalalu ni masihu amalalu, ha ku talusi kuli ina ni kuba ona cwalo; ki nako mwahala mazazi amalalu ao ni masihu amalalu. Nana ni ku zuha, kakuli sipolofita ha si koni ku lyangana, kuli kube...Na sike kubona kubola mi na ka bola kambe Na ka ina kulikanyezeza ona nako yani.

316. Muzwale Branham, haiba muuna unyezi mi ulukuluzi (Ha ki nto ye maswe yeo, mwabona?, ki zeñata hahulu? Cwale, Hani buleli ka kulwanisa sicaba; kona zeli mwa minahano ya batu. Luli, ba katalizwe. Kuungelwa, batu ne ba sa li

nahananga hahulu zeo; nekusina hahulu zeñata ka zona. Kono cwale, ke li tala lifasi. Mi batu ba bala lika mwa Mañolo. Mi sicaba, baketwa, kwande kwani bataha ku to li talimisisa. Mi ba li bona, mi ba sephahaha. Ba bata kuziba. Leo kona libaka ha Ni bata ku alaba ka zibo luli ku zona ka mo Ni konela ku mi fa zona.)—sa **nyezi mi u lukuluzi ni kunyala musali yana nyalwanga kono u lukuluzwi mi kipeto unyalwa ku yena, mi bababeli ba bakona—bakona...kunyalana fa pila Mulimu...kana fapila Mulimu ba nyalani nji? Mi kana bubeli bwa bona kamba alimumu fateni wakona kuba mwa kuungelwa nji?**

²⁰⁷ Cwani? Ha ni zibi. Ha ni koni kuku bulelela. Puzo ki kuli, “Kana bao bakona kuungelwa nji?” Ba lukululani, yomuñwi ni yomuñwi ba lukululani, yomuñwi ni yomuñwi una ni mulikana hae ya sa pila, mi ba nyalana hape, bubeli bwa bona ba nyalana hape. Mi cwale, alimumu yoo... Musali yo una ni muuna ya pila; muuna yo una ni musali ya pila. Mi cwale, bana ni bana ni zeñwi cwalo mi babata kutaha ku Mulimu. Kikuli bakona kuya mwa kuungelwa? Zeo lika itinga ku Ndate ya kwa Lihalimu. Na hanikoni ku i alaba yeo. Mwabona?

²⁰⁸ Ni—Ni boni nto iliñwi. Bibebe ibulezi kuli ba ka bizwa kuli ki babuki. Mi Bibebe yeswana ibulezi hape kuli, “Mubuki hana kukena mwa Mubuso wa Lihalimu.” Kona fela ze Ni kona kubulela. Na—Na ziba, sani sa ni bulaya ka kubulela cwalo, kono ha Ni koni kubulela konji fela seo Linzwi li si bulela. Ni lukela kuina ka sona. Ni sepa kuli zeo kaufela li fosahalile. Kuna ni libaka mwa Bibebe...

²⁰⁹ Hani mi elezi. Shangwe, ni mi fe fela Liñolo nyana. Shangwe, shangwe musike—musike—musike... Haiba mu pila ka tabo ni bo muuna mina, mupila ka tabo ni bo musala mina, shangwe mupile ona ona cwalo. Mukaeza cwalo nji? Fela—fela mueze, kakuli Ni mi bulelezi cwalo, musike—musike mwa siya bana babanyinyani bani kusina lapa ni lika ze cwalo. Mulimu u ezize kuli kube kukutisana mwa libaka za batu bona—bona—bona bene ba eza lika ze fosahalile. Mwa hupula, Jesu na bulezi ka Davida fani hana lapile, na keni mwa tempele ya Mulimu ni kuca sinkwa sa silalo, sene si lukela kuba fela sa baprisita, mi ha fumanwi asina mulatu. Muprisita ni yena na nyefula Sabata ka la Sabata mi ufumanwa asina mulatu, kono yomutuna kufita Sabata nali teni fa. Mwabona? Kwani... Ni... Halu—halu li beyeni fela ku Mulimu, ni kuzwelapili, ni kupila fela ka nzila ya... Fela—fela mupile Kreste cwale.

²¹⁰ Halu boneni, kwa kona kuba kolo ya kukena mwateni. Musike mwa eza... Mafosisa amabeli hakoni kufetuha bunde. Muzwelepili fela kupila mo mu inezi—haiba mu tabile hamoho. Mwendi mwakona kuba ni mulikani ya fosahalile. Ni ka bulela taba iliñwi ye: haiba muna ni mulikani ya fosahalile ku musala

mina yoo—mwa bupilo boo, hamuna ku yoba ni yacwalo mwa bupilo bo butaha. Mafosisa kaufela aka lukiswa.

317. Kana balumeli kaufela baba pepilwe sinca bakaya mwa kuungelwa?

²¹¹ Batili, ki bo masialeti fela, ki bo masialeti fela, ha ki balumeli kaufela baba pepilwe sinca. Bibebe ibulezi kuli, “Mi baba siyezi kwa bafu ne ba si ka pila myaha ye sikiti hape,” mi ki ha ba zuswa ni ku kauhanyiwa, lingu kuzwa mwa lipuli. Ha ki kaufela baba pepilwe sinca baba ka ya . . . kuya ka Mañolo.

318. Bupaki ki bufi bwa kuli mutu utalizwe ka Moya o Kenile ka niti?

²¹² Joani 14:26: U ka . . . “Mi Moya o Kenile ha u so tile (mwabona?), U ka mi bonsa lika ze sa taha.” Mwabona? U kaba yena . . . U ka petahala lika; “za kuipangela” halina kubeleka; mi Yena ki Linzwi. Mi Yena Moya o Kenile ha sa tile, U ka itibahaza Iliyena ku mina ka Mañolo. Mi seo ki sisupo sa niti kuli Moya o Kenile u ku wena, kakuli Ki lona Linzwi.

²¹³ Cwale mutualime! Kucwani hane mu ka bulela ka malimi? Ni bata fela ku mi buza sani. Jesu na bulezi kuli mi Moya o Kenile ha u ka taha so No ka eza. Mi kucwani hane mu ka bulela ka malimi, kutulaka mwahalimu nifafasi, kuhuwa, ni lika zeñwi kaufela, mi ni kutaha kwa Linzwi; mi Ni ka mubulelala kolobezo ya—ku mi bonisa Mañolo sina mo Ni mi boniseza, kuli kolobezo ya malumbatina a Ndate, Mwana, ni Moya o Kenile ki ku sa utwisisa kwa Mañolo—hakuna mutu ya kile a kolobezwa sina cwalo—kono mina muzwelapili ni ku li cilanisa ona cwalo? Kana mu ka ni bulela kuli Moya o Kenile ku mina wakona kueza nto ye cwalo? Kana Ukona cwani kulatula Linzwi la Ona kasibili?

²¹⁴ Ha Ni mi bonisa se si lukela kunga sibaka mwa lizazi le, kuli mane Mwana mutu uka ipatulula Iliyena, ni So ka eza, ni Mañolo amañwi a kaufela a bile teni cwale, ni ku Mu bona inza taha kushetumuka ku to li zibahaza, kono mina mu kumalela kwa kopano ni kubulela kuli mu pepilwe sinca? Kana mwakona kubona kuli kuna ni ngana ku zeo nji?

²¹⁵ Kana Na kona kubulelala musala ka kuli Na mu lata, mi—mi ni zamaye ni musali yomuñwi, ni kumata kafa ni kafa, mi ni ku mu bulelala kuzwa mwa pilu ya ka kuli Na mu lata? Kana mu nahana kuli lani ikaba lilat la niti? Kana musali na ka ni bulelala kuli wa ni lata, mi ha Ni siyo ni ile ku sili, yena ukala kumata mata ni muuna usili?

²¹⁶ Sani kona sa na ezize Isilaele ona cwalo ku . . . Mwa ziba Bibebe fani, mwa Na bulelezi, kuambola . . . Isilaele, naize, “U bapuzi mautu a hao ni ku amuhela muuna kaufela yana ifitela, mi u bapalile siemba sa buhule ni Na; mi Ni ka ku leleka ka telekano.” Luli! Ki sikamañi sani? Musweli ku bukela mubili wa mina luli. Mi cwale musali ha zwela kwande ku yo pila ni muuna usili, kamba muuna ni musali usili, ha ba nyalani ku

mutu yomuñwi yani, bao basweli fela kusilafaza mibili ya bona. Mi cwale mutu ha bulela kuli ki Mukreste kono uhana kuli Mañolo ha yo cwalo, usweli kubukela mwa Mubili wa ipapata kuba ku ona. Mwabona? Kacwalo ye ki swayo ya antikreste, kuli mane i ka puma ni bona ba Baketilwe haiba ku konahala.

319. Muzwale Branham, kana ku lukile kuli—kuli mwana na atine malukwe kamba tuputula?

²¹⁷ Mwanana ya kuma kai? Mube muatuli wa zeo mina kasibili; haiba mu Bakreste. Musizana yomunyinyani kamba mwana ya sa hulile nyana, Na hakanyeha, Ha ni zibi, Ni... Nto fela ye Ni ziba, Bibele ibulela kuli ki maswabisa kuli musali atine sapalo sesi lukela kuba—kuba sa muuna. Mwabona? "Musali," ha isiña bulela kuli, "mwana." Kono cwale, Na fela... Mu ipime mina bañi ka seo, Ni... Kwa siemba sa ka, Hakuna se ni bona se si maswe ku mwana ya sa li mwana, kasizana nyana ka myaha ye mine kamba iketalizoho ya kupepwa ni... Haba sa li babanyinyani, mwa ziba ze Ni talusa, ba matamatanga fande mwa patelo mwani. Haiba u tinile, ze mu biza kuli tulukwe kamba sikamañi kaufela, usali mwana yomunyinyani, Na—Na hani boni se si fosahala ka sona. Mwend... .

²¹⁸ Mwabona, Ni mi bulela fela seo Linzwi li bulela. Ki maswabisa kuli musali a apale sapalo se si lukela kuba sa muuna.

320. Kikai ko lu lukela ku kopanelia hamoho? Mi no bulezi kuli lu kopanele kwa Litolombita.

²¹⁹ Na lumela, mulikani, Kezeli, yo ali yena kaufela, mu—mu lyangani. Ne ni sika bulela kuli mu kopanelia kwa Litolombita. Ne ni bulezi kuli Isilaele na kopanelia kwa Litolombita, isiña Munyaliwa wa Bamacaba. Batili, batili! Litolombita, kuliza kwa Litolombita Zesupa ne lina ni ku kubukanya Isilaele (ki babakai baba ziba cwalo?) kuzwa kaufela kwa... Eehe, isiña ba... Batili, batili! Uh-uh! Batili, isiña—isiña—isiña Isilaele. Kacwalo, ha ki cwalo... Ha lu kopanelia kwa Litolombita ni—ni—ni Munyaliwa ha bi teñi. Litolombita litaha kasamulaho wa Mukiti wa Pentekota. Mwabona? Mi ni kuungelwa kwa taha... Mi sani... isiña puzo ye cwale.

321. Muzwale Branham, haiba una ni nako shangwe tatulula Mateu 10:41. Ni tabela ku ziba mupuzo wa mupolofita ki sikamañi?

²²⁰ Kihande cwale, Jesu nabulezi kuli, "Yo kaufela ya ka amuhela mupolofita ka libizo la mupolofita, u ka amuhela mupuzo wa mupolofita." Mupuzo wa mupolofita ki kuba mulikana mupolofita. Yo kaufela ya ka amuhela mutu ya lukile ka libizo la mutu ya lukile, u ka amuhela mupuzo wa mutu ya lukile. Kana ki niti yeo? Mi haiba ba bata kuziba mupuzo wa mupolofita, ki kuba mulikana mupolofita. Mwabona? Wani kona mupuzo. Ki mulikana hao.

²²¹ Inge musali wa kwa Shuneme, fokuñwi ikona kutaha ka kuswala. Mwabona? Ne kubile cwalo. Mwabona? Mutualime batanga ba Mulimu.

Oh, mawi! Cwale, luna lu... Ni—Ni lukela fela kukwala, mulikani, Ni—Ni toile kueza cwalo, kono mutualime fela fa, mutualime fela fa, mianda anda. [Muzwale Branham u susuezwa ki kopano kuli a alabe nihaiba iliñwi fela—Mu.] Batili! Kono—Na ziba, kono mubone, Na—Na mi lata ka kubulela cwalo, koni Ni nahana ka batu baba shebile baba ka koboca limota limaili ze mianda anda busihu bwa kacenu. Mawi, bani fela ki—kuna ni babañata fela mwahali mwani, Na...

322. Muzwale Branham, Ni tabla kuziba ka za puso ya Mileniamu. Kana ki kasamulaho wa Mulalelo wa Linyalo, kamba—kamba kana ki fa lifasi, kaufela zateni mwa butungi. Hani—hani utwisisi ka zona.

²²² Kihande, Muzwale kamba Kezeli, ku tata kuli ni utwisise, ni na kasibili. Kono nto iliñwi fela ye Ni kona kubulela ki ye: kuli Mulalelo wa Linyalo utaha kusikaba kale puso ya Mileniamu.

²²³ Cwale, mwabona, yomuñwi, Ni ziba kuli yomuñwi mwahali mo una ni puzo ka zeo, ye bulezi kuli, "Muzwale Branham, u—u fosize ka taba ya lisunda ze mashumi a supa a Daniele. Kukaba ni lisunda ze mashumi a supa." Batili, Mesia nana ni kutaha ku to polofita, mi mwahala lisunda ze mashumi asupa zeo, lisunda ze mashumi asupa, zeli lilimo zesupa, Na lukela ku—Na lukela kubulaika kuzwa ku baba pila mi aeziwe sitabelo. Ki babakai baba hupula cwalo? Ku lukile. Cwale ki lilimo zekai kanti za na kutalize Jesu, yena Mesia? Zetalu ni hafu. Konakuli ku sa na ni hafu yeñwi ye sa libelezwi.

²²⁴ Mi mwa Sinulo kauhanyo ya 11, bapolofita bababeli ba, ba polofita mazazi a eza wani sauzañde tu handeleti ni a mashumi asilezi. Myaha ye milalu ni hafu iliñwi isa sepisizwe ku Isilaele fo Munyaliwa wa ku Bamacaba ha sa ile. Ki babakai baba utwisisa seo cwale? Mwabona? Ku lukile, ku lukile.

323. Ye ki... Ni na ni musebezi wa kutatehangalico mi ni tatehelanga bana ba sikolo se si pahami hahulu. Kuzwa fo ni tezi kwa Liseli, Ni isize mushini wa kubapalisa tu mbola ka kuposa mi ba (sipongisi sa lipina; se bana ni) j-bokisi kwande. Mitangana ya sanana ba zuba mi ba bata lipina za rock-ni-roll kulila fa—fa silimba. Ni kwalulanga fela mwendi lihola zene ka zazi. Ha ni—Ha ni lumelezi kuzuba kamba kunwa, kono Na bilaela ka kuba ni sibaka se.

²²⁵ Mwa ziba, boo kona butata. Mwabona? Taba yateni ki kuli, wena una ni—una ni—mwendi una ni kueza cwalo fa ku ipiliseza. Kono wa ziba seo zene si ka eza ku na? Zeo ne li ka Ni utwisa kuikalelwa Ne ni ka palelwa... Ni—Ni—sani... Wa kona ku zwelapili ona cwalo, kono sikhata nyana sani sa "Maricky"

mwahali mwani inge basweli kueza cwalo, ni “Maricketta,” Neni—Neni—ne si ka ni sitanisa. Mwabona?

²²⁶ Mi Na mi bulelela; Ni—Ni. . . Kambe ne ikaba ya ka, Ne ni ka ziba se ne Ni ka eza. Ni kali, “Mu tuhele seo kamba kuzwa kwanu.” Mwabona? Ne ni ka ba ni musebezi o swanelo mwa sibaka kamba ku sa ba ni ze cwalo ni hanyinyani. Kono wena, haiba una ni kueza cwalo kuli iuipiliseze fateni, Hani lati ku tokwa kuku kuteka, Muzwale kamba Kezeli. Ni—Ni ziba kuli kutata kubulela lika ze; kono zani—zani fela. . . Ha ki swanelo (mwa bona?), kakuli ne ku bonahala inge mufuta wa. . .

²²⁷ Inge yomuñwi yana bulezi kakusasana kacenu ka za ba hame ba luna ha ba tina mandelesi a ma kuswani, basali baba hulile ba luna, neli mutala o maswe kwa basizana ba luna baba nyinyani. Ni sepa kuli zeo li lukile ni zona. Mwa bona?

²²⁸ Mi Ni nahana yona taba yeswana yani. Ha ba mi bona mwani ko kuna ni musi ni zeñwi cwalo, mi muziba bupaki bwa mina, ni matapa ao kaufela ni—ni kumata mata cwalo ona banana babanyinyani bani, ni bona basweli ku kibakiba ona cwalo, mi hakuna se mu bulela ka sona, ki nto ye maswe ka bupaki bwa mina. Mu eze kaufela zeo Mulena aka mi etelela. Ni lapela kuli Mulimu ami etelele kuya ka nzila ye lukile.

324. Haiba (m-u-s-h-a-b-a-t-i-...) **kuyema mwa mukoloko fa kukena mwa keleke ikaba fela kupuzo, ki sikamañi se si ka ezahala haiba ha luna kufita mwa nyandiso ya balumeli? Kana lukaba ni—ni kubona—zeswana—ni kunyanda?** Haiba haluna kubona. . .

Mwabona? Ni. . . Puzo ye ki yona ye luli. Ni lika ku akufa; Hani—Hani—Hani lukeli kueza se. Ni lukela kubeya ze kwa mulaho, kakuli kuna ni sibaka se mukona kuina kusona ka hola mutumbi (mwabona?) mi ki—ku si pazula fela. Ni ka—Ni ka tuhela.

²²⁹ Mutualime. Batu ba bata kubulela seo, ka kunahana kuli basweli—Keleke ika fita mwa nyandisa ya balumeli. Mwabona? Haina kufita mwateni; Haina kufita mwateni (mwabona?), kakuli I se iliuluzwi kale.

²³⁰ Cwale, keleke, haili—haili balumeli ba sihalihali inge Lota, baka fita mwa nako ya nyandiso ya balumeli (mwabona?) ni kupiliswa inge mone kubezi ka mulilo. Nuwe na fitile mwa nako ya nyandiso ya balumeli, a shimbiwa fahalimwa yona, azwa ni Kama yana tilo sinya sifasi hape. Mwabona? Lota na zwile, bana ba hae tota ba basizana ba lobala ni yena, mi apepa bana ni ka bana ba hae tota ba basizana. Mwabona? Kono Abraham aapepa Peu ya Silena, aapepa Peu ya sepiso. Enoke aya kwa kanya mwa kuungelwa, na itamaela fela mi aikela kwa hae. Na si ka ba ni kufita mwa nako ya nyandiso ya balumeli. Mwa bona?

²³¹ Ki fohe cwale. Mwabona? Ha ku yo cwalo, Bibele haikoni ku ba ni mufuta. . . Mi mifuta haikoni ku palelwa. Mwabona? Ha

ibuleli kuli Munyaliwa . . . Cwale, keleke ika fita mwa nako ya nyandiso ya balumeli.

²³² Cwale, sicaba sili, “Ku cwani he ka baba kenile ba pili?” Kwani neli kucinca kwa nako. Zani neli mwatasa nyandiso, ili kambe nemuliteni fa ku to utwa za *Masika a Keleke* ye, ni kubona mo ne ba zwezi kwa lififi la kwande ni kueza ona cwalo, kona kuli seo si bonisa kone bana ni kuisa nyandiso yani, kakuli yeñwi ni yeñwi kaufela ya masika a likeleke ni lika kaufela likala kubonisa kuli ne liya li unsufala mwa bunsu ni bunsu, kufitela ha li yo ba mwa sibaka sene ba latuzi Libizo la Hae kufeletelela ni ku ikungela libizo lisili kuli ba pila kanti ba shwile, Sardisi. Mi cwale se itaha ku to tumuka, mwa Tiatira ni Sardisi, mi kona ku to zwelela kwande kwani—mi ya kala kuzwela kwande ku to fita kwa Filadelfia ni zeñwi cwalo, ni kutaha mwa nako ya kubizwa kwa Munyaliwa yana lukela kubanduka sinyeho kaufela. Neli swanelo kuli isabe kwa sinyeho ye kaufela ni buhali bo bu lukela kutaha fa lifasi, kuli mukone kuswanela ku banduka ku zona, isini kuya ku zona, kusaba kwateni. Mwabona? Mwa utwisisa cwale, kaufela mina? Mwabona?

²³³ Keleke, kuenya fela, sika kaufela kwanda Munyaliwa ya ketilwe si ka fita mwa nako ya nyandiso ya balumeli. Habana kuzuha mwa zuho ya pili: “Babañwi baba shwile ne ba si ka pila ka myaha yetatama ye sikit,” kono ki baba lelilwe fela, ku lemuhiwa kuzwa kwa makalo, Munyaliwa ya ketile, baketwa ba Mulimu kasibili. “Ki bafi bao, Muzwale Branham?” Ha ni zibi. Ha ni koni ku mi bulelela kuli ki bafi, kono Ni ziba kuli bakaba teñi, kakuli Mulena naize bakaba teñi. Mwabona? Ki bona baba ka zwa mwa nyandiso ya balumeli, kono babañwi ba bona kaufela ba ka fita ku yona, ku shetumuka, mi lika kaufela lika bulaiwa kusika ba kale puso ya Mileniamu. Konakuli ba—ba lukile baka zwa mwa puso ya Mileniamu mi ba to pila myaha ye sikit.

²³⁴ Mi kasamulaho wa myaha ye eza sikit, kona cwale kukataha katulo ya Lubona lo Lusweu, mi cwale bafu, bubeli bwa baba lukile ni baba maswe ba ka zuha. Mi libuka za apulwa, mi Buka ya Bupilo ya apulwa; cwale ba bakenile, Musali ya nyezwi ni Muuna hae, baina ni ku atula lifasi. Mi cwale ku ka talelezwa pulelo yakuli: “Mi Uka atula macaba kamukana ka mulamu wa sipi.” Macaba kaufela aka yema fapila Hae kwani, mi Uka ba atula ka mulamu wa sipi. Uka kauhanya lingu kwa lipuli ni kubulela kwa lipuli, “Amuzwe,” mi lingu, “Amutahé, mina ba ba fuyozwi Ba Ndate.”

²³⁵ Cwale he, kukaba ni mukopano wa baba kenile fa lifasi mubu. Mi Satani uka tamululwa kuzwa mwa tolongio ya hae ni ku yo lwana ni baba kenile, ona cwalo fela mwa na ezelize mwa Kanya kwa makalelo. Mi cwale Mulimu uka nelisa mulilo ni sulufula kuzwa mwa lihalimu, mi lifasi kaufela li ka zuswa sina . . . Li ka tuka fela ni ku sinyiwa. Mi hakusana kuba ni

mawate nihanyinyani, hakusana kuba ni mezi, hakusana kuba sika kaufela mwa lifasi. Sileze se si cisa sa macwe si ka hasaka ni ku panca ni ku suluha, mi taba yateni kaufela . . .

²³⁶ “Mi Na bona Lihalimu leli Nca ni Lifasi leli Nca: kakuli lihalimu lapili ni lifasi la pili ne li felile; mi ne kusina liwate ni lelikana. Na, Joani, na bona Munzi o Kenile o shetumuka kuzwa ku Mulimu mwa Lihalimu sina Munyaliwa ya tinile hande kuitukiseza muuna hae.” Mwahupula zeo? Mi ku yena Munyaliwa yo . . . “Amubone Tabernakele ya Mulimu inzi mwahala batu,” mi Mulimu uka pila ni bona fahalimwa Munzi oswana ni mundandwe o pahami wa limaili ze mianda ye lishumi ka yeketalizoho. Mi fahalimwa Munzi ku kaba Liseli. Amen!

Oh, munzi wani fahalimwa Lilundu la Sione,
Ka kuba muenyi, niteňi Na u lata.
Ni ka ku fumana mwa linako zani,
Ha Ni ka fita mwa munzi wani fa lilundu.

²³⁷ Fahalimwa Lilundu la Sione ku kaina Ngunyana. Mi Munzi hauna kutokwa liseli, kakuli Ngunyana ki yena Liseli la mwateni. Mi fahalimwa Ngunyana ku kaba Ndate, ili lona *Lumonyi*, Mulimu, lona Liseli lelituna, Liseli la Kuyakuile le li ka benya fahalimwa Lubona. Mi Jesu hana kuba fa Lubona lwa Ndata He, Ukaba fa Lubona lwa Hae. Mi ni Ndate uka ambalala fahalimwa Mwana, mane kuli Ndate ni Mwana bbabe Alimumu. “Mi ha ba sa bulela, Ni ka alaba. Ba si ka nahana kale, Ni nahana ka bona.” Yeo ki niti.

²³⁸ Mi Jesu uka eza ze petehile, lusika lo lu petehile kwa—ku Mulimu ya petehile, lona Lwa liuluzi ni ku lufa ku Ndate. Kana ki niti yeo? Uka sikuluhela ku Mulimu Ndate ili wa Moya, isiňi mutu, kono Moya. Mufuta wa bunde kaufela ukopani hamoho, yani ki Mulimu. Mi ni mwa bunde . . . Cwale, sika kaufela se si keluhile kwa bunde si maswe; wani kona mubuso wa Satani. Bunde kaufela ki bwa Mulimu. Bumaswe kaufela ki bwa . . .

²³⁹ Mi cwale Mulimu atoba ya swalija ku Mutu yana bizwa Jesu Kreste yanali yena Mwana Hae. Mwana yo afanisa Bupilo bwa Hae kuli Atise bana babaňwi, kuli Mulimu akone ku swalija, inza beleka ku bona kaufela. “Mwa lizazi lani mu ka ziba kuli Ni inzi ku Ndate, mi Ndate ku Na, Na ku mina ni mina ku Na.”

²⁴⁰ Oh, muzwale, lani ikaba lizazi la niti. Hamuna ku taha ka mota kuzwa kwa Birmingham ku to utwa Liňusa; Liňusa li kaba mwahala luna ka nako yeo nji cwani? Oh, ikaba fela—ikaba fela bunde, nako yende. Lu libelezi lizazi lani; Mulimu li akufise uktaha.

²⁴¹ Ona Munzi omutuna wani o inzi kwani (cwale, mwabona?), hauna ku . . . Mu nahana kuli, “Limaili ze mianda ye lishumi ka zeketalizoho mwahalimu?” Sani kona sene ibulezi Bibele. Cwale, haina kuba mianda ye lishumi ka zeketalizoho ze namile fela ona cwalo. Mwabona? Luna ni sipimo sesiňwi sa naha sa kuli maneku

kaufela a likanelela; wani ki mundandwe o pahami wa piramidi. Mwabona?

²⁴² Mi Munzi uka kala mwendi ka mayemo a sikisite digri. Mi haiba ukala cwalo, limaili ze mianda ye lishumi ka zeketalizoho cwalo, mu nahane fela butelele bwateni mo bu kabela, kono ni butelele bwa nako mo kukangela fa kuba kwani. Hamuna kuziba kuli mu kambama lilundu. Kakuli limaili ze mianda ye lishumi ka zeketalizoho fa sikisite digri, mwali kuyema fela sina *cwana*. Mwabona? Mi Munzi wani ukaba fahalimwa lilundu le. Mi ki o ile mwahalimu hahulu inge fela mo ubezi mwa butelele; ki o mutelele mane inge mo bapukezi mwa bukima. Butelele bwa mwahalimu, ka butungi, ni mwa bukima, kwa—kwa likanelela; mamota kaufela a likanelela. Mundandwe wa piramidi una ni mamota amane, mi ni ona mamota amane ani akaba . . .

²⁴³ Cwale, ona mamota a potolohile Munzi akaba—akaba ka butelele bo bueza liñokolwa ze mianda yemibeli ni ze sikisitini, lishekele ze mwanda ni mashumi amane ka totune, mi yeñwi ni yeñwi ki licwe. Mu nahane fela ka Munzi wateni woo, balikani. Oh, mawi! Kiñi—kiñi ha luinzi mwa sibaka se si cisa cwana se? Kiñi ha luezanga lika ze? Kiñi ha lu zamaisezanga limota cwalo? Kiñi ha lu—kiñi ha lu nyanda? Za swanela mwa muhato kaufela wa musipili.

Oh, manyando a musipili aka bonahala kuba
sesiñwi,
Ha Ni ka fita kwa mafelelezo a musipili.

Yani ki niti. Mi, oh, ikaba nako yecwañi yani.

²⁴⁴ Mi kwani Jesu uka ina fa Lubona. Mi kuzwa kwatasi Lubona ku ka buba nuka ya Bupilo, ye ka suluha kushetumuka mamota amane ani kukena mwa myandala, mi ni kukena mwa mitai nyana, ni ku to panga nuka, ye ka shetumuka mwa Munzi. Ika ya ibuba mwa mikwakwa ona cwalo, mi kwa matuko ku ka mela likota za bupilo ze ka beya—kamba ze ka cincanga miselo ya zona kasamulaho—kasamulaho wa mazazi a mashumi amalalu. Oh, ki Munzi o cwani woo.

²⁴⁵ Mi muhupule, Mulimu, yena Mubupi, yana bupile lihalimu ni lifasi, umwa Kanya ona fa cwana inza lukisa Munzi wani. Abrahama na U batile. A siya lapa la hae; a kauhana kwa lika kaufela zene li zende ku yena mi akala kubata . . . Kiñi? Na li mupolofita. Mi kakuba mupolofita, na tamahani ni Moya ni siemba sa Moya. Mi Sesiñwi sa mu bulelela mwahala hae kuli, “Kiwani Munzi faale,” mi akala ku Ubata. Ali, “Ni muenyi, ni muzamai. Ni bata Munzi woo Mulali ni Muyahi wa ona ki Mulimu.” Na zibile kuli Munzi wani no li teni kokuñwi. Oh, mawi! Mi Ni lumela kuli ona fa sibaka fa ba U batela fani, ona kwani kwa Palestine, ki kona ko Uka tomiwa, kakuli U fa Lilundu la Sione. Fani kona fo Uka bela.

²⁴⁶ Mutualime ko Uka yema kufita ni mwa—mwa liwate, kuzwa liwate le kuya mwa liwate leliñwi. Munahane ka Munzi o likana limaili ze mianda ye lishumi ka zeketalizoho o kaba fa malundu a Mulena. Oh, yani ikaba nto yende!

²⁴⁷ Mi tau ni ngunyana li ka butafafasi hamoho. Tau ika fula bucwani inge poho. Mi bere haina kuba ni buhali, mi sitongwani hasina kuluma. Ikaba nako yecwani yani! Hakuna se si ka holofaza kamba kusinya; lika kaufela likaba mwa kozo ni lilato. Hakuna kuba kusupala; hakuna kuba makulano, hakuna kuba kushwa.

²⁴⁸ Balikani, le ha ki likande fela inge la Santa Claus, taba fela ya matangu cwalo, kono iñozwi mwa Linzwi. Mi hakuna fo Linzwi likile la palelwa. Mi ka kunahana za sepiso ya... Isiñi kwani mwa lizazi a Bibele, kono ki mwa lizazi le, lona lizazi leo Mulimu—kacenu. Hakuna nihaiba taku iliñwi yekile ya palelwa ya Linzwi la Hae. Oh, Ni tamehile kuya kwa Munzi wani. Na lata Sani, mina bo?

²⁴⁹ Batili! Cwale, Muzwale, Kezeli, ibulela kuli seli mizuzu ye mashumi amabeli kasamulaho wa naini. Ni ziba kuli Ni na ni balikani mo baba zwile kwa Kentucky. Ni ziba kuli Ni na ni balikani mo baba zwile mwa libaka zeshutana za na ha. Haiba mubata kuina busihu kaufela, Ni ka lifa malobalo a mina. Ni mi bulelezi kale, muna ni mulalelo o mi libelela ni litifo za malobalo a mina haiba mubata kuina nyana. Mi taba fela ye mu na ni kueza ki ku mu bona kwa mulaho kwani, mi Ni ka eza ona cwalo luli. Ni ka eza sika kaufela se Ni kona ku mitusa. Na mi lata.

²⁵⁰ Hani bati kualaba lipuzo ze mwendi ka ku lwanisana. Haiba ha mu li lumeli, fo kipeto ku lukile luli. Ni bata kuli mu ni late ka mukwa o swana fela, kakuli Mulimu uziba kuli Na mi lata ka mukwa o swana. Ni alaba fela lipuzo ze kuya ka zibo ya—Na kona kufosa ku zeñwi za zona, mulikani, kono ne si kufosa ka kulata. Kambe Ni na ni lipuzo ze silezi kamba ze ketalizoho ka zetalu, kona kuli Ne ni kaina fela ni zona ni ku li tatulula hande ka kuiketa, kono Ni, kufita kuli ni akufe ku zona kaufela kapili cwale... Ni na ni ze likani za zona ka za linyalo ni telekano. Ni nani fela—ni hupuzi kuli Ni ka alaba ze likani za zona. Ni palezwi kufumana ye ni kona kubeya fa, ku linopa, kono Ni na ni lipuzo zeñwi ze butokwa fa, lipuzo ze butokwa luli. Ni bata ku mi alabela zona haiba Ni kona.

²⁵¹ Cwale, haiba mupila bukaufi ni sibaka se, mubize Billy, Labulalu; Ni ka ziba ka nako yani haiba Ni ka yo kuta. Ni ka lapela sunda ye. Kono Ni na ni liuzo zeñata za kwa mukunda, oh, libunda leli kona kueza butuna *cwana*. Mi Ni na ni zeñata hahulu *cwalo* kwani kwa Arizona za ku yo talimana ni zona haiba Ni kona. Mi ki batu baba kula kuli. Babañwi ba ku bona bana ni matata, mi ha ba zibi fela sa kueza—muuna ya nyezi ni musala hae bana ni matata.

²⁵² Mi zeñwi za zona fa lifilwe kwa kuba lipuzo za kwa mukunda, kakuli Ni palezwi ku libala ka kutumusa, seo sicaba si bulezi mwahali mo ka silikani sa manyalo a bona ni lika ze cwalo. Mi Ni boni kuli Billy akute a yo batisisa kuli ki bafi bao, mi—mi ni ku ba biza, ni kuba bulelala kuli lu ba beye fa mukoloko wa lipuzo za kwa mukunda, kuli Ni kone kuambola ni bona. Zeñwi ki zetuna luli, mi ki lipuzo ze lukela ku alabiwa.

²⁵³ Niteni mo ili kulika ku mi tusa, kakuli Na mi lata. Mina mu banake be Ni ipepezi ku Kreste. Ni ikungela mina kaufela. Na mi inga busihu bo; Na ikungela mina ka nako kaufela; Na mi inga kamita ni kuli—kakuba muzwale ni kezela ka. Mina mu banake; Ni—Ni ndate ku mina mwa Evangel, isiñi ndate inge mo ba ngela muprisita, Ni—Ni ndate ku mina mwa Evangel sina Paulusi mwa na bulelezi mwani. Ni mi pepile ku Kreste, mi ki cwani, Ni—Ni mi file ku Kreste; fo ki ku mi beezeza ku Kreste sina mwalyanjo ya kenile. Musike mwa ni swabisa! Musike mwa ni swabisa! Mupile muli mwalyanjo ya kenile.

²⁵⁴ “Cwale Ni ka eza cwani zeo, Muzwale Branham?” Mupile hande ni Linzwi; mupile ka kukena ni kutokwa litiba; mutokwe ni sesikana sa kueza ni lika za lifasi. Haiba lilato lateni li mwa lipilu za mina, muli, “Oh, Jesu, shangwe zusa lika ze ku na. Hani lati kuba cwalo.”

Cwale ha Ni talusi kuba mutu yomuñwi cwalo ya—ya bulela cwana. Ni—Ni talusa kuba mulumeli wa niti. Mulumele Jesu Kreste ni kupilela Yena zazi ni zazi. Musike mwa eza bumaswe.

²⁵⁵ Cwale, linako zeñata Ni ambolanga za tumelo ya Makalbini. Cwale, musike mwa nahana kuli zeo za mi tamulula kuli mube ni kueza sina kaufela se mu bata. Mutanga yomuñwi zazi leliñwi . . . Ne niize, “Kana uile kwa keleke?”

Ki hali, “Ne niile kwa kuzuma.”

Musala mutu yani ataha ku na, mi nazwa kwa kutapisa libyana la Sunda. Mi se Nili, “Ki kabakalañi ha mu si kaya kwa keleke?”

Musali ali, “Ne ni tapisa.”

Se nili, “No sa lukeli kueza cwalo.”

“Kihande,” musali ali, “Na hani mutu wa milao wa kale.”

Se nili, “Kono Ni nahana kuli u Mukreste.” Mwabona? Se nili, “Kana wa ziba kuli ubeya sitataliso mwa nzila ya yomuñwi?” Mwabona? Se nili, “Ki . . .”

“Kihande, awh, Na—Na lumela *cwalo*. Hani lukela kueza lika zani. Na hani wa milao.”

²⁵⁶ Kihande, talima Muzwale, Kezeli, mutualime kwanu. Paulusi naize, “Haiba kuca nama ku sitatalisa muzwale mwa nzila ya hae, Hanina kuca nama nihanyinyani mwa lifasi.” Mi Ni sepa kuli ne ku kaba hande . . .

²⁵⁷ Cwale, muli, "Muzwale Branham, wa zumanga. Kana ha usika zuma kale la Sunda?" Aluboneni ni mi bulelele nto yeñwi. Isiñi—Hani kombakombi isali na ka se, kono Ha...Ha ni wa Sabata cwale, Ni lumela kuli Moya o Kenile kona Sabata ya luna. Na lumela cwalo, kono Ni lumela kuli lu lukela kukuteka zuho ka kuba kupuzo. Yani ki kupuzo yeo Na...Haiba muna ni ku kuteka lizazi lifi kaufela, mukuteke yona zuho yani.

²⁵⁸ Cwale, hakuna mulao o paka kukuteka lizazi lifi kaufela, kakuli mukena mwa Sabata, yona kozo, ha mu kena ku Yena. Nina ni puzo yani fa yeni ka alaba kapili cwanoñu nyana fa, haiba Mulena alata, ya kuli lizazi la Sabata ki lifi? Ni ka itoloka, Mulimu ha lata.

Mi cwale ha mulemuhe, muhupule taba ye. Mwabona? Hane Nili mushimani yomunyinyani, ona kwanu kone kupila Eichs kwa mukwakwa, Ne nina ni myaha ye lilshumi ka yemine ya kupepwa; Ne ni teyanga tulaba fa kuipiliseza. Kona fo ne Ni fumanelanga sinkwa mwa ndu ya luna neli ka kuteya limunanu, tungamba, binyonde.

Ne ni lata kuteya tulaba, mi ne Ni na ni kuezanga cwalo. Ne ni ya kwa sikolo inge ni nunka inge kangamba, mi Ne—Ne ni na ni fela makatulo alimañwi ni liapalo, mi kona fela zene Ni tinanga. Kona zene Ni nani kipeto. Boma ne ba ni tubulanga zona kipeto ba litapisa, ni ku li apala hape; mi cwale, kona mone Ni kenela sikolo ona cwalo, mushimani fela yomunyinyani. Kono Ne ni yemi fani busihu bobuñwi; Na li, "Ne ni teile tulaba twaka kwani bukaufi ni twa Wathen, kwahali kwani." Ne ni shitukanga kakusasa zazi ni zazi mwendi ka tu kiloko ni lambi ku yo teya malaba ao, ni kukuta ka nako ku to ya kwa sikolo. Ne ni swasa lishakame; Na ipumanela macenti a lishumi ka aketalizoho ku yona. Na ipumanela sikocela sa malumo a mwa tobolo ka ona, mi kipeto ao aka bulaya tushakame totulalu kamba totune. Sene lusina neli ma mbisikiti haili ka lishakame—kupalañi, ye seta ya mulalelo, Na lekisa yeñwi, mi mwendi ni kuswaswa yetuna kuli ni leke kwateni sinkwa, kamba bupi cwalo, kamba tubupi twa kupangisa tukono totu lubiswa ka mulo wa nama. Hani zibi haiba mukile mwa fateni cwalo kamba nee.

²⁵⁹ Ne ni teyanga tutamba mwa nuka; ku shetumuka cwalo, ni kuswala litapi, ni ku li lekisa ka macenti a lishumi mwa paundi iliñwi. Kuteya tutamba twa ka. Ne ni sina mukolo; Ne ni cimboka nga ni musumo. Kukena mwa nuka—mi ku sa bata maswe—kubeya buleke bwaka bwa bulo fale fa musumo wani ni ku—kufuluha ni kufuluha ona cwalo, mubili wa ka oli mapunu mwa nuka, ni kuteya cwalo... Ni yo beya muhala kwa neku le, kutamelela litapi za ka. Cwale liminga zani inge li ni ngunyuta kwa liutu ona cwalo, ni kubeya bulo bwaka fani...

²⁶⁰ Kono mutualime, linako zeñata busihu Ne ni zwelanga kwani kwa nuka ka ilebene kiloko ni ku nyanganyisa siemba kaufela

sa bulo kwa kashuto kani. Hane Ni sa swalí zeñata mwa mazazi a silezi, ne ni sa lati za kuswala ka lizazi la busebene. Ni yemi kwani mwa pula.

²⁶¹ Busihu bulibuñwi Ni ipna fela inge ni yemi, ne ni yendamezi kwa . . . Ne nili muezalibi; kono Ne ni yemi, ni nze ni yendamezi fa musumo sina cwana, wa munyako. Oh, neli kusuluha kwa pula yene nela, bukaufi ni ilebene kiloko. Se nili, “Ni ka komboka busihu kacenu, kono Ni ka yo teulula kaufela tota tulaba twani. Hanina ku tu teya la Sabata.” Se nili, “Hanina ku—Hanina ku teya tulaba twani.” Mulimu ukutekile zani.

²⁶² Ni hupula nako hane Ni bata kamita, Na kamita, mwa bupilo bwaka kaufela ne ni bata kuba muzumi. Bo kuku ba baana neli lizumi. Mwa ziba, bo kuku ba basali ne ba zwelela mwa matata; ne ba ikungezi mali a lituwelo. Ni lata fela hahulu za mishitu.

²⁶³ Mi Ni hupula kuli kamita Ne ni batanga kamita kuli . . . Ne—Ne ni bata fela kuli bupilo bwaka kaufela . . . Ne ni hupula kuli kambe Ne ni ka ba ni masheleñi amañata nyana kufitela hane Ni ka ba ni tobolo yebizwa .30-30 . . . Kambe Ne ni ka kona fela, fone ne Ni ka ba ni tulaba totuñata. Ne ni ya kwa malundu; Ne ni ka tuhela kuli babañwi ba lifasi ba zamaye. Na hupula kuli, “Mwendi fokuñwi hane Ni ka lwala tobolo yaka ya .22 ni kuituta kuba mukupi yomunde, muzumi yomuñwi nako yeñwi uka bata ku zamaya ni na. Hane Ni kaba munungi yomunde hande, na ka ni lumeleza kuya ni yena kuli ni mu sileleze; Ne ni kaya kwa kuzuma.” Na talima, fa limota la ka, mi litobolo zende ze leka mali liteni fateni, kufitela mane Ni ya kusina tobolo ya mutu ku yo zumisa.

²⁶⁴ Uni lumeleza kuya mwa malundu ku yo kutaza, mi babañwi ba bazamai babande ba mwa lifasi ba ni shimbanga ku yo zuma, mahala. “Muhau o komokisa, ki muhuwo kwa munati.”

²⁶⁵ Mi Na . . . Nihaiba kakusasana fa, muzumi wa kale kwanu ni tobolo ya .35 ya Remington—Ne ni sa tokwi tobolo yani—kono an beya lizoho fa maheta, ali sa supala kuli azume, “Ni bata kukufa tobolo ya ka.” Ne ni hupulanga cwalo hane Ni li mushimani wa mwanana, kuli, kambe Ne ni ka ba ni muhupulo wa kuba ni tobolo ye cwalo ya ka, oh, mawi, mo ne ku ka bela. Mi cwale, Ni sa nahana fela, ki zani li pahekilwe fa limota la ka, litobolo zende, libaka kwa ku yo zuma.

²⁶⁶ Ni hupula ka kuzwela fande, mi ni bashimani ba leka aisi kirimu ba mumuna. Mi fokuñwi babañwi ba bona neba banga ni kapene kakañwi kwatuko kipeto ba ni lekela iliñwi. Mawi, Ne ni sa koni kuba lekela nihaiba iliñwi ya kukutisa. Na hupula kuli, “Kambe Nina . . .”

²⁶⁷ Mi fokuñwi ne ba lekanga ona zani, ze lu biza kuli “mañende a mudlark.” Hani zibi kamba kaufela mina mwa hupula zani kamba nee, kono mina babañwi ba kale . . . Mwakona kuleka ka muwayawayaya o kwatasi hahulu, nama yena ni nyanisi fela ye

halikilwe mwateni. Oh, Na lata lika zani. Kakuba mwanana ne lusina zona... Sinkwa fela sa bupi bwa mbonyi ni sitipwitipwi sa shuka—mwa ziba mo li inezi—fa kuca.

²⁶⁸ Cwale, mutu yomuñwi na ni lekelanga ona mañende ani, mi mushimani, kipeto Na itwazaka kwa minwana kone Ni sweli liñende le. Ne li—ne li—utwahala hande luli. Mi Na hupula, “Mushimani, muuna yani, kambe Na kona fela ku mu lekela liñende.” Kono cwale, Na kona kulekela keleke mulalelo wa bona.

²⁶⁹ Na hupula ona lika zeo kaufela, mi kana li zwelela kai? Ki sishemo sa Mulimu, hakuna se Ni ezize.

²⁷⁰ Na hupula inge ni ya mwa nzila mo kwanu mi Na bulela ni mutu yomuñwi. Bo ndate—mina kaufela mwa ziba hande—kuli neba nwa; ne ba kondola bucwala. Ni kuli—hakuna yana bata kueza sesiñwi ku na. Ne niya mwa mukwakwa ku yo lika kuambola ku mutu; Ni sa kopananga ni muuna yani kacenu. Kulika kuambola ku yomuñwi, haiba hakuna mutu wa kuambola ni yena, u ka yema ni kuli, “Eehe, uh-huh.” Mwabona? Ne ni li Branham.

²⁷¹ Kacwalo, Ne ni ikutwanga bumaswe luli, ni ku sikuluha, ni kuikela. Na hupula, “Hani na mulatu ka sani. Hani si kaeza se ne baezanga bo ndate. Nali kuba ni new mwa bupilo bwaka. Kiñi ha Ni na ni kuyemela zani?” Mi ne Ni bulelela musala ka kwanu ha ki kale hahulu kuli, “Ni lukela kuina kwande a tolopo.” Mulimu ubile yomunde hahulu ku na.

²⁷² Na hupula fani hana bulelezi Natani inza inzi fani nako yeñwi. Natani... Davida naize, “Kana ki swanelo kuli ni pile mwa ndu ya kedare kono areka ya Mulimu wa ka iine mwatasa litende kwande kwani inge iapesizwe.” Mi a... .

Natani, mupolofita, ali, “Davida, eza kaufela se si mwa pilu ya hao, kakuli Mulimu una ni wena.” Mupolofita na ezize mafosisa, isi ka kukalata.

Busihu bwani Mulena ataha ku mupolofita, ali, “Zamaya u yo bulelela mutanga ka Davida kuli, ‘Ni mu zusize kwa kunyomaeta lingu mwa mulaho, kulisa lingu nyana zani kwani; mi Ni mufile libizo sina mutu yomutuna yaliteni mwa lifasi. (Na si ka bulela kuli Na mufile libizo lelituna hahulu, Na mufile fela libizo lelituna sina baana babatuna bene bali mwa lifasi.) Ni ku ezelize lika ze kaufela, Davida. Ni zwisize lila za hao kaufela ko uka ya. Ni bile kwatuko a hao. Hani si ka ku palelwa, mi ha Ni na kuku palelwa. Kono ha Ni na kukutuhela kuli uyahe munzi.’”

²⁷³ Na hupula ka zani, ka sibaka koo Mulimu cwale ani tusize ni ku ti zibisa baana babatuna, ku ni lumeleza kuya mwa lifasi kaufela. Mi ni sicaba kuzwa mwahala lifasi ba biza kuli ni yo ba lapelela, ni batu baba kula, mi—ba bata kuba ni mizuzu nyana ni mina, koo fela lilimo ze likani kwa mulaho mane neba sa itemunangi—ku sikulula litoho za bona ku ni bona fa

mukwakwa. Mi cwale, mutu wa pisinisi u fuma ka batu bao Ni tisanga mwa munzi ni bao nina ni mo, kuya ka lico za bona ni litifo za bona za malobalo, ni lika ze cwalo, nina—ni kuya mwa lihotela za malobalo ni mwa munzi ni zeñwi cwalo.

²⁷⁴ Batu baba... Batu ne ba sa ni lati ni hanyinyani; hakuna yana ni bona butokwa. Kono cwale, ka tuso ya Mulimu, Ni lumela kuli Ni zamaisa Munyaliwa wa Jesu Kreste. Oh. “Muhau o komokisa, ki muhuwo wa munati.”

²⁷⁵ Zeo lizwelezi kai? Kana ki tuto yaka nji? Hanina ni ye kana. Nji li zwelezi kai? Butu bwaka nji? Hanina ni bobukana. Kana li zwile kwa zibo yaka ka za bumulimu? Hakuna ze ni ziba. Ne li tile kwa sikamañi? Ki sishemo sa Mulimu se si ni pilisize.

Ki sishemo se si lutile pilu yaka ku saba,
Ki sishemo se si tamuluzi sabo yaka;
Ki tabo cwani sishemo sani ha si bonahala,
Ka hola ye Ni lumela pili.

Mwa likozi zeñata, manyando, ni ze swenya,
Ni se ni fitile ku zona;
Ki sishemo se si nitisize kufita fa,
Ki sishemo se si ka niisa kwa hae.

Mi cwale ha lukaba kwani mwa Munzi wani
myaha ye likiti ze mashumi,
O benya kufita lizazi;
Halusana kuba ni nako yenyinyani ya kuopela
tumbo ya Hae,
Kufita ha lu kala sapili.

Oh, mo Ni latela Jesu, lona Libizo lelinde lani lene li ni pilisize hane Ni li mu—mu ezelibi, lene li ni folisize hane Ni kula, leli ni fa sepiso ya ndu mwa Munzi. Nina ni ndu mwa Licwe lani. Hakuna ze ni bilaeza cwale kono kwanda kunga bana ba Mulimu kaufela hamoho ni ku bulela kuli, “Halu yeni.” Hola, nako ya busihu ya kwana; se ku unsufezi kufita mo lu nahanelia. Ha lu lapeleni.

²⁷⁶ Mulena Jesu, kukwala kwa lizazi lelinde... Hane luka yema fahalimwa lilundu ni kutilima lizazi, mi mibala ye mifubelu ha itaha fahalimwa malundu amatuna kwa buse kwani, fani liito le lituna halika itima, linyunywani likala kuya kwa liyaleto za zona, seli busihu cwale. Lu se luboni lizazi leliñwi la Moya fo Moya o Kenile ha ubile u lutusa kwa kualaba lipuzo ze. Cwale, lwa ya kwa siyaleto sa luna, Mulena. Lu babalele; usike wa lumeleza sika ku lu tahela, Mulena. Lu babalele kwa linoha za busihu ni bumaswe. Mi Mulimu abe bukaufi ni luna ka linako kaufela, ku lu sileleza ni ku lutusa.

²⁷⁷ Na lapela, Ndate yakwa lihalimu, kuli U fuyole mañi ni mañi yali mwa mukopano, bani baba palezwi, kaufela baba teeleza kwa matepu. Lipuzo lisike za ba zetata hahulu. Mi haiba Ni ezize mafosisa, Mulena, Wa ziba pilu ya ka; Ne ni sa leli kueza cwalo.

Na lapela, Mulimu, haiba kuna ni sika kaufela se si fosahalile, kuli Hauna, hauna ku si tuhelela ona cwalo; nili tepu ha iyeme. Usike wa lumela kuli ni pume mutu nihaiba alimumu, Mulena. Tuhela kuli nibe mutanga Hao wa niti, kakuli yani kona tato ya pilu yaka kakutala. Kamba Na pila kamba na shwa, kamba Na liyeha kamba Na zwelapili, kamba Ni lobezi kamba Na tona Ha taha, zeo halina butata ku na, Ndate, tato ya Hao iezahale. “Kakuli Ni ziba kuli Muliululi wa ka wa pila, mi ni ka lizazi la mafelelezo Uka yema mwa lifasi. Mi mane nihaiba mabuku akaca mubili wa ka wo, kono ona mwa mubili wa ka wo Ni ka bona Mulimu.” Yani neli mupolofita Jobo hana boni kutaha kwa Mulena.

²⁷⁸ Mi, Mulena, kacenu sina batanga ba Hao, lu talimezi kwapili ni kubona kutaha kwa Hao. Kacwalo ha lina taba ku luna, Mulena, kuli kilili, ki cwani, ki kai. Luna lubata fela ku tabisa Wena. Lu mwa mazoho a Hao. Lu buluke, Mulena, kufutela lizazi li pazula. Lumeleza cwalo, mi kipeto kaufela luna lu ka zamaya kuya kwa Sione ili kwa Munzi oo Ngunyana ki Liseli.

²⁷⁹ Banake babanyinyani mo, Mulena, bao Ni pepezi ku Wena ka litamo za Bibele, ki bona muselo wa Linzwi le. Ba ni lata, mi Na ba lata. Mi Ni ziba kuli Wa lu lata kaufela luna. Lwa lapela, Mulimu, kuli Ulu beye fa mezi amanca ka Linzwi la Hao kuli lukone kubona fela Ýena. Lumeleza cwalo, Mulena. Ha lu tale hahulu ka Linzwi la Hae kuli Moya ukone kuitusisa luna kai ni kai kwa sibaka sifi kaufela kwa ku bonahalisa Linzwi kaufela leo A sepisize. Lumeleza zeo ku luna kaufela. Mo fahalimwa sicaba se . . .

²⁸⁰ Muzwale waka Jackson wa kuta cwale, kukutela kwani kwa South Africa. Zamaya ni yena ni musala hae; ba ni bona, Mulena. Ba zamaise mwa musipili wa bona.

²⁸¹ Ki yo fa Muzwale Lee Vayle wa ñola, kukopanya linzwi ni linzwi le Ni bulela, ulika kupanga buka. Oh, Mulimu, tusa Muzwale Vayle ni Kezeli Vayle.

²⁸² Ki ba mizwale fa kuzwa kwani kwa—kwa Arkansas, ni—ni mizwale baha Martin, ni—ni—kaufela bona mizwale babañwi ba. Ni lapela kuli Ube ni mañi ni mañi wa bona.

²⁸³ Ube ni Muzwale Neville, Muzwale Capps, Muzwale Ruddell, Muzwale Jackson, kaufela. Oh, Mulimu, kuna ni babañata. Ba zwile kwa Georgia, kuzwa kwa Alabama, ni kusila naha ni mwahala lifasi. Lu hupula ka za pina yetwi:

Oh, bazwa kwa Upa ni Wiko;
Bazwa kwa linaha za kwahule;
Ku to ca ni Mulena luna,
Ku to ca sina baenyi ba Hae, (Uba memile ku
to ca za Hae.)

Bafuyozwi cwani bazamai baa.
 Ba buha pata ya Hae ye fuyozwi,
 Ye benya ka lilato la bumulimu;
 Ba fuyozwi baci ba sishemo sa Hae,
 Sina macwe a benya mwa mushukwe wa Hae.

²⁸⁴ Oh, Mulimu, alu benye cwalo sina macwe abutokwa mwa mushukwe wa Hae, kuli babañwi ba bone mi ba lakaze ku Mu sebeleza. Lumeleza cwalo, Mulena. Ba sileleze mwahala musipili. Fuyola mañi ni mañi.

²⁸⁵ Mi Ndate, ka nako ya hao yetomilwe . . . Na ni mutanga hao. Haiba ubata kuli ni zwelepili mwa lisunda zetaha ze kamba kunga lipuzo zani ni likalabo, patulula ku na, Mulena, mi tuhela kuli ni zibe mwahala cwale ni Labulalu kuli lu utwisise. Lumeleza cwalo, Ndate, kuli batu ba tahe. Mi Ni lapela kuli mbuyoti ye kuli Uka lu tusa ni—ni ku kopana ni luna hape mo mwa mukopano wa luna o tatama.

²⁸⁶ Ube ni Muzwale Neville ni baana ba babatisa Linzwi ku yo punya kwani kwa Texas, ni kuzwela mwa Arkansas, ni libaka ze shutana; ba fela ni bona, Ndate. Muzwale Pearry Green ni sikwata kaufela kwani, mi—ube fela ni bona kaufela, Mulena; ki bana ba Hao babanyinyani. Kai ni kai hala lifasi ba libelezi kutaha kwa Hao. Lu tuse, Ndate lwa lapela, halunze luipeya luna ku Wena. Ka Libizo la Jesu itusise luna. Amen.

²⁸⁷ Na lata pina yani, *Bazwa kwa Upa ni kwa Wiko*. Ki babakai baba iziba? Hani zibi kuya ka mo Ni izibela, kono Ni sepa kuli Na ziba timana ya yona. Wakona ku ipamula, Kezeli. Hani zibi kamba ba kona ku i amuhela.

Oh, bazwa kwa Upa ni Wiko;
 Bazwa kwa linaha za kwahule,
 Ku to ca ni Mulena luna,
 Ku to ca sina baenyi ba Hae,
 Ba fuyozwi cwani bazamai baa.
 Oh, ba buha pata ya Hae ye fuyozwi,
 Ye benya ka lilato la bumulimu;
 Bafuyozwi baci ba sishemo sa Hae,
 Sina macwe abenya mwa mushukwe wa Hae.

Oh, Jesu wa taha cwale;
 Miliko ya luna ika fela cwale.
 Oh, kucwani haiba Mulena luna utaha ka nako
 ye
 Kutela baba lukulu hile kwa sibi.
 Oh, kana si ka kutiseza tabo nji,
 Kamba maswabi ni sabo yetuna?
 Foo Mulena luna hataha mwa Kanya,
 Lu ka Mu katanyeza mwa mbyumbyulu. (Kana
 mwa lata cwalo? Halu iliken i hape.)

Oh, bazwa kwa Upa ni Wiko;
 Oh, bazwa kwa linaha zakwahule,
 Ku to ca ni Mulena luna,
 Ku to ca sina baenyi ba Hae,
 Ba fuyozwi cwani bazamai baa.
 Ba buha pata ya Hae,
 Ye benya ka lilato la bumulimu;
 Oh, bafuyozwi baci ba sisshemo sa Hae,
 Sina macwe abenya mwa mushukwe wa Hae.

Oh, Jesu wa taha cwale;
 Miliko ya luna ika fela cwale.
 Oh, kucwani haiba Mulena luna utaha ka nako
 ye

Kutela baba lukuluhile kwa sibi.
 Oh, kana si ka kutiseza tabo nji,
 Kamba maswabi ni sabo yetuna?
 Foo Mulena luna hataha mwa Kanya,
 Lu ka Mu katanyeza mwa mbyumbyulu.
 (Kibabakai ba babata ku Mu katanyeza
 mwahalimu mwani? Oh, mawi!)

Oh, Jesu wa taha cwale; (Amuitime fela meto
 amina ni kunahana muhuwo wa tolombita.)
 Miliko ya luna ikafela.

Oh, kucwani haiba Mulena luna utaha ka nako
 ye
 Kutela baba lukuluhile kwa sibi.
 Oh, kana si ka kutiseza tabo,
 Kamba maswabi ni sabo yetuna?
 Mulena luna ha taha mwa Kanya,
 Lu ka Mu katanyeza mwa mbyumbyulu. (Mwa
 lata cwalo?)

²⁸⁸ Pat, ube ya tiile pilu! Li ka ku pazulela lizazi ku leliñwi la kakusasana. Ha ni si ka bona ko siile, kono sibonahalile hande. Amen! Muna ni nako yetelele, muzwale, si ka kuta. Mi sina sinkwa fahalimwa mezi si ka kutela ku mina zazi leliñwi. Yani ki niti. Ku lukile.

Oh, mwa Mu lata kana?

Tumelo ya ka italima Wena,
 Wena Ngunyana ya Kalvari,
 Oh, Mupulusi yapahami!
 Cwale utwa ha Ni lapela,
 Takula libi zaka kaufela,
 Usike wa tuhela kuli ni keluhele kwahule ni
 Wena.

Hanze Ni bubutela mwa miliko ya lififi,
 Mi maswabi ani beya mwahali,
 Ube Wena Muzamai wa ka,

Eza lififi kuba lizazi,
 Takula miyoko ya maswabi ku na,
 Oh, tuhela kuli kuzwa kacenu nibe wa Hao ka
 kutala! (Kana ha mu lati cwalo?)

Tumelo ya ka italima Wena,
 Wena Ngunyana ya Kalvari,
 Oh, Mupulusi yapahami!
 Cwale utwa ha Ni lapela,
 Takula libi zaka kaufela;
 Mane usike wa tuhela kuli ni keluhele kwahule
 ni Wena.

Ufuyolwe muhala o tama (Oh, mawi!)
 Lipilu za luna mwa lilato la Bukreste;
 Kopano ya kutwano yende
 Iswana sina yani ya kwa halimu.

Fapila lubona lwa Ndata luna
 Lu sulula tapelo ya luna;
 Sabo ya luna, sepo za luna, ze lubata ki
 zeswana,
 Tabo ya luna ni lipilaelo za luna.

Kono cwale ha lu siyana,
 Si utwisa lipilu butuku;
 Kono lu ka tamahana mwa lipilu,
 Ni kusepa ku kopana hape.

²⁸⁹ Kezeli Wilson, wa hupula mwendi myaha ye mashumi amalalu ka zetalu kamba myaha ye mashumi amalalu ni ye ketalizoho kwa mulaho mwa ndu yenyinyani ya mukopano hane luswalananga kwa mazoho? Na ziba kuli wa hupula cwalo. Oh, halu sutelelaneñi ni kuswala mutu kwa lizoho.

Ufuyolwe muhala o tama
 Lipilu za luna mwa lilato la Bukreste;
 Kopano ya kutwano yende
 Iswana sina yani ya kwa halimu.

Fapila lubona lwa Ndata luna
 Lu sulula tapelo ya luna;
 Sabo ya luna, sepo za luna, ze lubata ki
 zeswana,
 Tabo ya luna ni lipilaelo za luna.

Kono cwale ha lu siyana,
 Si utwisa lipilu butuku;
 Kono lu ka tamahana mwa lipilu,
 Ni kusepa ku kopana hape.

Kana mwa latana? Bana babanyinyani, mu latane.

Kufitela lukopana, kufitela lukopana,
 Kufitela lukopana kwa mautu a Jesu;
 Kufitela lukopana, kufitela lukopana,
 Mulimu abe ni mina kufitela lukopana hape.

²⁹⁰ Mwa Mu lata nji? Kana ha Ki yomunde? Mwa latana nji?
 Amu sutelelane, mubulele sesiñwi ku mañi ni mañi. Muli,
 "Mulimu ami fuyole, muzwale. Ami fuyole, kezeli."

²⁹¹ Basweli ba luteeleza busihu bo kwabuse bwa nuka, Kezeli Wilson. Na mubona Muzwale wa kale Seward ha zamaya, wa kambela kwa mazoho. Ni boni muzwale wa luna kwa mulaho kwani ni mulelu kwa sifateho sa hae inza nanuzi mazoho a hae, inza lumba Mulimu; Ni hupuzi Muzwale Ryan, mwa na inelanga ona kwani mwa tabernakele ya kale ni mulelu wa hae o mutelele cwalo. Usweli wa teeleeza busihu bo mwabuse bwa likamba la Kenya, muhalalehi yomunde wa kale. Kana ha Ki yomunde nji?

Unge Libizo la Jesu,
 Mwana ya mwa manyando ni bumai;
 Liki kuwa tabo ni nyakalalo,
 Oh, lingi ko uya kaufela.

Libizo Lelinde, O lelinde!
 Sepo ya lifasi ni tabo ya Lihalimu,
 Libizo Lelinde, O lelinde!
 Sepo ya lifasi ni tabo ya Lihalimu.

Cwale, unge Libizo la Jesu. (Bakenisa ñi?)
 Kuba tebe kwa sila kaufela. (Kuezahala
 sikamañi?)

Kuli miliko ha i ku kwahela,
 Bulela libizo lelikenile lani mwa tapelo.
 Libizo Lelinde, O lelinde!
 Sepo ya lifasi ni . . .

Oh, Jesu, ba tuse Na lapela . . . ? . . . Ba folise, Mulena, ka
 Jesu . . . ? . . . kana ki wa hao yo ni yena . . . ? . . .

Sepo ya lifasi ni tabo ya Lihalimu.

Yo ki musizana wa hao yomunyinyani? Ki yomunde.

²⁹² Kwa litaba za lipuzo ni likalabo: Billy ubulezi kuli mu bonane ni yena mwahala kacenu ni Labulalu ka lipuzo ni likalabo kamba kuzwa Labulalu kuyofita la Pelekelo kwa litaba za lipuzo ni likalabo zetatama, kamba . . . Haiba haluna kuba ni mikopano kasamulaho wa Labulalu, mu bonane ni yena, mina babana ni litaba za lipuzo ni likalabo. Babañwi ba mina, ha zibi mwa ka mi fumanela. Kacwalo uka . . . Kaufela baba bata litaba za lipuzo ni likalabo cwale, mu bonane ni Billy.

²⁹³ Mwa Mu lata nji? Ku lukile. Cwale, kufitela lu kopana, Mulimu ami fuyole. Lubata kuinamisa litoho za luna; mi Ni ka kupa mulikana ka yomunde, ya likute, ki mañi yaka ya kwabuse bwa mawate cwale, ku yo fita kwa Africa, kone Ni ilo

kutaza nako yeñwi kwani ka Libizo la Mulena, Muzwale Sidney Jackson, yena ni musala hae . . . Lubile baba tabile hahulu kuba ni bona ni luna mwa lisebelezo ze likani zefitile ze. Mo Mulimu amu fuyolezi. Mi Ni ka kupa Muzwale Sidney Jackson haiba uka lukulula sicaba se ka tapelo. Muzwale Jackson, haiba ukona.



LIPUZO Ni LIKALABO LOZ64-0823E

(Questions And Answers)

MUKOLOKO WA MUEZEZO, MULAO NI TUTO YA KELEKE

Liñusa le ka Muzwale William Marrion Branham ne li kutilizwe lwa pili mwa Sikuwa la Sunda manzibwana, Muyana 23, 1964, ili fa Branham Tabernacle mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi ne i hatisizwe ni kuhasanyiwa ki ba Voice Of God Recordings.

LOZI

©2018 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org